







後漢書卷七

宋

宣

城

太

守范曄撰

唐

章

懷

太

子賢注

桓帝紀第七

孝桓皇帝諱志

諡法曰克敵服遠曰桓志之字曰意

肅宗曾孫也祖父河間孝王開父蠡吾侯翼

順帝時開

上書願分蠡吾縣以封翼帝許之蠡吾故城在今瀛州博野縣西蠡音禮

母區氏

諱明本蠡吾侯之媵妾史記曰區姓咎繇之後也區音偃

翼卒帝襲

爵為侯本初元年梁太后徵帝到夏門亭

洛陽城北面西頭門也門外有萬壽亭

將妻以女弟

妻音七計反

會質帝崩太后遂與兄大將軍冀定策禁中閏月庚寅使冀持節以王青蓋車

續漢志曰

皇太子皇子皆安車朱班輪青蓋金華蚤故曰王青蓋車也

迎帝入南宮其日即皇帝位時年十五太后猶臨朝

政

東觀記曰太后御卻非殿

秋七月乙卯葬孝質皇帝于靜陵

在洛陽東南三十里陵高五丈五尺周百三十八步齊王喜

薨辛巳謁高廟光武廟丙戌詔曰孝廉廉吏皆當典城牧民禁姦舉善興化之本恒

必由之詔書連下分明懇惻而所在翫習遂至怠慢選舉乖錯害及元元頃雖頗繩

正猶未懲改方今淮夷未殄軍師屢出

本初元年廬江賊攻盱台廣陵賊張嬰等殺江都長盱台江都並近淮故言淮夷時中郎

百姓疲悴困於徵發庶望羣吏惠我勞民蠲滌貪穢以祈休祥其

百姓疲悴困於徵發庶望羣吏惠我勞民蠲滌貪穢以祈休祥其

百姓疲悴困於徵發庶望羣吏惠我勞民蠲滌貪穢以祈休祥其

有得信其操

信音申古字通

各明守所司將觀厥後九月戊戌追尊皇祖

河間孝王曰孝穆皇夫人趙氏曰孝穆皇后皇考蠡吾侯曰孝崇皇冬十月甲午尊

皇母偃氏為孝崇博園貴人博本漢蠡吾縣之地也帝既追尊父為孝崇皇其陵曰博陵置園廟焉故曰博園在今瀛州博野縣西貴人位

次皇后金印紫綬

建和元年春正月辛亥朔日有食之詔三公九卿校尉各言得失戊午大赦天下賜

吏更勞一歲男子爵人二級為父後及三老孝悌力田人三級鰥寡孤獨篤癯貧不

能自存者粟人五斛貞婦帛人三匹災害所傷什四以上勿收田租其不滿者以實

除之二月荆揚二州人多餓死遣四府掾分行賑給沛國言黃龍見譙夏四月庚寅

京師地震詔大將軍公卿校尉舉賢良方正能直言極諫者各一人又命列侯將大

夫御史謁者千石六百石

將謂五官左右虎賁羽林中郎將也大夫謂光祿大夫太中大夫中散大夫諫議大夫

博士議郎郎

官各上封事指陳得失

博士掌通古今此六百石議郎比六百石郎官謂三中郎將下之屬官也有中郎侍郎郎中

又詔大將軍

公卿郡國舉至孝篤行之士各一人壬辰詔州郡不得迫脅驅逐長吏長吏臧滿三

十萬而不糾舉者刺史二千石以縱避為罪若有擅相假印綬者與殺人同棄市論

丙午詔郡國繫囚減死罪一等勿笞唯謀反大逆不用此書又詔曰比起陵塋作靜陵也

彌歷時歲力役既廣徒隸尤勤頃雨澤不沾密雲復散儻或在茲易曰密雲不雨自我西郊其令

徒作陵者減刑各六月是月立阜陵王代兄勃道亭侯便為阜陵王便光武玄孫也阜陵王恢之子

以順帝陽嘉中封勃為道亭侯今改封也道音子由反本傳作便親紀傳不同蓋有誤郡國六地裂水涌井溢續漢志曰水溢壞城寺室屋殺

人時梁太后攝政兄芝草生中黃藏府漢官儀曰中黃藏府掌中幣帛金銀諸貨物也六月太尉胡廣罷大

司農杜喬為太尉秋七月勃海王鴻薨章帝曾孫也樂安夷王寵之子立帝弟蠡吾

侯慳為勃海王乙未立皇后梁氏九月丁卯京師地震太尉杜喬免冬十月司徒趙

戒為太尉戒字志伯蜀郡人也司空袁湯為司徒前太尉胡廣為司空十一月濟陰言有五色

大鳥見于己氏續漢志曰時以為鳳凰政既衰缺梁冀專權皆羽孽也已氏縣名屬濟陰郡故城在今宋州楚邱縣也古戎州己氏之邑也戊午

減天下死罪一等戍邊清河劉文反殺國相謝暲欲立清河王蒜為天子事覺伏誅

蒜坐貶為尉氏侯徙桂陽自殺尉氏縣屬陳留郡今汴州縣也前太尉李固杜喬皆下獄死續漢志曰順帝

之末京都童謠曰直如弦死道邊曲如鉤反封侯曲如鉤謂梁冀胡廣等直如弦謂李固等陳留盜賊李堅自稱皇帝伏誅東觀記曰

江舍及李堅等

二年春正月甲子皇帝加元服庚午大赦天下賜河間勃海二王黃金各百斤河間王建

勃海王慳彭城諸國王各五十斤彭城王定公主大將軍三公特進侯中二千石二千石將大

夫郎吏從官四姓及梁鄧小侯諸夫人以下帛各有差年八十以上賜米酒肉九十

以上加帛二匹綿三斤三月戊辰帝從皇太后幸大將軍梁冀府白馬羌寇廣漢屬

國殺長吏益州刺史率板楯蠻討破之板楯西南蠻之號夏四月丙子封帝弟顧為平原王

奉孝崇皇祀尊孝崇皇夫人馬氏為孝崇園貴人嘉禾生大司農帑藏說文曰帑者金布所藏之

府也帑佗朗反五月癸丑北宮掖廷中德陽殿及左掖門火車駕移幸南宮六月改清河為

甘陵立安平王得子經侯理為甘陵王安平今定州縣也經今貝州經城縣秋七月京師大水河東言

木連理冬十月長平陳景自號皇帝子署置官屬又南頓管伯亦稱真人並圖舉兵

悉伏誅

三年春三月甲申彭城王定薨夏四月丁卯晦日有食之續漢志曰在東井二十三度東井主法梁太后枉殺

公卿犯天法也五月乙亥詔曰蓋聞天生蒸民不能相理為之立君使司牧之君道得於下

則休祥著乎上庶事失其序則咎徵見乎象己土畧成帝詔詞問者日食毀缺陽光晦暗朕

祇懼潛思匪遑啓處遑暇也啓曉也詩小雅曰王事靡盬不遑啓處傳不云乎日食脩德月食脩刑公羊傳

昔孝章帝愍前世禁徙故建初之元並蒙恩澤流徙者使還故郡没入者免為庶民

先皇德政可不務乎其自永建元年迄于今歲凡諸妖惡支親從坐及吏民減死徙

邊者悉歸本郡唯没入者不從此令六月庚子詔大將軍三公特進侯其與卿校尉

舉賢良方正能直言極諫之士各一人乙卯震憲陵寢屋秋七月庚申廉縣雨肉續漢

志曰肉似羊肺或大如手五行傳云棄法律逐功臣時則有羊禍時則有赤青八月赤祥是時梁太后攝政兄冀專權枉誅李固杜喬天下冤之廉縣屬北地郡也



乙丑有星孛于天市前書曰旗星中四星名曰天市京師大水九月己卯地震庚寅地又震詔死罪

以下及亡命者贖各有差郡國五山崩冬十月太尉趙戒免司徒袁湯為太尉大司

農河內張歆為司徒敬讓十一月甲申詔曰朕攝政失中災眚連仍三光不明陰陽

錯序監寐寤歎疾如疾首監寐言雖寢而不寐也寤覺也今京師廝舍死者相枕廝舍賤役人之舍也郡縣阡

陌處處有之甚違周文掩骼之義其有家屬而貧無以葬者給直人三千喪主布三

匹若無親屬可於官孺地葬之孺官之餘地也前書音義曰孺城郭旁地音奴喚而變二反表識姓名為設祠祭

又徒在作部疾病致醫藥死亡厚埋藏民有不能自振及流移者稟穀如科州郡檢

察務崇恩施以康我民

和平元年春正月甲子大赦天下改元和平己亥詔曰曩者遭家不造先帝早世謂

帝崩詩周頌曰閔予小子遭家不造鄭立注云造成也言成王遭武王崩家道未成永惟太宗之重深思嗣續之福詢謀台輔

稽之兆占既建明哲克定統業天人協和萬國咸寧元服已加將即委付而四方盜

竊頗有未靜故假延臨政以須安謐幸賴股肱禦侮之助殘醜消蕩謂建和二年長安陳景反南頓

管伯等謀反並伏誅民和年稔普天率土遐邇洽同遠覽復子明辟之義尚書曰周公曰朕復子明辟復還也子謂

成王也辟君也謂周公攝政已久故復還近慕先姑歸授之法先姑謂安帝閻皇后也爾雅曰婦人謂夫

之父曰舅夫之母曰姑在則曰君舅君姑歿則曰先舅先姑也及今令辰皇帝稱制羣公卿士虔恭爾位戮力一意

乾隆四年校刊

勉同斷金

金者剛之物也言人能同心則其利可斷之也易曰二人同心其利斷金

展也大成則所望矣

詩小雅曰允矣君子展也

大成鄭玄注云允信也展誠也大成謂致太平也言誠能致太平是所望也

二月扶風妖賊裴優自稱皇帝伏誅

裴姓優名也風

俗通曰裴伯益之後

甲寅皇太后梁氏崩三月車駕徙幸北宮甲午葬順烈皇后夏五月庚辰

尊博園偃貴人曰孝崇皇后秋七月梓潼山崩

梓潼縣屬廣漢郡今始州縣也有梓潼水

冬十一月滅天

下死罪一等徙邊戍

元嘉元年春正月京師疾疫使光祿大夫將醫藥案行癸酉大赦天下改元元嘉二

月九江廬江大疫甲午河間王建薨夏四月己丑安平王得薨

河間孝王開之子初為樂成王後改曰安

平京師旱任城梁國饑民相食司徒張歆罷光祿勳吳雄為司徒秋七月武陵蠻叛

冬十月司空胡廣罷十一月辛巳京師地震閏月庚午任城王崇薨太常黃瓊為司

空

二年春正月西域長史王敬為于寘國所殺

敬殺于寘王建故國人殺之

丙辰京師地震夏四月

甲寅孝崇皇后偃氏崩庚午常山王豹薨五月辛卯葬孝崇皇后于博陵秋七月庚

辰日有食之八月濟陰言黃龍見句陽

縣名屬濟陰郡左傳曰盟于句瀆之丘是也故城在今曹州乘氏縣北一名穀丘

金

城言黃龍見允街

允街縣名屬金城郡音緣皆

冬十月乙亥京師地震十一月司空黃瓊免十二

月特進趙戒為司空右北平太守和旻坐臧下獄死

永興元年春二月張掖言白鹿見三月丁亥幸鴻池夏五月丙申大赦天下改元永興丁酉濟南王廣薨無子國除秋七月郡國三十二蝗河水溢百姓飢窮流冗道路至有數十萬戶冀州尤甚詔在所賑給之絕安慰居業冬十月太尉袁湯免太常胡廣爲太尉司徒吳雄罷司空趙戒免以太僕黃瓊爲司徒光祿勳房植爲司空十一月丁丑詔減天下死罪一等徙邊戍是歲武陵太守應奉招誘叛蠻降之

二年春正月甲午大赦天下三月辛丑初聽刺史二千石行三年喪服癸卯京師地震詔公卿校尉舉賢良方正能直言極諫者各一人詔曰比者星辰繆越坤靈震動

災異之降必不空發勅已脩政庶望有補其輿服制度有踰侈長飾者皆宜損省長音

直亮郡縣務存儉約申明舊令如永平故事六月彭城泗水增長逆流張衡對策曰水者五行之

首逆流者人君之恩不能下及而致逆也詔司隸校尉部刺史曰蝗災爲害水變仍至五穀不登人無宿

儲其令所傷郡國種蕪菁以助人食京師蝗東海胸山崩胸山名也在今海州胸山縣南九月丁卯

朔日有食之詔曰朝政失中雲漢作旱雲漢詩大雅篇名也周宣王時大旱故作詩曰倬彼雲漢昭回于天鄭玄注云雲漢天河

也倬然轉運於天時旱渴雨故宣王夜視天河望其候焉川靈涌水蝗蟲孳蔓殘我百穀太陽虧光饑饉荐臻其

不被害郡縣當爲飢餒者儲天下一家趣不糜爛則爲國寶其禁郡國不得賣酒祠

祀裁足太尉胡廣免司徒黃瓊爲太尉閏月光祿勳尹頌爲司徒頌字公孫鞏人減天下死

乾隆四年校刊

後漢書卷七

帝紀

四

罪一等徙邊戍蜀郡李伯詐稱宗室當立為太初皇帝伏誅冬十一月甲辰校獵上林苑遂至函谷關賜所過道傍年九十以上錢各有差太山琅邪賊公孫舉等反叛殺長吏

永壽元年春正月戊申大赦天下改元永壽二月司隸冀州饑人相食司隸州即洛陽勅州

郡賑給貧弱若王侯吏民有積穀者一切貸得十分之三貢音吐得反又音徒得反以助稟貸其

百姓吏民者以見錢雇直雇猶酬也王侯須新租乃償須待也夏四月白鳥見齊國六月洛

水溢壞鴻德苑續漢志曰水溢至津城門漂流人物時梁冀專政疾害忠良威權震主後遂誅滅也南陽大水司空房植免太

常韓續為司空續音翼善反詔太山琅邪遇賊者勿收租賦復更算三年又詔被水死流

失屍骸者令郡縣鉤求收葬及所唐突壓溺物故七歲以上賜錢人二千壞敗廬舍

亡失穀食尤貧者粟人二斛巴郡益州郡山崩益州郡名也武帝置諸本無郡字者誤也秋七月初置太

山琅邪都尉官漢官儀曰秦郡有尉一人典兵禁捕盜賊景帝更名都尉建武七年南

匈奴左臺且渠伯德等叛寇美稷美稷西河縣也安定屬國都尉張奐討除之

二年春正月初聽中官得行三年服中官常侍以下二月甲申東海王臻薨三月蜀郡屬國

夷叛秋七月鮮卑寇雲中太山賊公孫舉等寇青兗徐三州遣中郎將段熲討破斬

之冬十一月置太官右監丞官漢官儀曰太官右監丞秩比六百石也十二月京師地震



三年春正月己未大赦天下夏四月九真蠻夷叛太守兒式討之戰歿遣九真都尉魏朗擊破之復屯據日南閩月庚辰晦日有食之六月初以小黃門爲守宮令置冗

從右僕射官漢官儀曰守宮令一人黃門冗從僕射一人並秩六百石也京師蝗秋七月河東地裂冬十一月司

徒尹頌薨長沙蠻叛寇益陽縣名屬長沙國在益水之陽今潭州縣也故城在縣東司空韓續爲司徒太常北

海孫朗爲司空

朗字代平

延熹元年春三月己酉初置鴻德苑令漢官儀曰苑令夏五月己酉大會公卿以下一人秩六百石

賞賜各有差甲戌晦日有食之京師蝗六月戊寅大赦天下改元延熹丙戌分中山

置博陵郡以奉孝崇皇園陵博陵郡故城在今瀛州博野縣後徙安平大雩秋七月己巳雲陽地裂甲子

太尉黃瓊免太常胡廣爲太尉冬十月校獵廣成遂幸上林苑十二月鮮卑寇邊使

匈奴中郎將張奐率南單于擊破之

二年春二月鮮卑寇鴈門己亥阜陵王便薨蜀郡夷寇蠶陵殺縣令三月復斷刺史

二千石行三年喪夏京師雨水六月鮮卑寇遼東秋七月初造顯陽苑置丞丙午皇

后梁氏崩乙丑葬懿獻皇后于懿陵大將軍梁冀謀爲亂八月丁丑帝御前殿詔司

隸校尉張彪將兵圍冀第收大將軍印綬冀與妻皆自殺衛尉梁淑河南尹梁胤屯

騎校尉梁讓越騎校尉梁忠長水校尉梁戟等及中外宗親數十人皆伏誅太尉胡

廣坐免司徒韓續司空孫朗下獄東觀記曰並坐不衛宮止長壽亭減死一等以爵贖之壬午立皇后鄧氏追

廢懿陵為貴人冢詔曰梁冀奸暴濁亂王室孝質皇帝聰敏早茂冀心懷忌畏私行

殺毒永樂太后親尊莫二和平元年有司奏太后所居皆以永樂為稱置官屬太僕少府焉冀又遏絕禁還京師謂

后常居博園不得在洛陽使朕離母子之愛隔顧復之恩禍害深大罪釁日滋賴宗廟之靈及中

常侍單超徐璜具瑗左愴說文曰愴憂也音工負反今作心旁官即愴字也今相傳音縮唐衡尚書令尹勳等激憤

建策內外協同漏刻之間桀逆臬夷臬縣首於木也斯誠社稷之祐臣下之力宜班慶賞以

酬忠勳其封超等五人為縣侯勳等七人為亭侯五縣侯謂單超新豐侯徐璜武原侯具瑗東武陽侯左愴上蔡侯唐

衡汝陽侯七亭侯謂尹勳宜陽都鄉霍謂鄴都亭張敬山陽西鄉歐陽參脩武仁亭李瑋宜陽金門虞放免句呂都亭周永下邳高遷鄉於是舊故恩私

多受封爵大司農黃瓊為太尉光祿大夫中山祝恬為司徒恬字伯休盧奴人大鴻臚梁國

盛允為司空允字伯代初置祕書監官漢官儀祕書監一人秩六百石冬十月壬申行幸長安乙酉幸未

央宮甲午祠高廟十一月庚子遂有事十一陵壬寅中常侍單超為車騎將軍十二

月己巳至自長安賜長安民粟人十斛園陵人五斛行所過縣三斛燒當等八種羌

叛寇隴右護羌校尉段熲追擊於羅亭破之東觀記曰追到積石山即與羅亭相近在今鄯州也天竺二國來獻

三年春正月丙申大赦天下丙午車騎將軍單超薨閏月燒當羌叛寇張掖護羌校

尉段熲追擊於積石大破之積石山在今鄯州龍支縣南即禹貢云導河積石是也白馬令李雲坐直諫下獄

死夏四月上郡言甘露降五月甲戌漢中山崩六月辛丑司徒祝恬薨七月司空盛

允為司徒太常虞放為司空

放字子仲陳留人也

長沙蠻寇郡界九月太山琅邪賊勞丙等復

叛寇掠百姓遣御史中丞趙某

史闕名也

持節督州郡討之丁亥詔無事之官權絕奉豐

年如故冬十一月日南蠻賊率眾詣郡降勒姐羌圍允街

勒姐羌號也姐音子野反

段熲擊破之

太山賊叔孫無忌攻殺都尉侯章十二月遣中郎將宗資討破之武陵蠻寇江陵車

騎將軍馮緄討皆降散荊州刺史度尚討長沙蠻平之

四年春正月辛酉南宮嘉德殿火戊子丙署火

丙署署名也續漢志曰丙署長七人秩四百石黃綬宦者為之主中宮別

處大疫二月壬辰武庫火司徒盛允免大司農种暲為司徒三月省冗從右僕射官

永壽三年置

太尉黃瓊免夏四月太常劉矩為太尉甲寅封河間王開子博為任城王五

月辛酉有星孛于心丁卯原陵長壽門火己卯京師雨雹

東觀記曰大如雞子續漢志曰誅殺過差寵小人也

六月京兆扶風及涼州地震庚子岱山及博尤來山並頽裂

博今博城縣也太山已有徂來山一名尤來已

酉大赦天下司空虞放免前太尉黃瓊為司空隗為屬國夷寇鈔百姓益州刺史山

昱擊破之零吾羌與先零諸種並叛寇三輔秋七月京師零滅公卿以下奉貢王侯

半租占賣關內侯虎賁羽林緄騎營士五大夫錢各有差九月司空黃瓊免大鴻臚

劉寵為司空冬十月天竺二國來獻南陽黃武與襄城惠得昆陽樂季詆言相署皆伏

誅先零沈氏羌與諸種羌寇并涼二州十一月中郎將皇甫規擊破之十二月夫餘王遣使來獻

五年春正月省太官右監丞永壽三年置壬午南宮丙署火三月沈氏羌寇張掖酒泉壬

午濟北王次薨夏四月長沙賊起寇桂陽蒼梧東觀記曰時攻沒蒼梧取銅虎符太守甘定刺史侯輔各奔出城桂陽郡

在桂水之陽今連州縣驚馬逸象突入宮殿乙丑恭陵東闕火安帝陵也戊辰虎賁掖門火己巳太

學西門自壞五月康陵園寢火殤帝陵也長沙零陵賊起攻桂陽蒼梧南海交阯遣御史

中丞盛脩督州郡討之不剋乙亥京師地震詔公卿各上封事甲申中藏府丞祿署

火秋七月己未南宮承善闕火爾雅曰宮中門謂之闕闕廣雅曰闕謂之闕烏吾羌寇漢陽隴西金城諸郡

兵討破之八月庚子詔減虎賁羽林住寺不任事者半奉勿與冬衣東觀記曰以京師水旱疫病帑

藏空虛虎賁羽林不任事者住寺減半奉據此謂簡選疲弱不勝軍事者留住寺也其公卿以下給冬衣之半艾縣賊焚燒長

沙郡縣寇益陽殺令東觀記曰時賊乘刺史車屯據臨湘居太守舍賊萬人以上屯益陽殺長吏艾縣名屬豫章郡故城在今洪州建昌縣又

零陵蠻亦叛寇長沙己卯罷琅邪都尉官永壽元年置冬十月武陵蠻叛寇江陵南郡太

守李肅坐奔北棄市辛丑以太常馮緄為車騎將軍討之假公卿以下奉又換王侯

租以助軍糧出濯龍中藏錢還之十一月馮緄大破叛蠻於武陵京兆虎牙都尉宗

謙坐臧下獄死京兆虎牙都尉屯長安見西羌傳滇那羌寇武威張掖酒泉太尉劉矩免太常楊秉



爲太尉

六年春二月戊午司徒种暠薨三月戊戌大赦天下衛尉潁川許栩爲司徒

栩字季關偃人

夏四月辛亥康陵東署火五月鮮卑寇遼東屬國秋七月甲申平陵園寢火

平陵昭帝陵也

桂陽盜賊李研等寇郡界武陵蠻復叛太守陳奉與戰大破降之隴西太守孫羌討

滇那羌破之八月車騎將軍馮緄免冬十月丙辰校獵廣成遂幸函谷關上林苑十

一月司空劉寵免南海賊寇郡界十二月衛尉周景爲司空

七年春正月庚寅沛王榮薨三月癸亥隕石于鄆夏四月丙寅梁王成薨五月己丑

京師雨雹秋七月辛卯趙王乾薨野王山上有死龍荊州刺史度尚擊零陵桂陽盜

賊及蠻夷大破平之冬十月壬寅南巡狩庚申幸章陵祠舊宅遂有事于園廟賜守

令以下各有差戊辰幸雲夢臨漢水還幸新野祠湖陽新野公主魯哀王壽張敬侯

廟光武姊湖陽長公主新野長公主兄魯哀王舅壽張敬侯樊重並光武時立廟護羌校尉段熲擊當煎羌破之十二月辛

### 丑車駕還宮

八年春正月遣中常侍左悺之苦縣祠老子

史記曰老子者楚苦縣厲鄉曲仁里人也名耳字聃姓李氏爲周守藏史有神

廟故就祠之苦縣屬陳國故城在今亳州谷陽縣也苦音戶又如字

勃海王悝謀反降爲慶陶王

慶陶縣屬鉅鹿郡故城在今趙州慶陶縣

西丙申晦日有食之詔公卿校尉舉賢良方正己酉南宮嘉德署黃龍見千秋萬歲

殿火太僕左稱有旱自殺癸亥皇后鄧氏廢河南尹鄧萬世鄧后之叔父也虎賁中郎將鄧

會下獄死鄧后之兄子護羌校尉段熲擊勒姐羌破之三月辛巳大赦天下夏四月甲寅

安陵園寢火惠帝陵也丁巳壞郡國諸房祀房謂祠堂也王渙傳曰時唯密縣存濟陰東

郡濟北河水清五月壬申罷太山都尉官永壽元年置丙戌太尉楊秉薨丙辰緱氏地裂

桂陽胡蘭朱蓋等復反攻沒郡縣轉寇零陵零陵太守陳球拒之遣中郎將度尚長

沙太守抗徐等擊蘭蓋大破斬之謝承書曰抗徐字伯徐丹陽人少為郡佐史有膽

俗通曰衛大夫三抗之後蒼梧太守張敘為賊所執又桂陽太守任胤背敵畏懦皆

棄市閏月甲午南宮長秋和歡殿後鉤楯掖庭朔平署火長秋宮名漢官儀曰朔平署司馬一人六月

段熲擊當煎羌於湟中大破之湟水名在今鄯州湟水縣秋七月太中大夫陳蕃為太尉八月戊

辰初令郡國有田者畝斂稅錢畝十錢也九月丁未京師地震冬十月司空周景免太常

劉茂為司空茂字叔盛彭城人也辛巳立貴人竇氏為皇后勃海妖賊蓋登等蓋古蓋反稱太上皇

帝有玉印珪璧鐵券相署置皆伏誅續漢書曰時登等有玉印五皆如白石文曰皇帝信璽皇帝行璽其三無文字璧二十二珪五

鐵券十一開王廟帶玉綬衣絳衣相署置也十一月壬子德陽殿西閣黃門北寺火延及廣義神虎門燒

殺人廣義神虎洛陽宮西門在金商門外袁山松書曰是時連月火災諸宮寺或一日三發又夜有訛言擊鼓相驚陳蕃等上疏諫曰唯善政可以已之書奏不省

使中常侍管霸之苦縣祠老子

九年春正月辛亥朔日有食之詔公卿校尉郡國舉至孝沛國戴異得黃金印無文

字遂與廣陵人龍尚等共祭井作符書稱太上皇伏誅東觀記曰戴異鈕田得金印到廣陵以與龍尚己酉

詔曰比歲不登人多飢窮又有水旱疾疫之困盜賊徵發南州尤甚謂長沙桂陽零陵等郡也並屬

荆州災異日食譴告累至政亂在予仍獲咎徵其令大司農絕今歲調度徵求及前年

所調未畢者勿復收責其災旱盜賊之郡勿收租餘郡悉半入三月癸巳京師有火

光轉行人相驚譟司隸豫州飢死者什四五至有滅戶者遣三府掾賑稟之陳留太

守韋毅坐臧自殺夏四月濟陰東郡濟北平原河水清司徒許栩免五月太常胡廣

為司徒六月南匈奴及烏桓鮮卑寇緣邊九郡秋七月沈氏羌寇武威張掖詔舉武

猛三公各二人卿校尉各一人太尉陳蕃免庚午祠黃老於濯龍宮遣使匈奴中郎

將張奐擊南匈奴烏桓鮮卑九月光祿勳周景為太尉南陽太守成瑨太原太守劉

質並以譖棄市時小黃門趙津犯法質考殺之宦官怨恚有司承旨奏質等司空劉茂免大秦國王遣使奉獻時

王安敦獻象牙犀角玳瑁冬十二月洛城傍竹柏枯傷光祿勳汝南宣豐為司空鄴字伯應封南

匈奴烏桓率眾詣張奐降司隸校尉李膺等二百餘人受誣為黨人並坐下獄書名

王府河內牟脩告之事具劉淑傳

永康元年春正月先零羌寇三輔中郎將張奐破平之當煎羌寇武威護羌校尉段

乾隆四年校刊

頰追擊於鸞鳥大破之鸞鳥縣名屬武威郡鸞音瞿西羌悉平夫餘王寇玄菟太守公孫域與戰

破之夏四月先零羌寇三輔五月丙申京師及上黨地裂廬江賊起寇郡界壬子晦

日有食之詔公卿校尉舉賢良方正六月庚申大赦天下悉除黨錮改元永康時李膺等

願引宦者子弟宦官多懼請帝以天時當赦帝許之故除黨錮也丙寅阜陵王統薨秋八月魏郡言嘉禾生甘露降

巴郡言黃龍見續漢志曰時人欲就沱浴見沱水濁因相戲恐此中有黃龍語遂行人聞郡欲以為美故上言之時史以書帝紀桓帝政化衰缺而多言

瑞應皆此類也先儒言瑞與非時則為妖孽而人言生龍皆龍孽也六州大水勃海海溢詔州郡溺死者七歲以上錢

人二千一家皆被害者悉為收斂其亡失穀食稟人三斛冬十月先零羌寇三輔使

匈奴中郎將張奐擊破之十一月西河言白兔見十二月壬申復慶陶王惺為勃海

王丁丑帝崩于德陽前殿年三十六戊寅尊皇后曰皇太后太后臨朝是歲復博陵

河間二郡比豐沛

論曰前史稱桓帝好音樂善琴笙前史謂東觀記飾芳林而考濯龍之宮薛綜注東京賦云濯龍殿名芳林謂

兩旁樹木蘭也考成也既成而祭之左傳曰考仲子之宮設華蓋以祠浮圖老子浮圖今佛也續漢志曰祀老子於濯龍宮文劉為壇飾淳金銀

器設華蓋之坐用郊天樂斯將所謂聽於神乎左傳曰史罷曰國將興聽於人將亡聽於神及誅梁冀奮威怒天下猶

企其休息而五邪嗣虐流行四方五邪謂單超徐璜左愜唐衡具瑗也自非忠賢力爭屢折姦鋒忠賢謂李膺

膺陳蕃竇武黃瓊朱穆劉淑劉陶等各上書極諫以折宦官等姦謀之鋒也雖願依斟流筦亦不可得已帝王紀曰夏帝相為羿所逐相

上書極諫以折宦官等姦謀之鋒也




乃都商丘依同姓諸侯斟灌斟尋氏史記曰周厲王好利暴虐周人相與畔而襲厲王王出奔于錫言帝寵幸宦豎令執威權賴忠臣李膺等竭力諫爭以免篡弑之禍不然則雖願如夏相依斟周王流錫不可得也斟灌斟尋國故城在今青州錫晉地也

贊曰桓自宗支越躋天祿越謂非次也躋升也天祿天位也左傳子家羈曰天祿不再政移五倖刑注三獄倖佞也注

濫也五倖即上五邪也三獄謂李固杜喬李雲杜眾成瑨劉質也傾宮雖積皇身靡續帝王紀曰紂多發美女以充傾宮之室婦人衣綾紈者三

百餘人據桓帝納三皇后又博採宮女五六千人並無子也

後漢書卷七



後漢書卷七考證

桓帝紀辛巳謁高廟光武廟○何焯曰光武廟上疑脫壬午謁三字

自號皇帝子○皇監本作黃今從宋本

臣會汾

按黃帝子義亦可通猶前書言白帝

子赤帝子也

和平元年春正月甲子大赦天下改元和平己亥詔曰○何焯曰若以甲子下赦則己亥歸政當在二月疑日有訛

後漢書卷七考證

宋

宣

城

太

守范曄撰

唐

章

懷

太

子

賢注

靈帝紀第八

孝靈皇帝諱宏

諡法曰亂而不損曰靈伏侯古今注曰宏之字曰大

肅宗玄孫也會祖河間孝王開祖淑父萇

世封解瀆亭侯

淑以河間王子封為解瀆亭侯萇襲父封故言世封也解瀆亭在今定州義豐縣東北也

帝襲侯爵母董夫人桓

帝崩無子皇太后與父城門校尉竇武定策禁中使守光祿大夫劉儵持節將左右

羽林至河間奉迎

續漢志曰桓帝之初京都童謠曰城上烏尾畢逋公為吏子為徒一徒死百乘車車班班入河間河間妣女工數錢以錢為室金為

堂石上慊慊春黃梁梁下有懸鼓我欲擊之丞卿怒城上烏者處高獨食不與下共謂人主多聚斂也公為吏子為徒者言蠻夷叛逆父既為軍吏子弟又為卒徒往擊

之也一徒死百乘車者言前一人討胡既死矣後又遣百乘車往也車班班者言乘輿班班入河間迎靈帝也妣女數錢言帝既立其母永樂太后好聚金以為堂室也

石上慊慊者言太后雖積金錢猶慊慊常若不足使人春黃梁而食之也我欲擊之者言太后教帝使賣官受錢天下忠篤之士怨望欲擊鼓求見卿懸鼓者復怒而止

也我

建寧元年春正月壬午城門校尉竇武為大將軍已亥帝到夏門亭

東觀記曰到夏門外萬壽亭羣

臣謁見

使竇武持節以王青蓋車迎入殿中庚子即皇帝位年十二改元建寧以前太

尉陳蕃為太傅與竇武及司徒胡廣叅錄尚書事使護羌校尉段熲討先零羌二月



辛酉葬孝桓皇帝于宣陵在洛陽東南三十里高十二丈周三百步廟曰威宗庚午謁高廟辛未謁世祖

廟大赦天下賜民爵及帛各有差段熲大破先零羌於逢義山山在今原州高平縣逢一作途閏月

甲午追尊皇祖為孝元皇夫人夏氏為孝元皇后考為孝仁皇夫人董氏為慎園貴

人慎園在今瀛州樂壽縣東南俗呼為二皇陵夏四月戊辰太尉周景薨司空宣鄩免長樂衛尉王暢為

司空五月丁未朔日有食之詔公卿以下各上封事及郡國守相舉有道之士各一

人又故刺史二千石清高有遺惠為眾所歸者皆詣公車太中大夫劉矩為太尉六

月京師雨水秋七月破羌將軍段熲復破先零羌於涇陽涇陽縣名屬安定故城在原州涼縣南也八月

司空王暢免宗正劉寵為司空九月丁亥中常侍曹節矯詔誅太傅陳蕃大將軍竇

武及尚書令尹勳侍中劉瑜屯騎校尉馮述皆夷其族皇太后遷于南宮太后與竇武密謀欲

誅曹節今武等既誅故太后被遷司徒胡廣為太傅錄尚書事司空劉寵為司徒大鴻臚許栩為司

空冬十月甲辰晦日有食之令天下繫囚罪未決入繚贖各有差十一月太尉劉矩

免太僕沛國聞人襲為太尉姓聞人名襲字定卿風俗通曰少正卯魯之聞人其後氏焉十二月鮮卑及濊貊寇

### 幽并二州

二年春正月丁丑大赦天下三月乙巳尊慎園董貴人為孝仁皇后續漢志曰置永樂宮儀如桓帝

尊優貴人之禮夏四月癸巳大風雨雹詔公卿以下各上封事五月太尉聞人襲罷司空許

羽免六月司徒劉寵為太尉太常許訓為司徒訓字季師平輿人太僕長沙劉翬為司空翬字

重秋七月破羌將軍段熲大破先零羌於射虎塞外谷東羌悉平九月江夏蠻叛州

郡討平之丹陽山越賊圍太守陳夤夤擊破之冬十月丁亥中常侍侯覽諷有司奏

前司空虞放太僕杜密長樂少府李膺司隸校尉朱瑀潁川太守巴肅沛相荀翌河

內太守魏朗山陽太守翟超皆為鉤黨下獄鉤謂相牽引也事見劉淑李膺傳死者百餘人妻子徙

邊諸附從者錮及五屬五屬謂五服內親也制詔州郡大舉鉤黨於是天下豪傑及儒學行義

者一切結為黨人續漢志曰建寧中京郡長者皆以鞶方笥為裝具時有識者竊言鞶笥郡國識篋也後黨人禁錮會赦有疑者皆識廷尉人名悉入

方笥庚子晦日有食之十一月太尉劉寵免太僕郭禧為太尉字公房扶溝人也禧音僖鮮卑寇

并州是歲長樂太僕曹節為車騎將軍百餘日罷

三年春正月河內人婦食夫河南人夫食婦三月丙寅晦日有食之夏四月太尉郭

禧罷太中大夫聞人襲為太尉秋七月司空劉翬罷八月大鴻臚橋玄為司空九月

執金吾董寵下獄死冬濟南賊起攻東平陵東平陵縣名屬濟南郡故城在今濟州東鬱林烏滄民相率

內屬烏滄南方夷號也廣州記曰其俗食人以鼻飲水口中進噉如故

四年春正月甲子帝加元服大赦天下賜公卿以下各有差唯黨人不赦二月癸卯

地震海水溢河水清三月辛酉朔日有食之太尉聞人襲免太僕李咸為太尉字元卓汝

乾隆四年校刊

後漢書卷九

帝紀

二

南西平人詔公卿至六百石各上封事大疫使中謁者巡行致醫藥司徒許訓免司空橋

立為司徒夏四月太常來豔為司空豔字季德南陽新野人五月河東地裂雨雪山水暴出秋

七月司空來豔免癸丑立貴人宋氏為皇后執金吾宋鄧女前年入掖庭為貴人司徒橋立免太常宗

俱為司空俱字伯儷南陽安定人前司空許栩為司徒冬鮮卑寇并州

熹平元年春三月壬戌太傅胡廣薨夏五月己巳大赦天下改元熹平長樂太僕侯

覽有罪自殺六月京師雨水癸巳皇太后竇氏崩秋七月甲寅葬桓思皇后宦官馮

司隸校尉段熲捕繫太學諸生千餘人時有人書朱雀闕云天下大亂公卿皆尸祿故捕之事見宦官傳冬十月勃

海王惺被誣謀反丁亥惺及妻子皆自殺十一月會稽人許生自稱越王寇郡縣東

記曰會稽許昭聚眾自稱大將軍立父生為越王攻破郡縣遣揚州刺史臧旻丹陽太守陳夤討破之十二月司

徒許栩罷大鴻臚袁隗為司徒鮮卑寇并州是歲甘陵王恢薨

二年春正月大疫使使者巡行致醫藥丁丑司空宗俱薨二月壬午大赦天下以光

祿勳楊賜為司空三月太尉李咸免夏五月以司隸校尉段熲為太尉沛相師遷坐

誣罔國王下獄死國王陳愨王寵也臣賢案陳敬王傳云國相師遷又東觀記曰陳行相師遷奏沛相魏悛前為陳相與陳王寵交通明魏悛為沛相

此言師遷為沛相蓋誤也六月北海地震東萊北海海水溢續漢志曰時出大魚二枚各長八九丈高二丈餘秋七月司

空楊賜免太常潁川唐珍為司空冬十二月日南徼外國重譯貢獻太尉段熲罷鮮

卑寇幽并二州癸酉晦日有食之

三年春正月夫餘國遣使貢獻二月己巳大赦天下太常陳耽為太尉

耽字漢公東海人也

月中山王暢薨無子國除夏六月封河間王利子康為濟南王奉孝仁皇祀秋洛水

溢冬十月癸丑令天下繫囚罪未決入縲贖十一月揚州刺史臧旻率丹陽太守陳

賁大破許生於會稽斬之任城王博薨十二月鮮卑寇北地北地太守夏育追擊破

之鮮卑又寇并州司空唐珍罷永樂少府許訓為司空

四年春三月詔諸儒正五經文字刻石立于太學門外封河間王建孫佗為任城王

建桓帝弟夏四月郡國七大水五月丁卯大赦天下延園陵災

成帝陵也在今武陽縣西

遣使者持節

告祠延陵鮮卑寇幽州六月弘農三輔蝗遣守宮令之鹽監穿渠為民興利

前漢地理志及

續漢郡國志並無鹽今蒲州安邑縣西南有鹽城。劉敞曰注鹽城當作鹽池耳及無鹽字下當有一監字說文監字訓為鹽池然則注家案地志求監所在則無之二

漢志不謂池為監也而據今所見則有池云令郡國遇災者減田租之半其傷害什四以上勿收責冬十

月丁巳令天下繫囚罪未決入縲贖拜冲帝母虞美人為憲園貴人

順帝虞美人也憲園在洛陽東

北質帝母陳夫人為渤海孝王如

渤海孝王鴻之夫人也

改平準為中準

漢官儀曰平準令一人秩六百石也使

宦者為令列於內署自是諸署悉以閹人為丞令

五年夏四月癸亥大赦天下益州郡夷叛太守李顥討平之復崇高山名為嵩高山

前書武帝祠中嶽改嵩高為崇高東觀記曰使大雩使侍御史行詔獄亭部理冤枉  
中郎將堂谿典請雨因上言改之名為嵩高山

原輕繫囚徒五月太尉陳耽罷司空許訓為太尉閏月永昌太守曹鸞坐訟黨人

棄市訟謂申理之也其言切直帝怒檻車送槐里獄掠殺之也詔黨人門生故吏父兄子弟在位者皆免官禁錮

六月壬戌太常南陽劉逸字大迥安衆人為司空秋七月太尉許訓罷光祿勳劉寬為太尉

冬十月壬午御殿後槐樹自拔倒豎司徒袁隗罷十一月丙戌光祿大夫楊賜為司

徒十二月甘陵王定薨試太學生年六十以上百餘人除郎中太子舍人至王家郎

郡國文學吏漢官儀曰太子舍人王家郎中並秩二百石無員是歲鮮卑寇幽州沛國言黃龍見譙六年春

正月辛巳大赦天下二月南宮平城門及武庫東垣屋自壞平城門洛陽城南門也蔡邕曰平城門正陽之

門與宮連郊祀法駕所從出門之最尊者武庫禁兵所藏東垣庫之外障易傳曰小人在位厥妖城門自壞夏四月大旱七州蝗鮮卑寇

三邊謂東西與北邊市賈民為宣陵孝子者數十人皆除太子舍人秋七月司空劉逸免衛

尉陳球為司空八月遣破鮮卑中郎將田晏出雲中使匈奴中郎將臧旻與南單于

出鴈門護烏桓校尉夏育出高柳並伐鮮卑晏等大敗冬十月癸丑朔日有食之太

尉劉寬免帝臨辟雍辛丑京師地震辛亥令天下繫囚罪未決入縑贖十一月司空

陳球免十二月甲寅太常河南孟穢為太尉穢字叔達音乙六反庚辰司徒楊賜免太常陳耽

為司空鮮卑寇遼西永安太僕王旻下獄死永安宮之太僕也

光和元年春正月合浦交趾烏濟蠻叛招引九真日南民攻沒郡縣太尉孟鹹罷二月辛亥朔日有食之癸丑光祿勳陳國袁滂為司徒滂字公喜己未地震始置鴻都門學

鴻都門名也於內置學時其中諸生皆勅州郡三公舉召能為尺牘辭賦及工書鳥篆者相課試至千人焉三月辛丑大赦天下改元

光和太常常山張顥為太尉顥字智明搜神記曰顥為梁相新雨後有鵲飛翔近地令人擲之墮地化為圓石顥命椎破得一金印文曰忠

孝侯印夏四月丙辰地震侍中寺雌雞化為雄司空陳耽免太常來豔為司空五月壬

午有白衣人入德陽殿門亡去不獲東觀記曰白衣人言梁伯夏教我六月丁丑有

黑氣墮所御溫德殿庭中東觀記曰墮所御溫明殿庭中如車蓋隆起奮迅五色有頭體長十餘丈形貌似龍秋七月壬子青

虹見御坐玉堂後殿庭中洛陽宮殿名南宮有玉堂前後殿據楊賜傳云墮嘉德殿前八月有星孛于天市九月

太尉張顥罷太常陳球為太尉司空來豔薨冬十月屯騎校尉袁逢為司空皇后宋

氏廢后父執金吾鄴下獄死丙子晦日有食之十一月太尉陳球免十二月丁巳光

祿大夫橋玄為太尉是歲鮮卑寇酒泉京師馬生人京房易傳曰諸侯相伐厥妖馬生人初開西邸賣

官自關內侯虎賁羽林入錢各有差山陽公載記曰時賣官二千石二千萬四百石四百萬其以德次應選者半之或三分之一於

西園立庫以貯之私令左右賣公卿公千萬卿五百萬

二年春大疫使常侍中謁者巡行致醫藥二月司徒袁滂免大鴻臚劉郃為司徒郃字

季承乙丑太尉橋玄罷太中大夫段熲為太尉京兆地震司空袁逢罷太常張濟為司

乾隆四年校刊



空濟字元江細陽人夏四月甲戌朔日有食之辛巳中常侍王甫及太尉段熲並下獄死丁

酉大赦天下諸黨人禁錮小功以下皆除之時上祿長和浮上言黨人銅及五族有乖典訓帝從之東平王端

薨五月衛尉劉寬為太尉秋七月使匈奴中郎將張修有罪下獄死時張修擅斬單于呼微更立羌

渠為單于故坐死冬十月甲申司徒劉郃永樂少府陳球衛尉陽球步兵校尉劉納謀誅宦

者事泄皆下獄死巴郡板楯蠻叛遣御史中丞蕭瑗督益州刺史討之不剋十二月

光祿勳楊賜為司徒鮮卑寇幽并二州是歲河間王利薨洛陽女子生兒兩頭四臂

京房易傳曰二首下不一也厥妖人生兩頭

三年春正月癸酉大赦天下二月公府駐駕廡自壞公府三公府也駐駕停車處也廡廊屋也音無禹反續漢志云

南北四十餘間壞三月梁王元薨夏四月江夏蠻叛六月詔公卿舉能通尚書毛詩左氏穀

梁春秋各一人悉除議郎秋表是地震涌水出表是縣屬酒泉郡故城在今甘州張掖縣西北八月令繫囚

罪未決入縲贖各有差冬閏月有星孛于狼弧二星名也鮮卑寇幽并二州十二月己巳

立貴人何氏為皇后南陽宛人也車騎將軍何真女是歲作單圭靈昆苑單圭苑有二東單圭苑周

西單圭苑周三千三百步並在洛陽宣平門外

四年春正月初置驥驥廐丞領受郡國調馬驥驥善馬也調謂徵發也豪右辜權馬一匹至二百

萬前書音義曰辜障也權專也謂障餘人賣買而自取其利二月郡國上芝英草夏四月庚子大赦天下交阯刺

史朱儁討交趾合浦烏滸蠻破之六月庚辰雨雹續漢書曰雹大如雞子秋七月河南言鳳皇

見新城羣鳥隨之賜新城令及三老力田帛各有差九月庚寅朔日有食之太尉劉

寬免衛尉許馘為太尉閏月辛酉北宮東掖庭永巷署災永巷宮中署名也漢官儀曰令一人宦者為之秩六百石掌宮婢侍使○劉攽曰注侍使案使當作史郎給尚書郎侍史之類司徒楊賜罷冬十月太常陳耽為司徒鮮卑寇

幽并二州是歲帝作列肆於後宮使諸采女販賣更相盜竊爭鬪帝著商估服飲宴

為樂又於西園弄狗著進賢冠帶綬三禮圖曰進賢冠文官服之前高七寸後高三寸長八寸續漢志曰靈帝寵用便嬖子弟轉相

汲引賣關內侯直五百萬令長強者貪如豺狼弱者畧不類物實又駕四驢帝躬自

狗而冠也昌邑王見狗冠方山冠龔遂曰王之左右皆狗而冠

操轡驅馳周旋京師轉相放效續漢志曰驢者乃服重致遠上下山谷野人之所用耳何有帝王君子而驂駕之乎天意若曰國且大亂

賢愚倒植凡執政者皆如驢也

五年春正月辛未大赦天下二月大疫三月司徒陳耽免夏四月旱太常袁隗為司

徒五月庚申永樂宮署災續漢志曰德陽前殿西北入門內永樂太后宮署災秋七月有星孛于太微巴郡板

楯蠻詣太守曹謙降癸酉令繫囚罪未決入縑贖八月起四百尺觀於阿亭道冬十

月太尉許馘罷太常楊賜為太尉校獵上林苑歷函谷關遂巡狩于廣成苑十二月

還幸太學

六年春正月日南徼外國重譯貢獻二月復長陵縣比豐沛三月辛未大赦天下夏

乾隆四年校刊

大旱秋金城河水溢五原山岸崩始置圖圍署以宦者爲令冬東海東萊琅邪井中冰厚尺餘大有年

中平元年春二月鉅鹿人張角自稱黃天其部師有三十六萬皆著黃巾同日反叛

續漢書曰三安平甘陵人各執其王以應之安平王續三月戊申以河南尹何進爲

大將軍將兵屯都亭置八關都尉官都亭在洛陽八關謂函谷廣城伊王子大赦天

下黨人還諸徙者時中常侍呂彊言於帝曰黨錮久積若唯張角不赦詔公卿出馬

弩舉列將子孫及吏民有明戰陣之畧者詣公車遣北中郎將盧植討張角左中郎

將皇甫嵩右中郎將朱儁討潁川黃巾庚子南陽黃巾張曼成攻殺郡守褚貢夏四

月太尉楊賜免太僕弘農鄧盛爲太尉盛字伯能司空張濟罷大司農張溫爲司空朱儁

爲黃巾波才所敗侍中向栩張鈞坐言宦者下獄死時鈞上書曰今斬常侍懸其首

帝以章示常汝南黃巾敗太守趙謙於邵陵邵陵縣名屬汝南郡故廣陽黃巾殺幽

州刺史郭勳及太守劉衛五月皇甫嵩朱儁復與波才等戰於長社大破之長社今

也故城在長葛縣西六月南陽太守秦頡擊張曼成斬之交阯屯兵執刺史及合浦太守來達

自稱柱天將軍遣交阯刺史賈琮討平之皇甫嵩朱儁大破汝南黃巾於西華西華

汝南郡故城在今詔嵩討東郡朱儁討南陽盧植破黃巾圍張角於廣宗宦官誣奏

陳州項城縣西

植抵罪植連破張角垂當拔之小黃門左豐言於帝曰盧中郎將董卓攻張角

不剋洛陽女子生兒兩頭共身續漢志曰上西門外女子生兒兩頭異肩共胃以為不祥墮地棄之其後政在私門上下無別兩頭之象

秋七月巴郡妖巫張修反寇郡縣劉艾紀曰時巴郡巫人張修療病愈者雇以五斗米號為五斗米師河南尹徐灌下

獄死八月皇甫嵩與黃巾戰於倉亭獲其帥其帥卜巳也倉亭在東郡乙巳詔皇甫嵩北討張角

九月安平王續有罪誅國除冬十月皇甫嵩與黃巾賊戰于廣宗獲張角弟梁角先

死乃戮其屍發棺斷頭傳送馬市以皇甫嵩為左車騎將軍十一月皇甫嵩又破黃巾于下曲

陽斬張角弟寶湟中義從胡北宮伯玉與先零羌叛以金城人邊章韓遂為軍帥攻

殺護羌校尉儉徵金城太守陳懿儉姓也周有大夫儉州鳩癸巳朱儁拔宛城斬黃巾別帥孫夏

詔減太官珍羞御食一肉廐馬非郊祭之用悉出給軍十二月巳巳大赦天下改元

中平是歲下邳王意薨無子國除郡國生異草備龍蛇鳥獸之形風俗通曰亦作人備具續漢志曰龍蛇鳥獸其狀毛羽頭目足翅皆具是歲黃巾賊起漢遂微弱

二年春正月大疫琅邪王據薨二月巳西南宮大災火半月乃滅續漢志曰時燒靈臺殿樂成殿延及

北闕度道西燒嘉德和驪殿巳亥廣陽門外屋自壞洛陽城西面南頭門也稅天下田畝十錢以修宮室黑山賊

張牛角等十餘輩並起所在寇鈔司徒袁隗免二月廷尉崔烈為司徒北宮伯玉等

寇三輔遣左車騎將軍皇甫嵩討之不剋夏四月庚戌大風雨雹五月太尉鄧盛罷

乾隆四年校刊

太僕河南張延爲太尉延字公威歆之子秋七月三輔蝗左車騎將軍皇甫嵩免八月以司

空張溫爲車騎將軍討北宮伯玉九月特進楊賜爲司空冬十月庚寅司空楊賜薨

光祿大夫許相爲司空相字公弼平與人許訓之子前司徒陳耽諫議大夫劉陶坐直言下獄死

十一月張溫破北宮伯玉於美陽因遣盪寇將軍周慎追擊之圍榆中縣名故城在今蘭州金城

也縣東又遣中郎將董卓討先零羌慎卓並不尅鮮卑寇幽并二州是歲造萬金堂於

西園洛陽民生兒兩頭肆臂

三年春二月江夏兵趙慈反殺南陽太守秦頡庚戌大赦天下太尉張延罷車騎將

軍張溫爲太尉中常侍趙忠爲車騎將軍復修玉堂殿鑄銅人四黃鍾四其音中黃鍾也子爲

黃及天祿蝦蟆又鑄四出文錢天祿獸也時使掖廷令畢嵐鑄銅人列於蒼龍立武關外鍾懸於玉堂及雲臺殿前天祿蝦蟆吐水於平

門外事具宦者傳案今鄧州南陽縣北有宗資碑旁有兩石獸鑄其膊一曰天祿一曰辟邪據此即天祿辟邪並獸名也漢有天祿閣亦因獸以立名 五月壬

辰晦日有食之六月荊州刺史王敏討趙慈斬之車騎將軍趙忠罷秋八月懷陵上

有雀萬數悲鳴因鬪相殺懷陵冲帝陵也續漢志曰天戒若日諸懷爵祿而尊厚者還自相害也冬十月武陵蠻叛寇

郡界郡兵討破之前太尉張延爲宦人所譖下獄死十二月鮮卑寇幽并二州

四年春正月己卯大赦天下二月滎陽賊殺中牟令中牟今鄭州縣劉艾紀曰令落皓及主簿潘業臨陣不顧皆被

害已亥南宮內殿衆恩自壞前書音義曰恩連關曲關也音浮思三月河南尹何苗討滎陽賊破之

拜苗爲車騎將軍夏四月涼州刺史耿鄙討金城賊韓遂鄙兵大敗遂寇漢陽漢陽太守傅燮戰沒扶風人馬騰漢陽人王國並叛寇三輔太尉張溫免司徒崔烈爲太尉

尉五月司空許相爲司徒光祿勳沛國丁宮爲司空宮字元雄六月洛陽民生男兩頭共

身劉艾紀曰上西門外劉倉妻生也漁陽人張純與同郡張舉舉兵叛劉放曰案他處叛賊未嘗言舉兵者當由其人名舉故

衍攻殺右北平太守劉政遼東太守楊終護烏桓校尉公棊稠等舉兵自稱天子寇

幽冀二州劉放曰案張舉自稱天子誤出一兵字秋九月丁酉令天下繫囚罪未決入贖贖冬十月零

陵人觀鵠觀姓鵠名自稱平天將軍寇桂陽長沙太守孫堅擊斬之十一月太尉崔烈罷

大司農曹嵩爲太尉十二月休屠各胡叛是歲賣關內侯假金印紫綬傳世入錢五

百萬

五年春正月休屠各胡寇西河殺郡守邢紀丁酉大赦天下二月有星孛于紫宮黃

巾餘賊郭大等起於西河白波谷寇太原河東三月休屠各胡攻殺并州刺史張懿

遂與南匈奴左部胡合殺其單于夏四月汝南葛陂黃巾攻沒郡縣葛陂在今豫州新蔡縣西北

太尉曹嵩罷五月永樂少府樊陵爲太尉陵字德雲胡陽人也六月丙寅大風太尉樊陵罷益

州黃巾馬相攻殺刺史郝儉自稱天子又寇巴郡殺郡守趙部益州從事賈龍擊相

斬之郡國七大水秋七月射聲校尉馬日磾爲太尉八月初置西園八校尉樂資山陽公載

乾隆四年校刊

後漢書卷八

帝紀

七



記曰小黃門蹇碩爲上軍校尉虎賁中郎將袁紹爲中軍校尉屯騎校尉鮑鴻爲下軍校尉議郎曹操爲典軍校尉趙融爲助軍左校尉馮芳爲助軍右校尉諫議大夫夏牟爲左校尉淳于瓊爲右校尉凡八校尉皆統於蹇碩

司徒許相罷司空丁宮爲司徒光祿勳南陽劉弘爲司空字子高安衆人衛尉董重爲驃騎將軍九月南單于叛與白波賊寇河東遣中郎將孟益

率騎都尉公孫瓚討漁陽賊張純等冬十月壬午御殿後槐樹自拔倒豎青徐黃巾

復起寇郡縣甲子帝自稱無上將軍耀兵於平樂觀平樂觀在洛陽城西十一月涼州賊王國

圍陳倉右將軍皇甫嵩救之遣下軍校尉鮑鴻討葛陂黃巾巴郡板楯蠻叛遣上軍

別部司馬趙瑾討平之公孫瓚與張純戰於石門大破之時烏桓反叛與賊張純等攻薊中故瓚追擊之石門

山名在今營州西南是歲改刺史新置牧

六年春二月左將軍皇甫嵩大破王國於陳倉三月幽州牧劉虞購斬漁陽賊張純

下軍校尉鮑鴻下獄死夏四月丙午朔日有食之太尉馬日磾免幽州牧劉虞爲太

尉丙辰帝崩于南宮嘉德殿年三十四戊午皇子辯卽皇帝位年十七尊皇后曰皇

太后太后臨朝大赦天下改元爲光熹封皇弟協爲渤海王後將軍袁隗爲太傅與

大將軍何進參錄尚書事上軍校尉蹇碩下獄時蹇碩謀欲立渤海王協發覺○劉攽曰正文蹇碩下獄案碩以此時誅

明少一死字五月辛巳驃騎將軍董重下獄死董重皇后六月辛亥孝仁皇后董氏崩辛

酉葬孝靈皇帝于文陵在洛陽西北三十里陵高十二丈周四三百步雨水秋七月甘陵王忠薨庚寅孝仁

皇后歸葬河間慎陵徙渤海王協爲陳留王司徒丁宮罷八月戊辰中常侍張讓段

珪等殺大將軍何進於是虎賁中郎將袁術燒東西宮攻諸宦者庚午張讓段珪等

劫少帝及陳留王幸北宮德陽殿何進部曲將吳匡與車騎將軍何苗戰於朱雀闕

下苗敗斬之辛未司隸校尉袁紹勒兵收僞司隸校尉樊陵河南尹許相及諸闈人

無少長皆斬之讓珪等復劫少帝陳留王走小平津小平津在今鞏縣西北續漢志曰時京師童謠曰侯非侯王非

王千乘萬騎上北邙案獻帝未有爵號爲段珪等所執公卿百官皆隨其後到河上乃得還尚書盧植追讓珪等斬數人其餘投

河而死獻帝春秋曰河南中部掾閔貢見天子出率騎追之北到河上天子飢渴貢宰羊進之厲聲責讓等曰君以闈宦之隸刀鋸之殘越從灣泥扶持日月賣

弄國恩階賤爲貴劫迫帝王蕩覆王室假息漏刻遊魂河津自亡新以來姦臣賊子未有如君者今不速死吾射殺汝讓等惶怖叉手再拜叩頭向天子辭曰臣等死陛

下自愛遂帝與陳留王協夜步逐熒光行數里得民家露車共乘之辛未還宮大赦

天下改光熹爲昭寧并州牧董卓殺執金吾丁原司空劉弘免董卓自爲司空九月

甲戌董卓廢帝爲弘農王自六月雨至于九月

論曰秦本紀說趙高誦二世指鹿爲馬史記曰趙高欲爲亂恐羣臣不聽乃先設驗持鹿獻胡亥曰馬也胡亥曰丞相誤也以問

羣臣左右或言馬或言鹿者高皆陰法中之自此左右不敢言之也而趙忠張讓亦給靈帝不得登高臨觀時宦官並起第宅擬

則宮室帝常登永安侯臺宦官恐望見之乃使趙忠等諫曰人君不當登高登高則百姓散離自是不敢復登臺榭見宦官傳故知亡敝者同其致

矣然則靈帝之爲靈也優哉

乾隆四年校刊

後漢書卷九

行記

贊曰靈帝負乘委體宦孽易曰負且乘致寇至言帝徵亡備兆小雅盡缺詩小雅廢則

四夷交侵中國麋鹿霜露遂棲宮衛史記曰伍子胥諫吳王吳王不聽子胥曰臣今

微矣缺亦廢也言帝為政貪亂任寄不得其人尋以獻帝遷播見麋鹿遊於姑蘇之臺宮中生荆棘露沾衣也

洛陽丘墟故麋鹿棲宮衛也協韻衛音于別反劉放曰熹平五年書十月壬午御殿後槐樹自拔倒豎中平五年又書十月壬午

御殿後槐樹自拔倒豎年數日月無少異者蓋必有一誤臣攷案中平五年十月又書甲子帝稱無上將軍云云壬午到甲子凡四十五日非一月所能兼也則中平所記為衍矣又案續漢志中平五年亦無此異

靈帝紀癸酉晦日有食之○晦監本訛朔從宋本改

臣會汾

按上文已序冬十二月


事係此語於年終當作晦字元年二月日食皆在十月晦晦而日食司天者失其御也

六月詔公卿舉能通尚書毛詩左氏穀梁春秋各一人○顧炎武曰尚書上脫古文

二字

其部師有三十六萬○師當作帥萬當作方○何焯曰三十六方見皇甫嵩傳不知何自訛寫爲方復緣注引續漢書語相沿不察也

後漢書卷八考證



後漢書卷九

宋

宣

城

太

守

范

曄撰

唐

章

懷

太

子

賢注

獻帝紀第九

孝獻皇帝諱協靈帝中子也

諡法曰聰明睿智曰獻協之字曰合張璠記曰靈帝以帝似已故名曰協帝王紀曰協字伯和

母王美

人為何皇后所害中平六年四月少帝即位封帝為渤海王徙封陳留王九月甲戌

即皇帝位年九歲遷皇太后於永安宮

董卓遷也洛陽宮殿名曰永安宮周迴六百九十八丈故基在洛陽故城中

大赦

天下改昭寧為永漢丙子董卓殺皇太后何氏初令侍中給事黃門侍郎員各六人

續漢志曰侍中比二千石無員漢官儀曰侍中左蟬右貂本秦丞相史往來殿中故謂之侍中分掌乘輿服物下至褻器虎子之屬武帝時孔安國為侍中以其儒者特

聽掌御坐唾壺朝廷榮之至東京時屬少府亦無員駕出則一人負傳國璽操斬蛇劔乘輿中官俱止禁中又曰給事黃門侍郎六百石無員掌侍從左右給事中使關

通中外應劭曰黃門侍郎每日暮向青瑣門拜謂之夕郎輿服志曰禁門曰黃闥以中人主之故號曰黃門令然則黃門郎給事黃闥之內故曰黃門郎本既無員於此

各置六人也獻帝起居注曰自誅黃門後侍中侍郎出入禁中機事頗露由是王允乃奏侍中黃門不得出入不通賓客自此始也○劉放曰註乘輿中官俱止禁中案

文當云參乘與中官俱止賜公卿以下至黃門侍郎家一人為郎以補宦官所領諸

禁中少一參字誤一輿字

署侍於殿上靈帝熹平四年改平準為中準使宦官為令自是諸

乙酉以太尉劉虞

為大司馬董卓自為太尉加鈇鉞虎賁

禮記曰諸侯賜鈇鉞鈇鉞然後專殺說文曰鈇莖也蒼頡篇曰鈇斧也加鈇鉞者與專殺也

乾隆四年校刊

後漢書卷九

守

一



丙戌太中大夫楊彪爲司空甲午豫州牧黃琬爲司徒遣使弔祠故太傅陳蕃大將軍竇武等冬十月乙巳葬靈思皇后白波賊寇河東薛瑩書曰黃巾郭泰等起於西河白波谷時謂之白波賊董

卓遣其將牛輔擊之十一月癸酉董卓爲相國十二月戊戌司徒黃琬爲太尉司空

楊彪爲司徒光祿勳荀爽爲司空省扶風都尉置漢安都護扶風都尉比二千石武帝元鼎四年置中興不

改至此以羌擾三輔故省之置都護令總統西方詔除光熹昭寧永漢三號還復中平六年

初平元年春正月山東州郡起兵以討董卓辛亥大赦天下癸酉董卓殺弘農王白

波賊寇東郡二月乙亥太尉黃琬司徒楊彪免庚辰董卓殺城門校尉伍瓊督軍校

尉周斌斌音必東觀記曰周斌豫州刺史慎之子也續漢書魏志竝作斌音秘以光祿勳趙謙爲太尉謝承書曰謙字彥信太尉趙戒

之孫蜀郡成都人也太僕王允爲司徒丁亥遷都長安董卓驅徙京師百姓悉西入關自留屯

畢圭苑壬辰白虹貫日三月乙巳車駕入長安幸未央宮未央宮蕭何所造也張璠記曰將入宮日大雨晝晦

翟雉飛入長安宮己酉董卓焚洛陽宮廟及人家戊午董卓殺太傅袁隗太僕袁基夷其族

隗紹之叔父基袁術之母兄卓以山東兵起依紹術爲主故誅其親屬獻帝春秋日尺口以上男女五千餘人皆下獄死夏五月司空荀爽薨六

月辛丑光祿大夫种拂爲司空大鴻臚韓融少府陰脩執金吾胡母班風俗通云胡母姓本陳胡

公之後也公子完奔齊遂有齊國齊宣王母弟將作大匠吳脩越騎校尉王瓌安集

別封母鄉遠本胡公近取母邑故曰胡母氏也英雄記曰匡字公節太山人也輕財好施以任俠聞爲袁紹河內太守

關東後將軍袁術河內太守王匡各執而殺之

唯韓融獲免董卓壞五銖錢更鑄小錢光武中與除王莽貨泉更用五銖錢冬十一月庚戌鎮星熒惑

太白合於尾是歲有司奏和安順桓四帝無功德不宜稱宗又恭懷敬隱恭愍三皇

后竝非正嫡不合稱后皆請除尊號制曰可和帝號穆宗安帝號恭宗順帝號敬宗桓帝號威宗和帝尊母梁貴人曰恭懷

皇后安帝尊祖母宋貴人曰敬隱皇后順帝尊母李氏曰恭愍皇后孫堅殺荊州刺史王叡王氏譜曰叡字通曜晉太

遇堅無禮堅此時欲殺叡叡曰我何罪堅日坐無所知罪叡窮迫刮金飲之而死又殺南陽太守張咨

二年春正月辛丑大赦天下二月丁丑董卓自為太師袁術遣將孫堅與董卓將胡

軫戰於陽人陽人聚名屬河南郡故城在今汝州梁縣西史記秦滅東周徙其君於陽人聚即此地也軫軍大敗董卓遂發掘洛

陽諸帝陵夏四月董卓入長安六月丙戌地震秋七月司空种拂免光祿大夫濟南

淳于嘉為司空太尉趙謙罷太常馬日磾為太尉九月蚩尤旗見于角亢天官書曰蚩尤之旗

類彗而後曲象旗熒惑之精也呂氏春秋云其色黃上白下見則王者征伐四方角亢蒼龍之星冬十月壬戌董卓殺衛尉張温十

一月青州黃巾寇泰山泰山太守應劭擊破之黃巾轉寇渤海公孫瓚與戰於東光

復大破之東光今滄州縣是歲長沙有人死經月復活

三年春正月丁丑大赦天下袁術遣將孫堅攻劉表於襄陽堅戰歿袁紹及公孫瓚

戰于界橋今貝州宗城縣東有古界城近枯漳水則界橋在此也瓚軍大敗夏四月辛巳誅董卓夷三族司徒

王允錄尚書事總朝政遣使者張种撫慰山東青州黃巾擊殺兖州刺史劉岱於東

乾隆四年校刊 後漢書卷九 帝紀

平東郡太守曹操大破黃巾於壽張降之五月丁酉大赦天下丁未征西將軍皇甫

嵩為車騎將軍董卓部曲將李傕郭汜樊稠張濟等反攻京師六月戊午陷長安城

太常种拂太僕魯旭大鴻臚周奐三輔決錄注曰奐字文明茂陵人城門校尉崔烈越騎校尉王頌

竝戰歿頌音吏民死者萬餘人李傕等竝自為將軍己未大赦天下李傕殺司隸校

尉黃琬甲子殺司徒王允皆滅其族丙子前將軍趙謙為司徒秋七月庚子太尉馬

日磾為太傅錄尚書事八月遣日磾及太僕趙岐持節慰撫天下車騎將軍皇甫嵩

為太尉司徒趙謙罷九月李傕自為車騎將軍郭汜後將軍樊稠右將軍張濟鎮東

將軍濟出屯弘農甲申司空淳于嘉為司徒光祿大夫楊彪為司空竝錄尚書事冬

十二月太尉皇甫嵩免光祿大夫周忠為太尉參錄尚書事

四年春正月甲寅朔日有食之袁宏記曰時未晡八刻太史令王立奏曰晷過度無變也朝臣皆賀帝令候焉未晡一刻而食賈詡奏曰

立司候不明疑誤上下請付理官帝曰天道遠事驗難明欲歸咎史官益重朕之不德也丁卯大赦天下三月袁術殺揚州刺史

陳溫據淮南長安宣平城門外屋自壞三輔黃圖曰長安城東面北頭門也夏五月癸酉無雲而雷六

月扶風大雨雹華山崩裂太尉周忠免太僕朱雋為太尉錄尚書事下邳賊闕宣自

稱天子風俗通曰闕姓也承闕黨童子之後也縱橫家有闕子著書雨水遣侍御史裴茂訊詔獄原輕繫六月辛

丑天狗西北行前書音義曰有聲為天狗無聲為枉矢九月甲午試儒生四十餘人上第賜位郎中次

太子舍人下第者罷之詔曰孔子歎學之不講講習也論語之文不講則所識日忘今耆儒

年踰六十去離本土營求糧資不得專業結童入學白首空歸長委農野永絕榮望

朕甚愍焉其依科罷者聽為太子舍人劉文獻帝紀曰時長安中為之謠曰頭白皓然食不充糧裹衣蹇裳當還故鄉聖王愍念

悉用補郎舍是布衣被服玄黃冬十月太學行禮車駕幸永福城門臨觀其儀賜博士以下各有差

辛丑京師地震有星孛于天市袁宏記曰孛于天市將從天子移都其後上東遷之應也司空楊彪免太常趙溫

為司空公孫瓚殺大司馬劉虞十二月辛丑地震司空趙溫免乙巳衛尉張喜為司

空獻帝春秋曰喜作嘉是歲琅邪王容薨

興平元年春正月辛酉大赦天下改元興平甲子帝加元服二月壬午追尊諡皇妣

王氏為靈懷皇后甲申改葬于文昭陵丁亥帝耕于籍田三月韓遂馬騰與郭汜樊

稠戰於長平觀遂騰敗績左中郎將劉範前益州刺史种劭戰歿前書音義曰長平

池陽宮南去長安五十里今涇水南原睢城是也袁宏紀曰是時馬騰以李傕等專亂以益州刺史劉焉宗室大臣遣使招引共誅傕焉遣子範將兵執騰故涼州刺史

种劭太常拂之子也拂為傕所害劭欲報仇遂為此戰夏六月丙子分涼州河西四郡為龐州謂金城酒泉丁

丑地震戊寅又震乙巳晦日有食之帝避正殿寢兵不聽事五日大蝗秋七月壬子

太尉朱雋免戊午太常楊彪為太尉錄尚書事三輔大旱自四月至于五月帝避正

殿請雨遣使者洗囚徒原輕繫洗謂蕩滌也是歲穀一斛五十萬豆麥一斛二十萬人相

乾隆四年校刊

食啖白骨委積帝使侍御史侯汶出太倉米豆為飢人作糜粥經日而死者無降帝

疑賦郵有虛乃親於御坐前量試作糜乃知非實袁宏紀曰時勅侍中劉艾取米豆五升於御前作糜得滿三五於是

詔尚書曰米豆五升得糜三五而人委頓何也使侍中劉艾出讓有司於是尚書令以下皆詣省閣謝○劉艾曰

案閣當作閣問門也詣閣無理奏收侯汶考實詔曰未忍致汶于理可杖五十自是之後多得全濟

八月馮翊羌叛寇屬縣郭汜樊稠擊破之九月桑復生樞人得以食司徒淳于嘉罷

冬十月長安市門自壞以衛尉趙溫為司徒錄尚書事十二月分安定扶風為新平

郡是歲揚州刺史劉繇與袁術將孫策戰于曲阿策字伯符孫堅子曲阿今潤州縣繇軍敗績孫策

遂據山東吳志曰孫策既破繇遂度兵據會稽策自領會稽太守太傅馬日磾薨于壽春壽春縣名屬九江郡今壽春縣也

二年春正月癸丑大赦天下二月乙亥李傕殺樊稠而與郭汜相攻三月丙寅李傕

脇帝幸其營焚宮室夏四月甲午立貴人伏氏為皇后丁酉郭汜攻李傕矢及御前

山陽公載記曰時弓弩並發矢下如雨及御所止高樓殿前帷簾也是日李傕移帝幸北塢服虔通俗文曰營居曰塢一曰庫城也山陽公載記

日時帝在南塢傕在北塢時流矢中傕左耳乃迎帝幸北塢帝不肯從強之乃行大旱五月壬午李傕自為大司馬六月庚

午張濟自陝來和傕汜秋七月甲子車駕東歸郭汜自為車騎將軍楊定為後將軍

楊奉為興義將軍董承為安集將軍並侍送乘輿張濟為驃騎將軍還屯陝八月甲

辰幸新豐冬十月戊戌郭汜使其將伍習夜燒所幸學舍逼脇乘輿楊定楊奉與郭

汜戰破之壬寅幸華陰露次道南是夜有赤氣貫紫宮獻帝春秋曰赤氣廣六尺東至寅西至戌也張濟

復反與李傕郭汜合十一月庚午李傕郭汜等追乘輿戰於東澗王師敗績殺光祿

勳鄧泉衛尉士孫瑞廷尉宣播大長秋苗祀獻帝春秋播作播也步兵校尉魏桀侍中朱展射

聲校尉沮儁風俗通曰沮姓也黃帝時史官沮誦之後音俱余反壬申幸曹陽露次田中曹陽澗名在今陝州西南七里俗謂之七里澗

與李傕等戰破之十二月庚辰車駕乃進李傕等復來追戰王師大敗殺畧宮人少

府田芬大司農張義等皆戰歿進幸陝夜度河乙亥幸安邑是歲袁紹遣將麴義與

公孫瓚戰於鮑丘鮑丘水名出北塞中南流經九莊嶺東俗謂之大榆河又東南經漁陽縣故城東是瓚之戰處見水經注瓚軍大敗

建安元年春正月癸酉郊祀上帝於安邑大赦天下改元建安二月韓暹攻衛將軍

董承夏六月乙未幸聞喜秋七月甲子車駕至洛陽幸故中常侍趙忠宅丁丑郊祀

上帝大赦天下己卯謁太廟八月辛丑幸南宮楊安殿癸卯安國將軍張楊為大司

馬韓暹為大將軍楊奉為車騎將軍是時宮室燒盡百官披荆棘依牆壁間州郡各

擁彊兵而委輸不至羣僚饑乏尚書郎以下自出採稻稻音呂埤蒼曰稻自生也稻與稽同或饑死牆

壁間或為兵士所殺辛亥鎮東將軍曹操自領司隸校尉錄尚書事曹操殺侍中臺

崇尚書馮碩等風俗通曰金天氏裔孫曰臺駘其後氏焉山陽公載記曰案文多一曰字封衛將軍

乾隆四年校刊

後漢書卷九



董承為輔國將軍○劉放曰案文多一為字伏完等十三人為列侯贈沮偽為弘農太守庚申遷

都許己已幸曹操營九月太尉楊彪司空張喜罷冬十一月丙戌曹操自為司空行

車騎將軍事百官總己以聽

二年春袁術自稱天子三月袁紹自為大將軍夏五月蝗秋九月漢水溢是歲饑江

淮間民相食袁術殺陳王寵孫策遣使奉貢

三年夏四月遣謁者裴茂率中郎將段熲討李傕夷三族獻帝起居注曰傳傕首呂到許有詔高懸之也

布叛冬十一月盜殺大司馬張楊十二月癸酉曹操擊呂布於徐州斬之

四年春三月袁紹攻公孫瓚于易京獲之公孫瓚頻失利乃臨易河築京以自固故號易京其城三重周回六里今內城中有

書左右僕射武陵女子死十四日復活續漢志曰女子李娥年六十餘死瘞於城中有行人聞冢中有聲告家人出之

五年春正月車騎將軍董承偏將軍王服越騎校尉种輯受密詔誅曹操事洩壬午

曹操殺董承等夷三族秋七月立皇太子馮為南陽王壬午南陽王馮薨九月庚午

朔日有食之詔三公舉至孝二人九卿校尉郡國守相各一人皆上封事靡有所諱

曹操與袁紹戰於官度裴松之北征記曰中牟臺下臨汴水是為官度袁紹曹操壘尚存焉在今鄭州中牟縣北紹敗走冬十月

辛亥有星孛于大梁大梁西東海王祗薨是歲孫策死為許貢客弟權襲其餘業權



謀仲

六年春三月丁卯朔日有食之

七年夏五月庚戌袁紹薨于寘國獻馴象馴象謂隨人意也是歲越雋男子化為女子

八年冬十月己巳公卿初迎冬於北郊斯禮久廢故曰初總章始復備八佾舞袁紹紀云迎氣北郊始用八佾

佾列也謂舞者之行列往因亂廢今始備之總章樂官名古之安代樂初置司直官督中都官司直秩比二千石武帝元狩五年置掌佐丞相舉不法也建武十一年省今復置之

九年秋八月戊寅曹操大破袁尚平冀州自領冀州牧冬十月有星孛于東井十二月

賜三公已下金帛各有差自是三年一賜以為常制

十年春正月曹操破袁譚於青州斬之魏書曰操攻譚不剋乃自執桴鼓應時破之夏四月黑山賊張燕率

眾降魏志曰燕本姓褚常山真定人也黃巾起燕合聚少年為羣盜萬餘人博陵人張牛角為主牛角死燕代為主故改姓張燕剽勇軍中號曰張飛燕眾至百萬號曰

黑山秋九月賜百官尤貧者金帛各有差

十一年春正月有星孛于北斗三月曹操破高幹於并州獲之典論曰上洛都尉王秋瑛敗之追斬其首秋

七月武威太守張猛殺靡州刺史邯鄲商袁宏漢紀曰靡州作涼州也是歲立故琅邪王容子熙

為琅邪王齊北海阜陵下邳常山甘陵濟陰平原八國皆除

十二年秋八月曹操大破烏桓於柳城斬其蹋頓蹋頓匈奴王號柳城縣名屬遼西郡今營州縣冬十月辛

乾隆四年校刊

後漢書卷九

帝紀

五

卯有星孛于鶉尾鶉尾已之分 己巳黃巾賊殺濟南王贛河間孝王五代孫 十一月遼東太守公

孫康殺袁尙袁熙

十三年春正月司徒趙溫免夏六月罷三公官置丞相御史大夫癸巳曹操自為丞

相秋七月曹操南征劉表八月丁未光祿勳郗慮為御史大夫續漢書曰慮字鴻豫山陽高平人也少受

學於鄭玄 王子曹操殺太中大夫孔融夷其族是月劉表卒少子琮立琮以荊州降操冬

十月癸未朔日有食之曹操以舟師伐孫權權將周瑜敗之於烏林赤壁

十四年冬十月荊州地震

十五年春二月乙巳朔日有食之

十六年秋九月庚戌曹操與韓遂馬超戰於渭南遂等大敗關西平曹瞞傳曰時婁子伯說操曰今

天寒可起沙為城以水灌之可一夜而成公從之比明城 是歲趙王赦薨立超遂數挑戰不利操縱虎騎夾擊大破之超遂走涼州

十七年夏五月癸未誅衛尉馬騰夷三族六月庚寅晦日有食之秋七月洧水潁水

溢螽八月馬超破涼州殺刺史韋康九月庚戌立皇子熙為濟陰王懿為山陽王邈

為濟北王敦為東海王山陽公載記曰時許靖在巴郡聞立諸王曰將欲歟之必姑張之將欲奪之必姑與之其孟德之謂乎 冬十二

月星孛于五諸侯五諸侯星名也

十八年春正月庚寅復高貴九月漢帝春秋曰時省南并州以其郡國并於冀州省

荊州益州於是竟豫青徐荆揚冀益雍也九數  
雖同而禹貢無益州有梁州然梁益亦一地也  
夏五月丙申曹操自立為魏公加

九錫案禮含文嘉曰九錫謂一日車馬二日衣服三日樂器四日朱戶五日納陛六日虎賁七百人七日斧鉞八日弓矢九日柎鬯大雨水徙趙王

珪為博陵王是歲歲星鎮星熒惑俱入太微是年秋三星逆行入太微守帝座五十日彭城王和薨

十九年夏四月旱五月雨水劉備破劉璋據益州冬十月曹操遣將夏侯淵討朱建

于枹罕獲之枹罕縣屬金城郡今河州縣也魏志曰淵字妙才沛國譙人也十一月丁卯曹操殺皇后伏氏滅其族

及二皇子山陽公載記曰劉備在蜀聞之遂發喪

二十年春正月甲子立貴人曹氏為皇后賜天下男子爵人一級孝悌力田二級賜

諸王侯公卿以下穀各有差秋七月曹操破漢中張魯降

二十一年夏四月甲午曹操自進號魏王五月己亥朔日有食之秋七月匈奴南單

于來朝是歲曹操殺琅邪王熙國除坐謀欲渡江被誅

二十二年夏六月丞相軍師華歆為御史大夫冬有星孛于東北是歲大疫

二十三年春正月甲子少府耿紀丞相司直韋晃起兵誅曹操不克夷三族三輔史錄日時

有京兆金禕字德偉自以代為漢臣乃發憤與耿紀韋晃欲挾天子以攻魏南援劉備事敗夷三族三月有星孛于東方杜預注左傳云平旦眾星

皆沒而孛星乃見故不言所在之次

二十四年春二月壬子晦日有食之夏五月劉備取漢中秋七月庚子劉備自稱漢

乾隆四年校刊

後漢書卷九

帝紀

六

中王八月漢水溢冬十一月孫權取荊州

二十五年春正月庚子魏王曹操薨魏志曰操字孟德薨時年六十六子丕襲位魏志曰丕字子桓操之太子

月丁未朔日有食之三月改元延康冬十月乙卯皇帝遜位魏王丕稱天子秋日帝

時召羣臣卿士告祠高廟詔太常張音持節奉策璽綬禪奉帝為山陽公山陽縣名

位於魏王乃為壇於繁陽故城魏王登壇受皇帝璽綬故城在今懷州屬河內郡

修武縣西北 邑一萬戶位在諸侯王上奏事不稱臣受詔不拜以天子車服郊祀

天地宗廟祖臘皆如漢制都山陽之濁鹿城濁鹿一名濁城亦名清陽四皇子封王

者皆降為列侯明年劉備稱帝于蜀孫權亦自王於吳於是天下遂三分矣魏青龍

二年三月庚寅山陽公薨自遜位至薨十有四年年五十四諡孝獻皇帝八月壬申

以漢天子禮儀葬于禪陵續漢書曰天子葬太僕駕四輪輜為寶車大練為屋幙中黃門虎賁各二十人執紼司空擇土造穿太史卜日將作

作黃腸題湊便房如禮大駕太僕御方相氏黃金四目蒙熊皮玄衣朱裳執戈揚楯

立乘四馬先驅旂長三刃十有二旒曳地畫日月升龍書旒曰天子之柩謁者二人

立乘六馬為次太常跪哭日十五舉音止哭畫漏上請發司徒河南尹先引車轉太

常日請拜送車著白絲參糾紼長三十丈圍七寸六行行五十人公卿以下子弟凡

三百人皆素幘委貌冠衣素裳挽校尉三百人皆赤幘不冠持幢幡皆銜枚羽林孤

兒巴歛耀歌者六十人為六列司馬八人執鐸至陵南美門司徒跪請就下房都導

東園武士奉入房執事下明器太祝進醴獻司空將校復土耀音徒了反帝王紀曰

禪陵在濁鹿城西北十里在今懷州修武縣北二十五里陵高二丈周回二百步劉

澄之地記云以漢禪魏故以名焉○劉攽曰注太常

跪哭日十五舉音止案漢志日字作日在哭字上

置園邑令丞太子早卒孫康立

五十年晉太康六年薨子瑾立四年太康十年薨子秋立二十年永嘉中為胡賊

所殺國除

論曰傳稱鼎之為器雖小而重故神之所寶不可奪移

左氏傳王孫滿曰桀有昏德鼎遷於商商紂暴虐鼎遷於

周德之休明雖小重也其姦回昏亂雖大輕也故言神之所寶不可奪移

至今負而趨者此亦窮運之歸乎

言神器至重被人負而趨

走者斯亦窮盡之運歸於此時乎言不可復振也莊子曰藏舟於壑藏山於澤謂之固矣然而有力者負之而趨而昧者不知

天厭漢德久矣山陽

其何誅焉

厭倦誅責也漢自和帝以後政教陵遲故言天厭漢德久矣禍之來也非獨山陽公之過其何所誅責乎左傳宋子魚曰天既厭商德孔子曰於子

予何誅○劉攽曰注於子予何誅案今論語下子當作與

贊曰獻生不辰身播國屯

辰時也播遷也言獻帝生不逢時身既播遷國又屯難詩曰我生不辰左傳曰震蕩播越

終我四百末

作虞賓

春秋孔演圖曰劉四百歲之際褒漢王輔皇王以期有名不就宋均注曰雖褒族人為漢王以自輔以當有應期名見攝錄者故名不就也虞賓謂舜以

堯子丹朱為賓虞書曰虞賓在位是也以喻山陽公為魏之賓也

後漢書卷九

後漢書卷九考證

獻帝紀董卓爲相國○何焯曰爲相國上脫一自字

置漢安都護注總統西方○監本西字訛四從宋本改

南陽王馮薨○監本脫馮字今從宋本

臣會汾

按他處王薨皆書名但此句蒙上立

皇子馮爲南陽王文雖無馮字亦可

斬其蹋頓○何焯曰其字應衍

改元延康○監本延字訛建按建康順帝年號也從宋本改

至今負而趨者○今應作令

永作虞賓注虞書○監本訛作商書今改正



後漢書卷九考證

後漢書卷十上

宋 宣城太守 范曄撰

唐 章懷太子 賢注

后紀第十上

光武郭皇后

光烈陰皇后

明德馬皇后

章德竇皇后

和帝陰皇后

和熹鄧皇后

夏殷以上后妃之制其文畧矣周禮王者立后鄭玄注禮記曰后之言後言在夫之後也三夫人九嬪二

十七世婦八十一女御以備內職焉后正位宮闈同體天王夫人坐論婦禮鄭玄注周禮云

夫人之於后猶三公之於王坐而論婦禮也 九嬪掌教四德九嬪比九卿周禮曰九嬪掌婦學之法以世教九御也四德謂婦德婦言婦容婦功也世

婦主喪祭賓客婦服也明其能服事於人也比二十七大夫周禮世婦掌祭祀賓客喪紀之事祭之日涖陳女宮之具凡內羞之物掌弔臨于卿大夫之

喪 女御序于王之燕寢御謂進御于王也比八十一元士周禮曰 頒官分務各有典

司女史彤管記功書過周禮云女史掌王后之禮書內令凡后之事以禮從也鄭玄注云云亦如太史之於王也彤管赤管筆也詩云詒我彤管注

云古者后夫人必有 居有保阿之訓動有環佩之響列女傳曰齊孝公孟姬華氏之女從孝公遊車奔姬墮車碎孝

公使駟馬立車載姬姬泣曰妾聞妃下堂必從傳 進賢才以輔佐君子哀窈窕而不

淫其色詩序云關雎樂得淑女以配君子憂在進賢不淫其色所以能述宣陰化修

乾隆四年校刊

後漢書卷十上

后紀

一

成內則周禮內宰職日以陰禮教六宮以婦職之法教九御閨房肅雍險謁不行也肅敬也雍和也謁請也言能輔佐君子和順恭敬不

行私謁詩序曰雖則王姬猶執婦道以成肅雍之德又曰而無險謁私謁之心故康王晚朝關雎作諷前書音義曰后夫人

康王后不然故詩人嘆而傷之見魯詩宣后晏起姜氏請愆列女傳曰周宣姜后齊侯之女也宣王常

簪珥待罪於永巷使傳母通言於王曰妾不才淫心見矣至使君王失禮而晏起以

見君王樂色忘德敢請罪惟君王之命王曰寡人之過夫人何辜遂勤政事成中興

之名及周室東遷禮序凋缺幽王時西夷犬戎兵攻殺幽王于驪山之下太子諸侯

僭縱軌制無章齊桓有如夫人者六人左傳曰桓公多內寵有如夫人者六人長晉

獻升戎女為元妃元妃嫡夫人也史記曰晉獻公伐驪戎得驪姬愛幸立以為妃終於五子作亂桓公六夫人生六

昭於是公子無虧公子元公子潘公子商人公豕嗣遘屯豕大也遘遇也屯難也晉

子雍等五公子皆求立公子昭奔宋是作亂也豕嗣遘屯獻公受驪姬之譖殺太子

申生故爰逮戰國風憲逾薄適情任欲顛倒衣裳上曰衣下曰裳詩曰綠兮衣兮綠

日遇屯為襄非其禮制諭妾上僭也以至破國亡身不可勝數斯固輕禮弛防先色後德者也秦并天下

多自驕大官備七國史記曰始皇破六國寫放其宮室作之咸陽北坂上南臨渭水

爵列八品前書曰漢興因秦之稱號正嫡稱皇后妾皆稱夫人又有美人良人八子七子長使少使之號漢興因循其號而婦制莫

釐釐釐高祖帷薄不脩大戴禮曰大臣坐污穢男女無別者不曰污穢曰孝文衽席無

辨鄭玄注禮記曰衽臥席也孝文幸然而選納尚簡飾翫少華自武元之後世增淫

費至乃掖庭三千增級十四婕妤一嫵娥二容華三充衣四已上武帝置昭儀五元

五宮十二順常十三舞清共和娛靈保休  
良娣使夜者十四此六宮品秩同為一等  
妖倖毀政之符外姻亂邦之迹前史載之

詳矣及光武中興斲彫為朴  
彫謂刻鏤也史記曰漢興破觚而為圓斲彫而為璞  
六宮稱號唯皇后貴人鄭玄注周

禮曰皇后正寢一燕寢五是為六宮也夫人已下分居焉  
貴人金印紫綬奉不過粟數十斛又置美人宮人采女

三等並無爵秩歲時賞賜充給而已漢法常因八月筭人漢儀注曰八月初為筭賦故曰筭人遣中大

夫與掖庭丞及相工於洛陽鄉中閱視良家童女年十三以上二十以下姿色端麗

合法相者載還後宮擇視可否乃用登御所以明慎聘納詳求淑哲明帝聿遵先旨

宮教頗脩登建嬪后必先令德內無出閫之言閫門限也禮記曰外言不出於閫也權無私溺

之授可謂矯其敝矣向使因設外戚之禁編著甲令前書音義曰甲令者前帝第令一令也有甲令乙令丙令改

正后妃之制貽厥方來豈不休哉雖御已有度而防閑未篤故孝章以下漸用色授

恩隆好合遂忘淄蠹淄黑也蠹食木蟲以諭傾敗也自古雖主幼時艱王家多釁必委成冢宰簡求

忠賢未有專任婦人斷割重器唯秦苒太后始攝政事苒音亡爾反故穰侯權重於昭王

家富於嬴國太后昭王母也號宣太后史記曰昭王立年少宣太后自知事以同母弟魏冉為將軍任政封為穰侯太后攝政始於此也漢仍其

謬知患莫改東京皇統屢絕權歸女主外立者四帝謂安質桓靈臨朝者六后章帝竇太后和熹鄧

太后安思閻太后順烈梁太后桓思竇太后靈思何太后也莫不定策帷帟委事父兄貪孩童以久其政抑明賢

以專其威周禮幕人掌幃帟帷幕之事鄭玄注曰帟幄中坐上承塵也殤帝崩鄧太后與兄鶯等迎立安帝年十三冲帝崩梁太后與兄冀迎立質帝年八歲

質帝崩太后與兄冀迎立桓帝年十五桓帝崩竇太后與父武迎立靈帝年十三任重道悠利深禍速身犯霧露於雲臺之

上霧露謂疾病也不可指言死放假霧露以言之靈帝時中常侍曹節矯詔遷太后於雲臺謝弼上封事曰伏惟皇太后援立明聖幽居空宮如有霧露之疾陛下當

何面目以家嬰縲綹於囹圄犴之下縲索也綹繫也囹圄周獄名也鄉亭之湮滅連踵

見天下傾軛繼路踵跡也軛車轅也賈誼曰前車覆後車誡而赴蹈不息焦爛為期終於陵夷大運淪亡神寶夷

猶頹替神寶帝位也詩書所歎略同一揆故考列行跡以為皇后本紀雖成敗事異而同居正

號者並列于篇其以私恩追尊非當時所奉者則隨它事附出謂安帝母左姬及祖母宋貴人之類並見

清河孝王傳親屬別事各依列傳其餘無所見則係之此紀謂賈貴人虞美人之類是也以續西京外

戚云爾續繼也

### 郭皇后紀

光武郭皇后諱聖通真定藁人也藁縣名故城在今恒州藁城縣西為郡著姓父昌讓田宅財產數

百萬與異母弟國人義之仕郡功曹娶真定恭王女號郭主恭王名普景帝七代孫生后及子

况昌早卒郭主雖王家女而好禮節儉有母儀之德更始二年春光武擊王郎至真

定因納后有寵及即位以為貴人建武元年生皇子彊帝善况小心謹慎年始十六

拜黃門侍郎二年貴人立為皇后彊為皇太子封况縣蠻侯以后弟貴重賓客輻湊

况恭謙下士頗得聲譽十四年遷城門校尉其後后以寵稍衰數懷怨懟十七年遂

廢為中山王太后進后中子右翊公輔為中山王以常山郡益中山國徙封况大國

為陽安侯陽安縣屬汝南郡故城在今豫州朗山縣故道國城是也后從兄竟以騎都尉從征伐有功封為新鄴

侯官至東海相新鄴縣屬汝南郡故城在今潁州汝陰縣西北鄴丘城是也音七私反竟弟匡為發干侯發干縣屬東郡故城在今

博州堂邑縣西南官至太中大夫后叔父梁早終無子其婿南陽陳茂以恩澤封南繚侯繚音

力全二十年中山王輔復徙封沛王后為沛太后况遷大鴻臚帝數幸其第會公卿

諸侯親家飲燕賞賜金錢縑帛豐盛莫比京師號况家為金穴二十六年后母郭主

薨帝臨喪送葬百官大會遣使者迎昌喪柩與主合葬追贈昌陽安侯印綬諡曰思

侯二十八年后薨葬于北芒帝憐郭氏詔况子璜尚清陽公主除璜為郎顯宗即位

况與帝舅陰識陰就並為特進數授賞賜劉放曰案文授當作受恩寵俱渥禮待陰郭每事必

均永平二年况卒贈賜甚厚帝親自臨喪諡曰節侯子璜嗣元和三年肅宗北巡狩

過真定會諸郭朝見上壽引入倡飲甚歡說文曰倡樂也聲類曰俳以太牢具上郭主冢賜粟萬

斛錢五十萬永元初璜為長樂少府長樂少府掌皇太后宮秩二千石居長信宮曰長信少府長樂宮曰長樂少府子舉為

侍中兼射聲校尉及大將軍竇憲被誅舉以憲女婿謀逆故父子俱下獄死家屬徙

合浦郡名今廉州縣宗族為郎吏者悉免官新鄴侯竟初為騎將前書曰車戶騎將屬光祿秩比千石從征伐

有功拜東海相永平中卒子嵩嗣嵩卒追坐染楚王英事國廢建初二年章帝紹封

乾隆四年校刊  
後漢書卷十七  
三

嵩子勤爲伊亭侯勤無子國除發干侯匡官至太中大夫建武三十年卒子勳嗣勳卒子駿嗣永平十三年亦坐楚王英事失國建初三年復封駿爲觀都侯卒無子國除郭氏侯者凡三人皆絕國

論曰物之興衰情之起伏理有固然矣而崇替去來之甚者必唯寵惑乎當其接牀第承恩色雖險情贅行莫不德焉說文曰贅肱也老子曰餘食贅行河上公注曰行之無當爲贅莊子曰附贅懸肱言醜惡也及至移意愛析嫌私雖惠心妍狀愈獻醜焉愛升則天下不足容其高歡隊故九服無所逃其命斯誠志士之所沈溺君人之所抑揚未或違之者也郭后以衰離見貶恚怨成尤而猶恩加別館增寵黨戚至乎東海遂巡去就以禮使後世不見隆薄進退之隙不亦光於古乎

### 陰皇后紀

光烈陰皇后諱麗華

諡法曰執德遵業曰烈東觀記有陰子公者生子方方生幼公公生君孟名睦卽后之父也今世本睦作陸

南陽新

野人初光武適新野聞后美心悅之後至長安見執金吾車騎甚盛因歎曰仕宦當作執金吾娶妻當得陰麗華更始元年六月遂納后於宛當成里時年十九及光武爲司隸校尉方西之洛陽令后歸新野及鄧奉起兵后兄識爲之將后隨家屬徙清陽止於奉舍光武卽位令侍中傅俊迎后與胡陽寧平主諸宮人俱到洛陽以后爲



貴人

寧平縣屬淮陽故城在今亳州谷陽縣西南

帝以后雅性寬仁欲崇以尊位后固辭以郭氏有子終

不肯當故遂立郭皇后建武四年從征彭寵生顯宗於元氏九年有盜劫殺后母鄧

氏及弟訢

音欣

帝甚傷之乃詔大司空曰吾微賤之時娶於陰氏因將兵征伐遂各別

離幸得安全俱脫虎口

莊子曰孔子見盜跖謂柳下惠曰幾不免於虎口也

以貴人有母儀之美宜立為后而

固辭弗敢當列於媵妾

爾雅曰媵送也孫炎曰送女曰媵

朕嘉其義讓許封諸弟未及爵土而遭患

逢禍母子同命愍傷于懷小雅曰將恐將懼惟予與汝將安將樂汝轉棄予

谷風之詩

人之戒可不慎乎其追爵諡貴人父陸為宣恩哀侯弟訢為宣義恭侯以弟就嗣哀

侯後及尸柩在堂使太中大夫拜授印綬如在國列侯禮魂而有靈嘉其寵榮十七

年廢皇后郭氏而立貴人制詔三公曰皇后懷執怨懟數違教令不能撫循它子訓

長異室宮闈之內若見鷹鷂

爾雅曰宮中

既無關雎之德而有呂霍之風豈可託以

幼孤恭承明祀今遣大司徒涉

戴涉也

宗正吉持節其上皇后璽綬陰貴人鄉里良家

歸自微賤

公羊傳曰婦人謂嫁曰歸

自我不見于今三年

詩幽風東山之詞也

宜奉宗廟為天下母主者詳

案舊典時上尊號異常之事非國休福不得上壽稱慶后在位恭儉少嗜玩不喜笑

謔性仁孝多矜慈七歲失父雖已數十年言及未嘗不流涕帝見常歎息顯宗即位

尊后為皇太后永平三年冬帝從太后幸章陵置酒舊宅會陰鄧故人諸家子孫並

受賞賜七年崩在位二十四年年六十合葬原陵明帝性孝愛追慕無已十七年正月當謁原陵夜夢先帝太后如平生歡既寤悲不能寐卽案歷明旦日吉遂率百官及故客上陵其日降甘露於陵樹帝令百官采取以薦會畢帝從席前伏御牀視太后鏡奩中物奩鏡匣也音廉感動悲涕令易脂澤裝具左右皆泣莫能仰視焉

### 馬皇后紀

明德馬皇后諱某

益法曰忠和純淑曰德諱某者史失其名下皆類此

伏波將軍援之小女也少喪父母兄客

卿敏惠早天母藺夫人悲傷發疾恍惚后時年十歲幹理家事勅制僮御

幹正也廣雅曰僮御

皆使者也

內外諮稟事同成人初諸家莫知者後聞之咸歎異焉后嘗久疾太夫人令筮

之筮者曰此女雖有患狀而當大貴兆不可言也後又呼相者使占諸女見后大驚曰我必爲此女稱臣然貴而少子若養他子者得力乃當踰於所生初援征五溪蠻卒於師虎賁中郎將梁松黃門侍郎竇固等因譖之由是家益失執又數爲權貴所侵侮后從兄嚴不勝憂憤白太夫人絕竇氏婚求進女掖庭乃上書曰臣叔父援孤恩不報也孤負也而妻子特獲恩全戴仰陛下爲天爲父人情既得不死便欲求福竊聞太子諸王妃匹未備援有三女大者十五次者十四小者十三儀狀髮膚上中以上

東觀記曰明帝馬皇后美髮爲四起大髻但以髮成尚有餘繞髻三匝眉不施黛獨左眉角小缺補之如粟管解疾而終身得意皆孝順小心婉靜

有禮順願下相工簡其可否如有萬一援不朽於黃泉矣又援姑姊妹並為成帝婕

妤葬於延陵臣嚴幸得蒙恩更生冀因緣先姑當充後宮由是選后入太子宮時年

十三奉承陰后傍接同列禮則脩備上下安之遂見寵異常居後堂顯宗即位以后

為貴人時后前母姊女賈氏亦以選入生肅宗帝以后無子命令養之謂曰人未必

當自生子但患愛養不至耳后於是盡心撫育勞悴過於所生肅宗亦孝性惇篤恩

性天至母子慈愛始終無纖介之間纖介猶微細也間隙也后常以皇嗣未廣每懷憂歎薦達

左右若恐不及後宮有進見者每加慰納若數所寵引輒增隆遇永平三年春有司

奏立長秋宮皇后所居宮也長者久也秋者萬物成熟之初也故以名焉請立皇后不敢指言故以宮稱之帝未有所言皇太后曰

馬貴人德冠後宮即其人也遂立為皇后先是數日夢有小飛蟲無數赴著身又入

皮膚中而後飛出既正位宮闈愈自謙肅身長七尺二寸方口美髮能誦易好讀春

秋楚辭尤善周官董仲舒書周官周禮也仲舒書玉杯蕃露清明竹林之屬也蕃音繁常衣大練裙不加緣大練大帛

也杜預注左傳曰大帛厚繒也太后兄廖上書曰今陛下躬服厚繒是也朔望諸姬主朝請漢律春日請朝秋日請望見后袍衣疏麤

反以為綺縠就視乃笑后辭曰此繒特宜染色故用之耳六宮莫不歎息帝嘗幸苑

囿離宮后輒以風邪露霧為戒辭意款備多見詳擇帝幸濯龍中續漢志曰濯龍中園名也近北宮並

召諸才人下邳王已下皆在側請呼皇后帝笑曰是家志不好樂雖來無歡是以游

娛之事希嘗從焉十五年帝按地圖將封皇子悉半諸國后見而言曰諸子食數縣於制不已儉乎帝曰我子豈宜與先帝子等乎歲給二十萬足矣時楚獄連年不斷囚相證引坐繫者甚衆后慮其多濫乘間言及惻然帝感悟之夜起彷徨爲思所納

思后所納之言

卒多有所降宥時諸將奏事及公卿較議難平者

廣雅曰較明也

帝數以試后后輒

分解趣理各得其情每於侍執之際輒言及政事多所毗補而未嘗以家私干故寵敬日隆始終無衰及帝崩肅宗卽位尊后曰皇太后諸貴人當徙居南宮太后感析

別之懷各賜王赤綬加安車駟馬白越三千端

白越越布

雜帛二千匹黃金十斤自撰顯

宗起居注削去兄防參醫藥事帝請曰黃門舅旦夕供養且一年旣無喪異又不錄

勤勞無乃過乎太后曰吾不欲令後世聞先帝數親后宮之家故不著也建初元年

欲封爵諸舅太后不聽明年夏大旱言事者以爲不封外戚之故有司因此上奏宜

依舊典

漢制外戚以恩澤封侯故曰舊典也

太后詔曰凡言事者皆欲媚朕以要福耳昔王氏五侯同

日俱封

成帝封太后弟王譚王商王立王根王逢時等同時爲關內侯

其時黃霧四塞不聞澍雨之應又田蚡竇嬰

寵貴橫恣傾覆之禍爲世所傳

田蚡景帝王皇后同母弟武安侯也爲丞相貪驕與淮南王霸上私語後薨武帝曰使武安侯在者族矣

竇嬰文帝竇皇后從兄子魏其侯也爲丞相坐與灌夫朋黨棄市也

故先帝防慎舅氏不令在樞機之位

樞機近要之官也春秋運斗樞曰北斗第一天

諸子之封裁令半楚淮陽諸國常謂我子不當與先帝子等今

有司奈何欲以馬氏比陰氏乎吾爲天下母而身服大練食不求甘左右但著帛布無香薰之飾者欲身率下也以爲外親見之當傷心自勅但笑言太后素好儉前過

濯龍門上見外家問起居者車如流水馬如游龍倉頭衣綠構領袖正白構臂衣今之臂鞬以

縛左右手於事便也顧視御者不及遠矣故不加譴怒但絕歲用而已冀以默愧其心而猶懈

怠無憂國忘家之慮知臣莫若君况親屬乎吾豈可上負先帝之旨下虧先人之德

重襲西京敗亡之禍哉固不許西京外戚呂祿呂產竇嬰上官桀安父子霍禹等皆被誅帝省詔悲歎復重請曰

漢興舅氏之封侯猶皇子之爲王也太后誠存謙虛奈何令臣獨不加恩三舅乎且

衛尉年尊兩校尉有大病衛尉太后兄廖兩校尉兄防兄光也如今不諱使臣長抱刻骨之恨宜及吉

時不可稽留太后報曰吾反覆念之思令兩善豈徒欲獲謙謙之名而使帝受不外

施之嫌哉以恩澤封爵外家爲外施也昔竇太后欲封王皇后之兄竇太后文帝后也王皇后景帝后也兄即王信後封爲蓋

侯丞相條侯言受高祖約無軍功非劉氏不侯條侯周亞父也前書曰高帝與功臣約非劉氏不王非有功不侯不如約

天下共擊之今馬氏無功於國豈得與陰郭中興之后等邪常觀富貴之家祿位重疊猶

再實之木其根必傷文子曰再實之木根必傷掘藏之家後必殃也且人所以願封侯者欲上奉祭祀下求

溫飽耳今祭祀則受四方之珍衣食則蒙御府餘資斯豈不足而必當得一縣乎吾

計之孰矣勿有疑也夫至孝之行安親爲上今數遭變異穀價數倍憂惶晝夜不安

坐臥而欲先營外封違慈母之拳拳乎拳拳猶勤也音權吾素剛急有胷中氣不可不順也

若陰陽調和邊境清靜然後行子之志吾但當含飴弄孫方言曰飴錫也陳楚宋衛之間通語不能復

關政矣時新平主家御者失火延及北閣後殿太后以為已過起居不歡時當謁原

陵自引守備不慎慙見陵園遂不行初太夫人葬起墳微高太后以為言兄廖等即

時減削其外親有謙素義行者輒假借溫言賞以財位如有纖介則先見嚴恪之色

然後加譴其美車服不軌法度者便絕屬籍遣歸田里廣平鉅鹿樂成王車騎朴素

無金銀之飾帝以白太后太后即賜錢各五百萬於是內外從化被服如一諸家惶

恐倍於永平時乃置織室蠶於濯龍中前書有東織西織屬少府平帝改名織室數往觀視以為娛樂常

與帝旦夕言道政事及教授諸小王論語經書述敘平生雍和終日四年天下豐稔

方垂無事帝遂封三舅廖防光為列侯並辭讓願就關內侯太后聞之日聖人設教

各有其方知人情性莫能齊也禮記王制曰凡居人材必因地寒暖燥濕廣谷大川異制人居其間異俗脩其教不易其俗齊其政不

易其宜中國戎夷五方之人皆有性也不可推移吾少壯時但慕竹帛志不顧命言少慕古人書名竹帛不顧命之長短今雖

已老而復戒之在得論語孔子曰少之時戒之在色及其老也戒之在得故日夜惕厲

思自降損惕懼也厲危也居不求安食不念飽冀乘此道不負先帝所以化導兄弟共同斯

志欲令瞑目之日無所復恨何意老志復不從哉萬年之日長恨矣廖等不得已受



封爵而退位歸第焉太后其年寢疾不信巫祝小醫數救絕禱祀至六月崩在位二十三年年四十餘合葬顯節陵

賈貴人南陽人建武末選入太子宮中元二年生肅宗而顯宗以為貴人帝既為太

后所養專以馬氏為外家故貴人不登極位賈氏親族無受寵榮者及太后崩乃策

書加貴人王赤綬續漢書曰諸侯王赤綬也安車一駟永巷宮人二百永巷宮中署名也後改為掖庭永巷宮人即宮婢也

御府雜帛二萬匹大司農黃金千斤錢二千萬

### 竇皇后紀

章德竇皇后諱某扶風平陵人大司徒融之曾孫也祖穆父勳坐事死事在竇融傳

勳尚東海恭王彊女泚陽公主后其長女也家既廢壞數呼相工問息耗薛氏韓詩章句曰耗

惡也息耗猶言善惡也見后者皆言當大尊貴非臣妾容貌年六歲能書親家皆奇之建初二

年后與女弟俱以選例入見長樂宮進止有序風容甚盛肅宗先聞后有才色數以

訊諸姬傳訊問也傳謂傳母及見雅以為美馬太后亦異焉因入掖庭見於北宮章德殿后

性敏給傾心承接稱譽日聞明年遂立為皇后妹為貴人七年追爵諡后父勳為安

成思侯安成縣屬汝南郡故城在今豫州吳房縣東南后寵幸殊特專固後宮初宋貴人生皇太子慶梁貴

人生和帝后既無子並疾忌之數間於帝漸至疎嫌因誣宋貴人挾邪媚道遂自殺



廢慶為清河王語在慶傳梁貴人者梁竦之女也少失母為伯母舞陰長公主所養

長公主光武女梁松尚焉年十六建初二年亦與中姊俱選入掖庭為貴人四年生和帝后養為

己子欲專名外家而忌梁氏八年乃作飛書以陷竦飛書若今匿名書也竦坐誅貴人姊妹以

憂卒自是宮房懔息懔懼也音牒周書曰臨捕以威而氣懔懼也后愛日隆及帝崩和帝即位尊后為皇

太后皇太后臨朝尊母泚陽公主為長公主益湯沐邑三千戶兄憲弟篤景並顯貴

擅威權後遂密謀不軌永元四年發覺被誅九年太后崩未及葬而梁貴人姊嬀音一

計反上書陳貴人枉歿之狀太尉張酺司徒劉方司空張奮上奏依光武黜呂太后故

事中元元年黜呂后不宜配食高廟貶太后尊號不宜合葬先帝百官亦多上言者帝手詔曰竇氏

雖不遵法度而太后常自減損朕奉事十年深惟大義禮臣子無貶尊上之文恩不

忍離義不忍虧案前世上官太后亦無降黜上官太后昭帝后也父安與燕王謀反誅太后以年少又霍光外孫故不廢也

其勿復議於是合葬敬陵在位十八年帝以貴人酷歿斂葬禮闕乃改殯於承光宮

上尊諡曰恭懷皇后諡法曰敬事尊上曰恭慈仁哲行曰懷追服喪制百官縞素與姊大貴人俱葬西

陵儀比敬園敬園安帝祖母宋貴人之園也

### 陰皇后紀

和帝陰皇后諱某光烈皇后兄執金吾識之曾孫也后少聰慧善書藝永元四年選

入掖庭以先后近屬故得為貴人有殊寵八年遂立為皇后自和熹鄧后入宮熹音許其

反愛寵稍衰數有恚恨后外祖母鄧朱出入宮掖十四年夏有言后與朱共挾巫蠱

道巫師為蠱故曰巫蠱左傳注曰蠱惑也事發覺帝遂使中常侍張慎與尚書陳褒於掖庭獄雜考案

之朱及二子奉毅與后弟軼輔敞辭語相連及以為祠祭祝詛大逆無道奉毅輔考

死獄中帝使司徒魯恭持節賜后策上璽綬遷于桐宮以憂死立七年葬臨平亭部

葬于亭部內之地也父特進綱自殺軼敞及朱家屬徙日南比景縣宗親內外昆弟皆免官還

田里永初四年鄧太后詔赦陰氏徙者歸故郡還其資財五百餘萬

### 鄧皇后紀

和熹鄧皇后諱綬蔡邕曰諡法有功安人曰熹太傅禹之孫也父訓護羌校尉母陰氏光烈皇后

從弟女也后年五歲太傅夫人愛之自為翦髮夫人年高目冥誤傷后額忍痛不言

左右見者怪而問之后曰非不痛也夫人哀憐為斷髮難傷老人意故忍之耳六歲

能史書史書周宣王太史籀所作大篆十十二通詩論語諸兄每讀經傳輒下意難

問下意猶出氣也志在典籍不問居家之事母常非之曰汝不習女工以供衣服乃更務學

寧當舉博士邪后重違母言書脩婦業暮誦經典家人號曰諸生父訓異之事無大

小輒與詳議永元四年當以選入會訓卒后晝夜號泣終三年不食鹽菜憔悴毀容

親人不識之后嘗夢捫天

捫摸也

蕩蕩正青若有鍾乳狀乃仰嗽飲之以訊諸占夢言

堯夢攀天而上湯夢及天而喏之

喏音是

斯皆聖王之前占吉不可言又相者見后驚

曰此成湯之法也

續漢書曰相者待詔相工蘇文曰此成湯之骨法

家人竊喜而不敢宣后叔父陔言常聞

活千人者子孫有封兄訓為謁者使脩石曰河歲活數千人天道可信家必蒙福初

太傅禹歎曰吾將百萬之衆未嘗妄殺一人其後世必有興者七年后復與諸家子

俱選入宮后長七尺二寸姿顏姝麗

姝美色也詩曰彼姝者子

絕異於衆左右皆驚八年冬入掖

庭為貴人時年十六恭肅小心動有法度承事陰后夙夜戰兢接撫同列常克已以

下之雖宮人隸役皆加恩借帝深嘉焉及后有疾特令后母兄弟入視醫藥不限以

日數后言於帝曰宮禁至重而使外舍人在內省

外舍

上令陛下有幸私之譏下使

賤妾獲不知足之謗上下交損誠不願也帝曰人皆以數入為榮貴人反以為憂深

自抑損誠難及也每有讌會諸姬貴人競自脩整簪珥光采袿裳鮮明

說文簪笄也珥瑱也以玉

充耳釋名曰婦人上服曰珥

而后獨着素裝服無飾其衣有與陰后同色者即時解易若並時進

見則不敢正坐離立行則僂身自卑

離並也禮記曰離坐離立無往參焉

帝每有所問常逡巡後對不

敢先陰后言帝知后勞心曲體歎曰脩德之勞乃如是乎後陰后漸疎每當御見輒

辭以疾時帝數失皇子后憂繼嗣不廣數選進才人以博帝意陰后見后德稱日盛

不知所爲遂造祝詛欲以爲害帝嘗寢病危甚陰后密言我得意不令鄧氏復有遺類后聞乃對左右流涕言曰我竭誠盡心以事皇后竟不爲所祐而當獲罪於天婦

人雖無從死之義然周公身請武王之命武王有疾周公爲之請命於太王王季文王曰若爾三王有不子之責于天以旦代

某之越姬心誓必死之分越姬楚昭王之姬越王句踐女也昭王燕遊越姬從謂姬身也

此姬曰君王樂遊要妾以死不敢聞命後王病有赤雲夾日如飛鳥王問周太史史曰是害王身請移於將相王曰將相於孤猶股肱也不聽姬曰大哉君王之德妾請

從王死矣昔日遊樂是以不敢聽命今君王復禮國入爲君王死何況妾乎妾願先驅狐狸於地下昔日口雖不言心許之矣妾聞信者不負其心遂自殺故曰心誓事

見列女傳也 上以報帝之恩中以解宗族之禍下不令陰氏有人豕之譏高帝愛幸戚夫人居鞠室中名曰人彘也 使 即欲飲藥宮人趙玉者固禁之因詐言屬有使來上疾已

愈后信以爲然乃止明日帝果瘳十四年夏陰后以巫蠱事廢后請救不能得帝便屬意焉后愈稱篤疾深自閉絕會有司奏建長秋宮帝曰皇后之尊與朕同體承宗

廟母天下豈易哉唯鄧貴人德冠後庭乃可當之至冬立爲皇后辭讓者三然後卽位手書表謝深陳德薄不足以充小君之選是時方國貢獻競求珍麗之物自后卽

位悉令禁絕歲時但供紙墨而已帝每欲官爵鄧氏后輒哀請謙讓故兄隲終帝世不過虎賁中郎元興元年帝崩長子平原王有疾而諸皇子天歿前後十數後生者

輒隱祕養於人間殤帝生始百日后乃迎立之尊后爲皇太后太后臨朝和帝葬後

乾隆四年校刊

後漢書卷十一

后已

九

宮人並歸園太后賜周馥貴人策曰朕與貴人託配後庭共歡等列十有餘年不獲

福祐先帝早棄天下孤心煢煢煢煢孤特之貌也詩曰煢煢在疚靡所瞻仰夙夜永懷感愴發中今

當以舊典分歸外園慘結增歎燕燕之詩曷能喻焉詩鄘鄰序曰衛莊姜送歸妾也其詩曰燕燕于飛差池其羽之

子于歸遠送于野瞻望不及泣涕如雨其賜貴人王青蓋車采飾輅驂馬各一駟黃金三十斤雜帛三

千匹白越四千端又賜馮貴人王赤綬以未有步搖環珮加賜各一具周禮王后首服為副所以

副首為飾若今步搖也釋名曰皇后首副其上有垂珠步則搖也是時新遭大憂法禁未設宮中亡大珠一篋太后

念欲考問必有不辜乃親閱宮人觀察顏色卽時首服又和帝幸人吉成御者共枉

吉成以巫蠱事遂下掖庭考訊辭證明白太后以先帝左右待之有恩平日尚無惡

言今反若此不合人情更自呼見實覈果御者所為莫不歎服以為聖明常以鬼神

難徵淫祀無福乃詔有司罷諸祠官不合典禮者又詔赦除建武以來諸犯妖惡及

馬竇家屬所被禁錮者皆復之為平人減太官導官尚方內者服御珍膳靡麗難成

之物漢官儀曰太官主膳蓋也前書音義曰導官主導擇米以供祭祀尚方掌工作刀劍諸物及刻玉為器漢官儀曰內者主帷帳並署名也自非供陵

廟稻梁米不得導擇朝夕一肉飯而已舊太官湯官經用歲且二萬萬經常太后勅

止曰殺省珍費自是裁數千萬及郡國所貢皆減其過半悉斥賣上林鷹犬其蜀漢

卸器九帶佩刀並不復調蜀蜀郡也漢廣漢郡也二郡主作供進之器元帝時貢禹上書蜀廣漢主金銀器各用五百萬是也卸音口以金銀

緣器也 止畫工三十九種又御府尚方織室錦繡冰紈綺縠金銀珠玉犀象瑋瑁彫鏤

翫弄之物皆絕不作離宮別館儲時米糒薪炭悉令省之儲時猶蓄積也糒乾飯也又詔諸園貴

人其宮人有宗室同族若羸老不任使者令園監實覈上名自御北宮增喜觀閱問

之恣其去留即日免遣者五六百人及殤帝崩太后定策立安帝猶臨朝政以連遭

大憂百姓苦役大憂謂和帝殤帝崩殤帝康陵方中祕藏方中陵中也冢藏之中故言祕也及諸工作事事減

約十分居一詔告司隸校尉河南尹南陽太守曰每覽前代外戚賓客假借威權輕

薄認詞言忽遽也認音七洞反詞音洞至有濁亂奉公為人患苦咎在執法怠懈不軌行其罰故也

今車騎將軍隲等雖懷敬順之志而宗門廣大姻戚不少賓客姦猾多干禁憲干犯也

其明加檢勅勿相容護自是親屬犯罪無所假貸太后愍陰氏之罪廢赦其徙者歸

鄉勅還資財五百餘萬永平元年爵號大夫人為新野君萬戶供湯沐邑湯沐者取其賦稅以

供湯沐之具也二年夏京師旱親幸洛陽寺錄冤獄有囚實不殺人而被考自誣羸困輿見

畏吏不敢言將去舉頭若欲自訴太后察視覺之即呼還問狀具得枉實即時收洛

陽令下獄抵罪行未還宮澍雨大降三年秋太后體不安左右憂惶禱請祝辭願得

代命太后聞之即譴怒竊勅掖庭令以下但使謝過祈福不得妄生不祥之言舊事

歲終當饗遣衛士舊事衛士得代歸者上親饗焉前書蓋寬饒傳曰歲盡當代上臨饗罷衛卒是也大讎逐疫禮記月令有大讎旁磔土

乾隆四年校刊



牛以送寒氣鄭玄注云饑陰氣也此月之中日歷虛危有墳墓四星之氣爲厲鬼隨疆陰出以害人故饑却之也 太后以陰陽不和軍旅數

興詔饗會勿設戲作樂減逐疫偃子之半 偃子逐疫之人也音振薛綜注西京賦云偃之言善也善童幼子也續漢書曰大饑

選中黃門子弟年十歲以上十二以下百二十人爲偃子皆赤幘皂製執大靴 悉罷象橐駝之屬豐年復故太后自入宮掖

從曹大家受經書兼天文筭數書省王政夜則誦讀而患其謬誤懼乖典章乃博選

諸儒劉珍等及博士議郎四府掾史五十餘人詣東觀讎校傳記 讎對也 事畢奏御賜

葛布各有差又詔中官近臣於東觀受讀經傳以教授宮人左右習誦朝夕濟濟及

新野君薨太后自侍疾病至乎終盡憂哀毀損事加於常贈以長公主赤綬東園祕

器玉衣繡衾 東園署名屬少府主作凶器故言祕也 又賜布三萬匹錢三十萬隲等遂固讓錢布不受

使司空持節護喪事儀比東海恭王諡曰敬君太后諒闇既終 諒闇居喪之廬也或爲諒陰諒信也陰默

也言居憂信默不言 久旱太后比三日幸洛陽錄囚徒理出死罪三十六人耐罪八十人其餘

減罪死右趾以下至司寇七年正月初入太廟齋七日賜公卿百僚各有差庚戌謁

宗廟率命婦羣妾相禮儀 相助也儀禮曰命夫者男子之爲大夫也命婦者大夫之妻也 與皇帝交獻親薦成禮而

還 周禮宗廟祭之日且王服袞冕而入立於阼后服副禕從王而入王以圭瓚酌鬱鬯以獻尸次后以璋瓚酌鬱鬯以獻尸此謂交獻也卒事凡九獻焉 因下

詔曰凡供薦新味多非其節或鬱養強孰或穿掘萌芽味無所至而夭折生長豈所

以順時育物乎傳曰非其時不食 論語曰不時不食言非其時物則不食之前書召信臣曰不時之物有傷於人不宜以奉供養 自

以順時育物乎傳曰非其時不食



今當奉祠陵廟及給御者皆須時乃上凡所省二十三種自太后臨朝水旱十載四

夷外侵盜賊內起每聞人飢或達旦不寐而躬自減徹以救災院故天下復平歲還

豐穰元初五年平望侯劉毅平望縣屬北海郡今青州北海縣西北平望臺是也一名望海臺也以太后多德政欲令

早有注紀上書安帝曰臣聞易載義農而皇德著易繫辭曰古者庖義氏之王天下仰觀象於天俯觀法於地於是始

畫八卦以通神明之德以類萬物之情庖義氏沒神農氏作斲木為耜書述唐虞而帝

道崇故雖聖明必書功於竹帛流音於管絃竹謂簡冊帛謂縑素黃帝以下六代樂音所以章顯功德是流音於管絃伏惟

皇太后膺大聖之姿體乾坤之德易曰聖人與天地合其德齊蹤虞妃比跡任姒虞妃即舜妻娥皇女英也任文

王母也王母也孝悌慈仁允恭節約杜絕奢盈之源防抑逸欲之兆正位內朝流化四海

易家人卦曰女正位乎內正家而天下定矣禮記曰東夷西戎南蠻北狄謂之四海及元興延平之際國無儲副仰觀乾象參

之人譽援立陛下為天下主永安漢室綏靜四海又遭水潦東州饑荒延平元年安帝初即位六

州大水永初元年稟司隸兖豫徐冀并六州貧人也垂恩元元冠蓋交路菲薄衣食躬率羣下損膳解驂以贍

黎苗廣雅云苗衆也惻隱之恩猶視赤子隱痛也尚書曰若保赤子惟人其康乂也克已引愆顯揚仄陋崇晏晏

之政尚書考靈耀曰文基晏晏敷在寬之教曰五教在寬興滅國繼絕世錄功臣復宗室追還徙

人蠲除禁錮政非惠和不圖於心制非舊典不訪於朝弘德洋溢洋溢言多充塞宇宙洪

澤豐沛漫衍八方華夏樂化戎狄混并丕功著於大漢碩惠加於生人巍巍之業可

聞而不可及蕩蕩之勲可誦而不可名古之帝王左右置史禮記玉藻曰動則左史書之言則右史書之

漢之舊典世有注紀夫道有夷崇治有進退若善政不述細異輒書是為堯湯負洪

水大旱之責而無咸熙假天之美咸皆也熙廣也尚書曰庶績咸熙言堯之朝政衆功皆廣假音格至也尚書曰祐我烈祖格于皇天

言伊尹佐湯功至于天也高宗成王有雉雒迅風之變而無中興康寧之功也高宗殷王

也祖乙之子名武丁當祭成湯有飛雉升鼎耳而雉高宗修德殷道中興成王疑周公乃有雷電大風之變成王改過幾刑措也上考詩書有虞二

妃周室三母尚書曰釐降二女于媯嬪于虞三母謂后稷母姜嫄文王母太任武王母太姒也詩大雅曰厥初生民時維姜嫄又曰太任有身生此文王

又曰太姒嗣徽修行佐德詩云既有烈考亦有文母是佐德也○劉攽曰音則百斯男也注案今詩皆作右字右有音耳不當作有也

闕門限也左傳曰婦人送迎不出門見兄弟不踰闕未有內遭家難外遇災害覽總大麓經營天物麓錄也言大錄萬機

之政書曰納于大麓功德巍巍若茲者也宜令史官著長樂宮注聖德頌以敷宣景

又曰暴殄天物也莫大乎日月攄之罔極以崇陛下烝烝之孝帝從之廣雅曰攄

耀勒勲金石縣之日月舒也孔安國注尚書曰烝烝猶進進也六年太后詔徵和帝弟濟北河間王子男女年五歲以上四十

餘人又鄧氏近親子孫三十餘人並為開邸第倉頡篇曰邸舍也教學經書躬自監試尚幼

者使置師保朝夕入宮撫循詔導恩愛甚渥詔告也乃詔從兄河南尹豹越騎校尉康

等曰吾所以引納羣子置之學官者實以方今承百王之敝時俗淺薄巧偽滋生五

經衰缺不有化導將遂陵遲故欲褒崇聖道以匡失俗傳不云乎飽食終日無所用

心難矣哉論語孔子言也言人終日飽食不措心于道義難矣哉言終無遠大也今末世貴戚食祿之家溫衣美飯乘

堅驅良堅謂好車良謂善馬也墨子曰聖王為衣服之法堅車良馬不知貴也而面牆術學不識臧否尚書曰弗斯故

禍敗所從來也未平中四姓小侯皆令入學小侯解見明紀所以矯俗厲薄反之忠孝先公

既以武功書之竹帛兼以文德教化子孫先公謂鄧禹有子十三人各使守一藝故曰文德也故能束脩不

觸羅網言能自約束脩整也誠令兒曹上述祖考休烈下念詔書本意則足矣其勉之哉康以

太后久臨朝政心懷畏懼託病不朝太后使內人問之時宮婢出入多能有所毀譽

其者宿者皆稱中大人所使者乃康家先婢亦自通中大人康聞詆之曰汝我家出

爾敢爾邪婢怒還說康詐疾而言不遜太后遂免康官遣歸國絕屬籍永寧二年二

月寢病漸篤乃乘輦於前殿見侍中尚書因北至太子新所繕宮還大赦天下賜諸

園貴人王主羣僚錢布各有差詔曰朕以無德託母天下而薄祐不天早離大憂延

平之際海內無主元元危運危於累卵說苑曰晉靈公驕奢造九層之臺國人貧恥功不成令曰左右諫者斬也苟息求見公

曰諫邪息曰不敢臣能累十二博棊加九雞子其上公曰危哉息曰復有危於此者公為九層之臺男女不得耕織社稷一滅君何所望君曰寡人之過乃壞臺焉勤

勤苦心不敢以萬乘為樂上欲不欺天愧先帝下不違人負宿心誠在濟度百姓以

安劉氏自謂感徹天地當蒙福祚而喪禍內外傷痛不絕內外謂新野君薨及和殤二帝崩也頃以廢

病沈滯久不侍祠自力上原陵加款逆唾血遂至不解存亡大分無可奈何公卿百

官其勉盡忠恪以輔朝廷三月崩在位二十年年四十一合葬順陵

論曰鄧后稱制終身號令自出術謝前政之良身闕明辟之義

前政謂周公也辟君也尚書曰朕復子明

辟言周公攝位復還成王今太后不還故曰闕也

至使嗣主側目斂衽於虛器

器謂神器諭帝位也

直生懷慙懸書於

象魏

象魏闕也直生杜根等上書請太后還政

借之儀者殆其惑哉

借猶假也殆近也言太后不還政於安帝近可惑也

然而建光

之後王柄有歸

太后建光之中崩歸政安帝

遂乃名賢戮辱便孽黨進

帝寵用乳母王聖及其女伯榮出入宮掖通傳姦賂

太尉楊震及鄧騭等皆被中官譖誅也

衰斁之來茲焉有徵

斁敗也安帝臨政衰敗逾甚故曰有徵也

故知持權引謗所幸

者非已焦心卹患自強者唯國

言執持朝權以招衆謗者所幸不為己身唯憂國也

是以班母一說闔門辭事

太后兄大將軍騭以母憂上書乞身太

愛姪微愆髡剔謝罪

太后兄騭子鳳受遺事洩騭遂髡妻及鳳以謝

天下語

將杜根逢誅未值其誠乎

誠信也言未為太后所信

但蹊田之牛奪之已甚

左傳申叔時曰牽牛以蹊

人之田而奪之牛牽牛以蹊者信有罪矣而奪之牛罰已重矣此喻杜根上書雖曰有罪太后殺之為過甚也

後漢書卷十上考證

皇后紀上后紀增級十四注此六宮品秩同爲一等○臣良裘按宮當作官舞涓等

皆官名非宮名也

光烈陰皇后紀九年有盜劫殺后母鄧氏及弟訢○臣世駿按三國志注引孫盛曰

按光武紀建武九年盜劫陰貴人母弟吏以不得拘質迫盜盜遂殺之卽此事也

章懷失注孫盛作漢晉陽秋在范史前百年所按光武紀必後漢時班固等所撰

者

尊后爲皇太后○監本脫一皇字從宋本添

明德馬皇后紀歲給二千萬○此句之下一本有諸史並闕後事故不知所終十一

字宋本無

章德竇皇后紀尚東海恭王彊女泚陽公主○何焯校本泚改泚

梁貴人者○此句之下一本有褒親愍侯四字宋本無

和熹鄧皇后紀使修石曰河○何焯曰使修當作罷修

后憂繼嗣不廣○此句之下一本有恒垂涕歎息五字宋本毛本南監本俱無

其賜貴人王青蓋車○王字諸本誤玉臣宗萬按王青蓋車見安帝紀注有明文

後漢書卷十一 考證

後漢書卷十下

宋 宣 城 太 守 范 曄撰

唐 章 懷 太 子 賢注

后紀第十下

安思閻皇后 順烈梁皇后 孝崇偃皇后 懿獻梁皇后

孝桓鄧皇后 桓思竇皇后 孝仁董皇后 孝靈宋皇后

靈思何皇后 獻帝伏皇后 獻穆曹皇后

閻皇后紀

安思閻皇后諱姬諡法曰謀慮不愆曰思河南滎陽人也祖父章永平中為尚書以二妹為貴

人章精力曉舊典久次當遷以重職顯宗為後宮親屬竟不用出為步兵校尉漢官儀曰

比二千石掌宿衛兵屬北軍中候也章生暢暢生后有才色元初元年以選入掖庭甚見寵愛為貴

人二年立為皇后后專房妬忌帝幸宮人李氏生皇子保遂鳩殺李氏鵠毒鳥也食蝮以其羽畫

酒中飲之立死三年以后父侍中暢為長水校尉封北宜春侯北宜春縣屬汝南郡以豫章有宜春故此加北故城在今

豫州汝陽縣西南也食邑五千戶四年暢卒諡曰文侯子顯嗣建光元年鄧太后崩帝始親政

事顯及弟景耀晏並為卿校典禁兵延光元年更封顯長社縣侯長社縣屬潁川郡前書音義曰其社



中樹暴長故名食邑萬三千五百戶追尊后母宗為榮陽君續漢志曰婦人封君儀比公主油健耕車帶綬

以采組為緹帶各如其綬大戴禮曰男八歲而亂女七歲而亂亂毀齒也音初刃反並為黃

門侍郎后寵既盛而兄弟頗與朝權后遂與大長秋江京中常侍樊豐等共譖皇太

子保廢為濟陰王四年春后從帝幸章陵帝道疾崩於葉縣后顯兄弟及江京樊豐

等謀曰今晏駕道次晏晚也臣下不敢斥言濟陰王在內邂逅公卿立之還為大害

乃偽云帝疾甚徙御臥車行四日驅馳還宮明日詐遣司徒劉喜詣郊廟社稷告天

請命其夕乃發喪尊后曰皇太后皇太后臨朝蔡邕獨斷曰少帝即位太后即代攝政臨前殿朝羣臣太后東面少帝西

面羣臣奏事上書皆為兩通一詣后一詣少帝以顯為車騎將軍儀同三司太后欲久專國政貪立幼年與

顯等定策禁中迎濟北惠王子北鄉侯懿惠王名壽章帝子也立為皇帝顯忌大將軍耿寶耿

之弟舒之孫位尊權重威行前朝乃風有司奏寶及其黨與中常侍樊豐虎賁中郎將謝

憚憚弟侍中篤篤弟大將軍長史宓善文曰憚字伯周宓字仲周篤字季周侍中周廣阿母野王君王

聖聖女永永壻黃門侍郎樊嚴等更相阿黨互作威福探刺禁省更為唱和皆大不

道豐憚廣皆下獄死家屬徙比景比景縣名屬日南郡前書音義曰居於頭上景在已下故名之宓嚴減死髡鉗

貶寶為則亭侯遣就國自殺王聖母子徙鴈門於是景為衛尉耀城門校尉晏執金

吾兄弟權要威福自由少帝立二百餘日而疾篤顯兄弟及江京等皆在左右京引

顯屏語曰北鄉侯病不解國嗣宜時有定前不用濟陰王今若立之後必當怨又何不早徵諸王子簡所置乎顯以為然及少帝薨京白太后徵濟北河間王子未至而中黃門孫程合謀殺江京等立濟陰王是為順帝顯景晏及黨與皆伏誅遷太后於離宮家屬徙比景明年太后崩在位十二年合葬恭陵帝母李氏瘞在洛陽城北帝初不知莫敢以聞及太后崩左右白之帝感悟發哀親到瘞所更以禮殯上尊諡曰恭愍皇后葬恭北陵為策書金匱藏于世祖廟在恭陵之北因以為名漢官儀曰置以金匱緘之

### 梁皇后紀

順烈梁皇后諱嬀

益法曰執德尊業曰烈聲類曰嬀嬀娶也音納

大將軍商之女恭懷皇后弟之孫也后生

有光景之祥少善女工好史書九歲能誦論語治韓詩

韓嬰所傳詩也

大義畧舉常以列女

圖畫置於左右以自監戒

劉向撰列女傳八篇圖畫其象

父商深異之竊謂諸弟曰我先人全濟河

西所活者不可勝數

商曾祖統更始二年補中郎將酒泉太守使安集涼州時西河擾亂衆議以統素有威信乃推統與竇融共完全五郡

雖

大位不究而積德必報若慶流子孫者儻與此女乎永建三年與姑俱選入掖庭時

年十三相工茅通見后驚再拜賀曰此所謂日角偃月相之極貴臣所未嘗見也太

史卜兆得壽房又筮得坤之比

易坤卦六五爻變而之比九五象曰顯比之吉位正中也九五居得其位下應於上故吉

遂以為

乾隆四年校刊

後漢書卷十下

后紀

二

貴人常特被引御從容辭於帝曰夫陽以博施為德陰以不專為義螽斯則百福之

所由興也詩國風序曰言后妃若螽斯不妬忌則子孫衆多也詩大雅曰大姒嗣徽音則百斯男也願陛下思雲雨之均澤識貫

魚之次序易曰雲行雨施品物流形剝卦曰貫魚以宮人寵無不利剝坤下艮上五陰而一陽衆陰在下駢頭相次似貫魚也使小妾得免罪

謗之累由是帝加敬焉陽嘉元年春有司奏立長秋宮以乘氏侯商先帝外戚商祖

帝貴人生春秋之義娶先大國公羊傳曰天子娶於紀紀本子爵也梁小貴人宜配

天祚正位坤極正其內位居陰德之極也易曰女正位乎內也帝從之乃於壽安殿立貴人為皇后壽安是

內殿名後既少聰惠深覽前世得失雖以德進不敢有驕專之心每日月見譴禮記云

陽事不得譴見於天日為之食陰事不得譴見於天月為之食輒降服求愆建康元年帝崩后無子美人虞氏子炳

立是為冲帝尊后為皇太后太后臨朝冲帝尋崩復立質帝猶秉朝政時揚徐劇賊

寇擾州郡西羌鮮卑及日南蠻夷攻城暴掠賦斂煩數官民困竭太后夙夜勤勞推

心杖賢委任太尉李固等拔用忠良務崇節儉其貪叨罪慝多見誅廢貪財曰叨分

兵討伐羣寇消夷故海內肅然宗廟以寧而兄大將軍冀鳩殺質帝專權暴濫忌害

忠良數以邪說疑誤太后遂立桓帝而誅李固太后又溺於宦官多所封寵以此天

下失望和平元年春歸政於帝太后寢疾遂篤乃御輦幸宣德殿見宦省官屬及諸

梁兄弟詔曰朕素有心下結氣從間以來加以浮腫逆害飲食寢以沈困寢漸也比使

內外勞心請禱私自忖度日夜虛劣不能復與羣公卿士共相終竟援立聖嗣恨不  
久育養見其終始今以皇帝將軍兄弟委付股肱其各自勉焉後二日而崩在位十  
九年年四十五合葬憲陵

虞美人者以良家子年十三選入掖庭續漢志曰美人父詩為郎中詩父衡屯騎校尉又生女舞陽長公主

自漢興母氏莫不尊寵順帝既未加美人爵號而冲帝早夭大將軍梁冀秉政忌惡

佗族故虞氏抑而不登但稱大家而已陳夫人者家本魏郡少以聲伎入孝王宮得

幸生質帝亦以梁氏故榮寵不及焉熹平四年小黃門趙祐續漢志曰小黃門六百石宦者無員掌侍左右

受尚書事上在內宮關通中外及中宮以下議郎卑整上言風俗通曰卑氏鄭大夫卑謙之後漢有卑躬為

北平太守春秋之義母以子貴公羊傳曰桓公幼而貴隱公長而卑桓何以貴母貴也母貴則子何以貴子以母貴母以子貴隆漢盛典

尊崇母氏凡在外戚莫不加寵今冲帝母虞大家質帝母陳夫人皆誕生聖皇而未

有稱號夫臣子雖賤尚有追贈之典况二母見在不蒙崇顯之次無以述遵先世垂

示後世也帝感其言乃拜虞大家為憲陵貴人陳夫人為渤海孝王妃孝王名鴻章帝子千乘貞

王伉之孫鴻生質帝帝立徙渤海焉使中常侍持節授印綬遣太常以三牲告憲陵懷陵靜陵焉懷陵冲帝

陵靜陵質帝陵

### 愍皇后紀

乾隆四年校刊

後漢書卷六下

三

孝崇匱皇后諱明

匱音

為蠡吾侯翼媵妾

蠡吾侯翼河間王開子和帝孫

生桓帝桓帝即位明年追

尊翼為孝崇皇陵曰博陵以后為博園貴人和平元年梁太后崩乃就博陵尊后為

孝崇皇后遣司徒持節奉策授璽綬齋乘輿器服備法物宮曰永樂置太僕少府以

下皆如長樂宮故事

漢官儀曰帝祖母稱長信宮帝母稱長樂宮故有長信少府長樂少府及職吏皆宦者為之

又置虎賁羽林

衛士起宮室分鉅鹿九縣為后湯沐邑在位三年元嘉二年崩以帝弟平原王石為

喪主

石蠡吾侯翼子桓帝兄

斂以東園畫梓壽器玉匣飯舍之具禮儀制度比恭懷皇后

東園署名

屬少府掌為棺器梓木為棺以漆畫之稱壽器者欲其久長也猶如壽堂壽宮壽陵

飯舍者以

珠玉實口使司徒持節大長秋奉弔祠賻錢四千萬

公羊傳曰貨財曰賻

布四萬匹中謁者僕

射典護喪事侍御史護大駕鹵簿

漢官儀曰天子車駕次第謂之鹵簿有大駕法駕小駕大駕公卿奉引大將軍參乘大僕御屬車八

十一乘備千乘萬騎侍御史在左駕馬詢問

詔安平王豹河間王建渤海王曄

曄音

長社益陽二長公主

長社公主桓帝姊耿弇弟霸玄孫援尚焉益陽公主桓帝妹侍中寇榮從兄子尚焉

與諸國侯三百里內

者及中二千石二千石令長相皆會葬將作大匠復土繕廟合葬博陵

### 梁皇后紀

桓帝懿獻梁皇后諱女瑩

諡法曰溫和聖善曰懿聰明睿智曰獻

順烈皇后之女弟也帝初為蠡吾侯

梁太后徵欲與后為婚未及嘉禮

嘉禮婚禮

會質帝崩因以立帝明年有司奏太后曰春

秋迎王后于紀在塗則稱后

公羊傳曰祭公來逆王后于紀傳曰祭公者何天子之三公其稱王后何王者無外其辭成矣今大將

軍冀女弟膺紹聖善

膺當也紹嗣也聖善謂母也言娶妻當嗣親也詩云母氏聖善

結婚之際有命既集

謂太后先有命許結

親也詩云天監在下有命既集也

宜備禮章時進徵幣

徵成也納幣以成婚

請下三公太常案禮儀奏可於是

悉依孝惠皇帝納后故事聘黃金二萬斤納采鴈璧乘馬束帛一如舊典

漢書舊儀聘皇后黃

金萬斤呂后為惠帝娶魯元公主女故特優其禮也儀禮曰納采用鴈鄭玄注云納其采擇之禮用鴈取順陰陽往來也周禮王者穀圭以聘女鄭玄注云士大夫以上

乃以玄纁束帛天子加以穀圭諸侯加以大璋然禮稱以圭此云用璧形制雖異為玉同也乘馬四匹馬也雜記曰納幣一束束五兩兩五尋然則每端二丈也建

和元年六月始入掖庭八月立為皇后時太后秉政而梁冀專朝故后獨得寵幸自

下莫得進見后藉姊兄廕執恣極奢靡宮幄彫麗服御珍華巧飾制度兼倍前世及

皇太后崩恩愛稍衰后既無子潛懷怨忌每宮人孕育鮮得全者帝雖迫畏梁冀不

敢譴怒然見御轉稀至延熹二年后以憂恚崩在位十三年葬懿陵其歲誅梁冀廢

懿陵為貴人冢焉

### 鄧皇后紀

桓帝鄧皇后諱猛女和熹皇后從兄子鄧香之女也母宣初適香生后改嫁梁紀紀

者大將軍梁冀妻孫壽之舅也后少孤隨母為居因冒姓梁氏冀妻見后貌美永興

中進入掖庭為采女絕幸

采擇也以因采擇而立名

明年封兄鄧演為南頓侯位特進演卒子康

乾隆四年校刊

後漢書卷十下

三記

四



嗣及懿獻后崩梁冀誅立后爲皇后帝惡梁氏改姓爲薄封后母宣爲長安君四年有司奏后本郎中鄧香之女不宜改易它姓於是復爲鄧氏追封贈香車騎將軍安陽侯印綬更封宣康大縣宣爲昆陽君康爲泚陽侯賞賜巨萬計巨大也大萬謂萬萬也宣卒

賁中郎將又封統弟秉爲清陽侯宗族皆列校郎將帝多內幸博採宮女至五六千人及驅役從使復兼倍於此而后恃尊驕忌與帝所幸郭貴人更相譖訴八年詔廢后送暴室以憂死漢官儀曰暴室在掖庭內丞一人主宮中婦人疾病者其皇后貴人有罪亦就此室也立七年葬於北邙從父河南尹萬世及會皆下獄死統等亦繫暴室免官爵歸本郡財物没入縣官

### 竇皇后紀

桓思竇皇后諱妙章德皇后從祖弟之孫女也延熹八年鄧皇后廢后以選入掖庭爲貴人其冬立爲皇后而御見甚稀帝所寵唯采女田聖等永康元年冬帝寢疾遂以聖等九女皆爲貴人及崩無嗣后爲皇太后太后臨朝定策立解犢亭侯宏是爲靈帝太后素忌忍積怒田聖等桓帝梓宮尙在前殿遂殺田聖又欲盡誅諸貴人中常侍管霸蘇康苦諫乃止時太后父大將軍武謀誅宦官而中常侍曹節等矯詔殺武遷太后於南宮雲臺家屬徙比景竇氏雖誅帝猶以太后有援立之功建寧四年



十月朔率羣臣朝于南宮親饋上壽黃門令董萌漢官儀曰黃門令秩六百石因此數爲太后訴

怨帝深納之供養資奉有加於前中常侍曹節王甫疾萌附助太后誣以謗訕永樂

宮靈帝母所居也訕謗毀也萌坐下獄死熹平元年太后母卒於比景后感疾而崩立七年合葬

宣陵

董皇后紀

孝仁董皇后諱某河間人爲解犢亭侯萇夫人萇河間孝王開孫淑之子也生靈帝建寧元年帝

卽位追尊萇爲孝仁皇陵曰慎陵以后爲慎園貴人及竇氏誅明年帝使中常侍迎

貴人并徵貴人兄寵到京師上尊號曰孝仁皇后居南宮嘉德殿嘉德殿在九龍門內宮稱永

樂拜寵執金吾後坐矯稱永樂后屬請下獄死及竇太后崩始與朝政使帝賣官求

貨自納金錢盈滿堂室中平五年以后兄子衛尉修侯重修今德州縣也故城在縣南修今作修音修爲

驃騎將軍領兵千餘人初后自養皇子協數勸帝立爲太子而何皇后恨之議未及

定而帝崩何太后臨朝重與太后兄大將軍進權執相害后每欲叅干政事太后輒

相禁塞后忿恚詈言曰汝今斬張怙汝兄耶斬張猶彊梁也當勅驃騎斷何進頭來何太后

聞以告進進與三公及弟車騎將軍苗等奏孝仁皇后使故中常侍夏惲永樂太僕

封誥等交通州郡漢官儀曰永樂太僕用中人爲之辜較在所珍寶貨賂悉入西省辜較解見靈紀西省卽謂永樂

乾隆四年校刊

宮之蕃后故事不得留京師蕃后謂平帝母衛姬時王莽攝政恐其專權后不得留在京師故云故事也興服有章膳羞

有品請永樂后遷宮本國奏可何進遂舉兵圍驃騎府收重重免官自殺后憂怖疾

病暴崩在位二十二年民間歸咎何氏喪還河間合葬慎陵

宋皇后紀

靈帝宋皇后諱某扶風平陵人也肅宗宋貴人之從曾孫也劉攽曰案宋貴人安得有從曾孫姓宋者當

是漏一父字建寧三年選入掖庭為貴人明年立為皇后父酆執金吾封不其鄉侯不其縣屬

琅邪郡故城在今萊州卽墨縣西南蓋其縣之鄉也其音基決錄注酆字伯遇后無寵而居正位後宮幸姬眾共譖毀初中

常侍王甫枉誅勃海王惺及妃宋氏熹平元年王甫譖惺與中常侍鄭璠交通欲迎立惺惺自殺妃死獄中也妃即后之

姑也甫恐后怨之乃與太中大夫程阿共構言皇后挾左道祝詛禮記曰執左道以亂眾殺無赦鄭玄

注云左道若巫蠱也帝信之光和元年遂策收璽綬后自致暴室以憂死在位八年父及兄弟

並被誅諸常侍小黃門在省闔者皆憐宋氏無辜共合錢物收葬廢后及酆父子歸

宋氏舊塋臯門亭詩云迺立臯門注云王之郭門曰臯門漢官儀曰十二門皆有亭帝後夢見桓帝怒曰宋皇后有

何罪過而聽用邪孽使絕其命勃海王惺既已自貶又受誅斃今宋氏及惺自訴於

天上帝震怒上帝天也震動也書曰帝乃震怒也罪在難救夢殊明察帝既覺而恐以事問於羽林左

監許永續漢志曰羽林左監一人秩六百石主羽林左騎右亦如之永或作詠曰此何祥其可禳乎禳謂除也永對曰宋皇

后親與陛下共承宗廟母臨萬國歷年已久海内蒙化過惡無聞而虛聽讒妬之說以致無辜之罪身嬰極誅禍及家族天下臣妾咸爲怨痛勃海王惺桓帝母弟也處

國奉藩未嘗有過陛下曾不證審遂伏其辜昔晉侯失刑亦夢大厲被髮屬地左傳曰晉

侯夢大厲被髮及地搏膺而踊曰殺余孫不義余得請于帝矣杜預注曰厲鬼趙氏之先祖也晉侯先殺趙同趙括故怒也天道明察鬼神難誣

宜并改葬以安冤魂反宋后之徙家復勃海之先封以消厥咎帝弗能用尋亦崩焉

### 何皇后紀

靈思何皇后諱某南陽宛人家本屠者以選入掖庭風俗通曰漢以八月筭人后家以金帛賂遺主者以求入也

長七尺一寸生皇子辯養於史道人家號曰史侯道人謂道術之人也獻帝春秋曰靈帝數失子不敢正名養道人史

子眇家號曰史侯拜后爲貴人甚有寵幸性彊忌後宮莫不震懾光和三年立爲皇后明年

追號后父真爲車騎將軍舞陽宣德侯因封后母興爲舞陽君時王美人任娠左傳曰邑

姜方娠杜預注曰懷胎爲娠音之及反一音身畏后乃服藥欲除之而胎安不動又數夢負日而行四年生

皇子協后遂酖殺美人帝大怒欲廢后諸宦官固請得止董太后自養協號曰董侯

王美人趙國人也祖父苞五官中郎將美人豐姿色聰敏有才明能書會計會計謂總會其

數而筭以良家子應法相選入掖庭帝愍協早失母又思美人作追德賦令儀頌中平

六年帝崩皇子辯卽位尊后爲皇太后太后臨朝后兄大將軍進欲誅宦官反爲所

害舞陽君亦爲亂兵所殺并州牧董卓被徵將兵入洛陽陵虐朝廷遂廢少帝爲弘

農王而立協是爲獻帝扶弘農王下殿北面稱臣太后鯁涕羣臣含悲莫敢言董卓

又議太后踈迫永樂宮至令憂死逆婦姑之禮乃遷於永安宮因進酖弑而崩在位

十年董卓令帝出奉常亭舉哀華延雋洛陽記曰城內有奉常亭公卿皆白衣會不成喪也有凶事素服而

朝謂之白衣會左傳曰不書葬不成喪合葬文昭陵初太后新立當謁二祖廟欲齋輒有變故如此者

數竟不克時有識之士心獨怪之後遂因何氏傾沒漢祚焉明年山東義兵大起討

董卓之亂卓乃置弘農王於閣上使郎中令李儒進酖曰服此藥可以辟惡王曰我

無疾是欲殺我耳不肯飲強飲之不得已乃與妻唐姬及宮人飲讌別酒行王悲歌

曰天道易兮我何艱棄萬乘兮退守蕃逆臣見迫兮命不延逝將去汝兮適幽玄因

令唐姬起舞姬抗袖而歌抗舉曰皇天崩兮后土頽史記周烈王崩周人謂齊威王曰天崩地坼也身爲帝

兮命天摧死生路異兮從此乖奈我莞獨兮心中哀因泣下嗚咽坐者皆獻欷王謂

姬曰卿王者妃執不復爲吏民妻自愛從此長辭遂飲藥而死時年十八唐姬頴川

人也王薨歸鄉里父會稽太守瑁欲嫁之姬誓不許及李傕破長安遣兵鈔關東畧

得姬傕因欲妻之固不聽而終不自名不自名少帝之姬也袁宏紀曰爲傕所畧不敢自言尚書賈詡知之魏志

日詡字文和武威姑臧人少時漢陽聞忠見而異之曰詡有良平之才以狀白獻帝帝聞感愴乃下詔迎姬置園中使

侍中持節拜為弘農王妃初平元年二月葬弘農王於故中常侍趙忠成壙中趙忠元有

成壙因而葬焉諡曰懷王帝求母王美人兄斌斌將妻子詣長安賜第宅田業拜奉車都尉

興平元年帝加元服有司奏立長秋宮詔曰朕稟受不弘遭值禍亂未能紹先以光

故典皇母前薨未卜宅兆禮章有闕中心如結詩云心如結兮三歲之感蓋不言吉且須其

後於是有司乃奏追尊王美人為靈懷皇后改葬文昭陵儀比敬恭二陵敬章帝陵恭安帝陵

使光祿大夫持節行司空事奉璽綬斌與河南尹駱業復土斌還遷執金吾封都亭

侯凡言都亭者並城內亭也漢法大縣侯位視三公小縣侯位視上卿鄉亭侯視中二千石也食邑五百石病卒贈前將軍印綬

謁者監護喪事長子端襲爵

### 伏皇后紀

獻帝伏皇后諱壽琅邪東武人東武今密州諸城縣大司徒湛之八世孫也父完沈深有

大度襲爵不其侯尚桓帝女陽安公主陽安縣屬汝南郡故城在今豫州朗山縣東北為侍中初平元年從大駕

西遷長安后時入掖庭為貴人興平二年立為皇后完遷執金吾帝尋而東歸李傕

郭汜等追敗乘輿於曹陽帝乃潛夜度河走度所在今陝州陝縣北水經曰銅六宮翁仲所沒處是獻帝東遷潛度所

皆步行出營周禮曰王后率六宮之人鄭玄注曰六宮之人夫人以下分居后之六宮者后手持縑數匹董承使符節令

孫徽以刃脅奪之殺傍侍者血濺后衣濺音子見反既至安邑御服穿敝唯以棗栗為糧

建安元年拜完輔國將軍儀比三司完以政在曹操自嫌尊威乃上印綬拜中散大

夫尋遷屯騎校尉十四年卒子典嗣自帝都許守位而已宿衛兵侍莫非曹氏黨舊

姻戚議郎趙彥嘗為帝陳言時策曹操惡而殺之其餘內外多見誅戮操後以事入

見殿中帝不任其憤因曰君若能相輔則厚不爾幸垂恩相捨操失色俛仰求出舊

儀三公領兵朝見令虎賁執刃挾之操出顧左右汗流浹背決微也音自後不敢復

朝請董承女為貴人操誅承而求貴人殺之帝以貴人有妾說文曰妾孕也音仁蔭反累為請不

能得后自是懷懼乃與父完書言曹操殘逼之狀令密圖之完不敢發至十九年事

乃露泄操追大怒遂逼帝廢后假為策曰皇后壽得由卑賤登顯尊極自處椒房漢

儀曰皇后稱椒房取其蕃實之義也詩云椒聊之實蕃衍盈升二紀于茲既無任姒徽音之美太任文王母太姒武

姒嗣又乏謹身養己之福左傳曰人受天地之中以生謂之命而陰懷妬害苞藏禍

心弗可以承天命奉祖宗今使御史大夫郗慮持節策詔其上皇后璽綬蔡邕獨斷曰皇后赤

綬玉璽續漢志曰乘輿黃赤綬四綵黃赤纁紺淳黃圭綬長二丈九尺九寸五百首太皇太后皇太后其綬皆與乘輿同退避中宮遷于它館鳴

呼傷哉自壽取之未致于理為幸多焉又以尚書令華歆為郗慮副魏志曰華歆字

人代荀彧為尚書令慮勤兵入宮收后閉戶藏壁中劉放曰案歆就牽后出時帝

字鴻預山陽高平人在外殿引慮於坐后被髮徒跣行泣過訣曰不能復相活邪帝曰我亦不知命在何



時顧謂慮曰紉公天下寧有是邪遂將后下暴室以幽崩所生二皇子皆酖殺之后在位二十年兄弟及宗族死者百餘人母盈等十九人徙涿郡

### 曹皇后紀

獻穆曹皇后諱節諡法曰布德執義曰穆魏公曹操之中女也建安十八年操進三女憲節華

為夫人聘以束帛玄纁五萬匹小者待年於國留住於國以待年長十九年並拜為貴人及伏

皇后被弑明年立節為皇后魏受禪遣使求璽綬后怒不與如此數輩后乃呼使者

入親數讓之以璽綬抵軒下抵擲也軒關校也因涕泣橫流曰天不祚爾左右皆莫能仰視

后在位七年魏氏既立以后為山陽公夫人自後四十一年魏景初元年薨合葬禪

陵車服禮儀皆依漢制

論曰漢世皇后無諡皆因帝諡以為稱雖呂氏專政上官臨制亦無殊號上官昭帝后也中

興明帝始建光烈之稱其後並以德為配至於賢愚優劣混同一貫故馬竇二后俱

稱德焉其餘唯帝之庶母及蕃王承統以追尊之重特為其號如恭懷孝崇之比是

也初平中蔡邕始追正和熹之諡蔡邕集諡議曰漢世母氏無諡至于明帝始建光烈之稱是後轉因帝號加之以德上下優劣混而

為一違禮大行受大名小行受小名之制諡法有功安人曰熹帝后一體禮亦宜同大行皇太后諡宜為和熹其安思順烈以下皆依而加

焉

乾隆四年校刊

後漢書卷十下

后紀

八



贊曰坤惟厚載陰正乎內易曰坤厚載物又曰女正位乎內男正位乎外詩美好逖逖匹也詩云窈窕淑女君子好逖言后妃有關

雖之德為易稱歸妹兌下震上歸妹卦也婦人謂嫁曰歸妹為少女之稱兌為少陰震為長陽少陰而承長陽悅以動之歸妹之象也以六五與九

二相應五為王侯故易言帝乙歸妹祁祁皇嬪言觀貞淑祁祁衆多也嬪亦儷也觀示也言諸后皆示其貞淑配皇為儷案字書無嬪字相傳音麗

蕭該音離媚茲良哲承我天祿班政蘭闈宣禮椒屋班固西都賦曰後宮則掖庭椒房后如之室蘭林蕙草披香發越蘭林殿

名故言蘭闈椒屋即椒房也既云德升亦曰幸進德升謂馬鄧等也幸進謂閭何之類也身當隆極族漸河潤公羊傳曰

千里也注云地之所以得無疆視景爭暉方山並峻乘剛多阻行地必順易屯卦象曰六二之難乘剛也又坤卦曰牝馬地類行地無疆王弼

者以卑順行之故也注云地之所以得無疆咎集驕滿福協貞信慶延自已禍成誰釁

漢制皇女皆封縣公主儀服同列侯漢法大縣侯視三公其尊崇者加號長公主儀服同蕃王

蔡邕曰帝女曰公主姊妹曰長公主建武十五年封武陽公主為長公主即是帝女尊崇亦為長非惟姊妹也輿服志曰長公主赤罽輶車與諸侯同綬也諸王

女皆封鄉亭公主儀服同鄉亭侯鄉亭侯視中二千石肅宗唯特封東平憲王蒼琅邪孝王京

女為縣公主東平王傳曰封蒼女五人為縣公主孝王女傳不見其數其後安帝桓帝妹亦封長公主同之皇女

案鄧禹玄孫少府襲尚舞陰長公主耿弇曾孫侍中良尚漢陽公主岑彭玄孫魏郡守熙尚涅陽長公主來歙玄孫虎賁中郎將定尚平氏長公主並安帝妹也長社益

陽公主桓帝其皇女封公主者所生之子襲母封為列侯馮定獲嘉公主子襲封獲嘉侯馮奮平陽公主子襲

封平陽侯此其類也皆傳國於後鄉亭之封則不傳襲其職僚品秩事在百官志沈約謝儼傳曰范曄所撰

十志一皆託儼搜撰垂畢遇曄敗悉蠟以覆車宋文帝令丹陽尹徐湛之就儼尋求已不復得一代以為恨其志今闕續漢志曰諸公主家令一人六百石丞一人三百

石其餘屬吏增減無常漢官儀曰長公主傳一人私府長一人食官一人永巷長一人家令一人秩皆六百石各有員吏而鄉公主傳一人秩六百石僕一人六百石家丞一人三百石不足別載故附于后紀末

皇女義王建武十五年封舞陽長公主適延陵鄉侯太僕梁松舞陽縣屬潁川郡松梁統之子其傳云尚

光武女舞陰公主又鄧訓傳舞陰公主子梁扈有罪訓與交通此云舞陽誤也松坐誹謗誅

皇女中禮十五年封涅陽公主適顯親侯大鴻臚竇固涅陽屬南陽郡顯親縣屬漢陽郡固竇融子肅宗

尊為長公主

皇女紅夫十五年封館陶公主適駙馬都尉韓光光坐與淮陽王延謀反誅

皇女禮劉十七年封涇陽公主適陽安侯長樂少府郭璜璜郭况子也璜坐與竇憲謀反

誅

皇女綬綬一作緩二十一年封酈邑公主適新陽侯世子陰豐豐害主誅死酈縣屬南陽郡音擲亦反

新陽縣屬汝南郡豐陰就子

世祖五女

皇女姬永平二年封獲嘉長公主適楊邑侯將作大匠馮柱獲嘉縣屬河內郡楊邑縣屬太原郡柱馮魴子

皇女奴三年封平陽公主平陽縣屬河東郡適大鴻臚馮順順勃子也

皇女迎迎或作延三年封隆慮公主隆慮縣屬河內郡適牟平侯耿襲牟平縣屬東萊郡襲耿弇弟舒之子

乾隆四年校刊

後漢書卷十下 帝紀

九

皇女次三年封平氏公主平氏縣屬南陽郡既不言所適不顯始終蓋史闕之也它皆倣此

皇女致三年封沁水公主沁水縣屬河內郡適高密侯鄧乾乾鄧震之子禹之孫

皇女小姬十二年封平臯公主平臯縣屬河內郡適昌安侯侍中鄧蕃昌安縣屬高密國蕃鄧襲子禹之孫也

皇女仲十七年封浚儀公主適軼侯軼志作軼音伏師古曰又音徒系反黃門侍郎王度軼縣屬江夏郡度王符子

霸之孫

皇女惠十七年封武安公主適征羌侯世子黃門侍郎來稜征羌縣屬汝南郡稜襄之子歛之孫安帝

尊為長公主

皇女臣建初元年封魯陽公主魯陽縣屬南陽郡

皇女小迎元年封樂平公主樂平太清縣屬東郡章帝更名

皇女小民元年封成安公主成安縣屬潁川郡

顯宗十一女

皇女男建初四年封武德長公主

皇女王四年封平邑公主平邑縣屬代郡今魏郡昌樂東北又有平邑城適黃門侍郎馮由

皇女吉永元五年封陰安公主陰安縣屬魏郡

肅宗三女

皇女保延平元年封修武長公主修武縣屬河內郡

皇女成元年封共邑公主共縣屬河內郡

皇女利元年封臨潁公主潁川郡適卽墨侯侍中賈建卽墨縣屬膠東國建賈參子復之曾孫

皇女興元年封聞喜公主聞喜縣屬河東郡

和帝四女

皇女生永和三年封舞陽長公主

皇女成男三年封冠軍長公主冠軍縣屬南陽郡

皇女廣永和六年封汝陽長公主汝陽縣屬汝南郡

順帝三女

皇女華延熹元年封陽安長公主適不其侯輔國將軍伏完完伏湛五世孫

皇女堅七年封潁陰長公主潁陰縣屬潁川郡

皇女修九年封陽翟長公主

桓帝三女

皇女某光和三年封萬年公主

靈帝一女

乾隆四年校刊

後漢書卷十六

后已

十



後漢書卷十下考證

皇后紀下安思閻皇后紀家屬徙比景注景在已下○景字上監本多一日字從如

淳原注減

桓思竇皇后紀章德皇后從祖弟之孫女也○此句下監本有父諱武三字注臣會

汾按下文有太后父大將軍武句此處不復須注且后父亦不當言諱也明是後

人添入今從宋本刪

孝仁董皇后紀王美人者趙國人也○臣良裘按后紀序曰同居正號者並列於篇

私恩追尊者隨事附出此紀例也卷內自賈貴人以下皆應附各紀之末不應另

傳此必非范氏之舊

獻穆曹皇后紀皇女奴適大鴻臚馮順注順勤子也○監本誤作馮勛子也從宋本

改

皇女華適不其侯輔國將軍伏完注完伏湛五世孫○何焯曰以伏后紀及湛傳參

校五世誤當作七世

後漢書卷十下考證



律曆志第一

律曆志

律準 候氣

古之人論數也曰物生而後有象象而後有滋滋而後有數然則天地初形人物既

著則算數之事生矣記稱大橈作甲子

呂氏春秋曰黃帝師大橈博物記曰容成氏造曆黃帝臣也月令章句大橈探五行之情

占斗綱所建於是始作甲乙以名日謂之幹 作子丑以名日謂之枝枝幹相配以成六旬

練首作數博物記曰練首黃帝之二者臣一說練首善算者也

既立以比日表

表即晷景

以管萬事夫一十百千萬所用同也律度量衡曆其別用也故

體有長短檢以度

說苑曰以粟生之十粟為一分十分為一寸十寸為一尺十尺為一丈

物有多少受以量

說苑曰千二百粟為

一籥十籥為一合十合為一升十升為一斗十斗為一斛

量有輕重平以權衡

說苑曰十粟重一圭十圭重一銖二十四銖重一兩十六兩重一斤

三十斤重一鈞四鈞重一石

聲有清濁協以律呂三光運行紀以曆數然後幽隱之情精微之變

可得而綜也

前志曰夫推曆生律制器規圓矩方權重衡平準繩嘉量探贖索隱鉤深致遠莫不用焉度長短者不失毫釐量多少者不失圭撮權輕重者

不失黍累紀於一協於十長於百大於千廣於萬

漢興北平侯張蒼首治律曆孝武正樂置協律之官至元

始中博徵通知鍾律者考其意義羲和劉歆典領條奏前史班固取以為志而元帝

時郎中京房房字君明知五聲之音六律之數上使太子太傅韋玄成字少翁諫議

大夫章雜試問房於樂府房對受學故小黃令焦延壽六十律相生之法以上生下

皆三生二以下生上皆三生四陽下生陰陰上生陽終於中呂而十二律畢矣中呂

上生執始執始下生去滅上下相生終於南事六十律畢矣夫十二律之變至於六

十猶八卦之變至於六十四也宓犧作易紀陽氣之初以為律法建日冬至之聲以

黃鍾為宮太簇為商姑洗為角林鍾為徵南呂為羽應鍾為變宮蕤賓為變徵月令

日以姑洗為角南呂為羽則微濁也此聲氣之元五音之正也故各終一日其餘以次運行當日者各

自為宮而商徵以類從焉月令章句曰律率也聲之管也上古聖人本陰陽別風聲

二月之聲然後以效升降之氣鍾難分別乃截竹為管禮運篇曰五聲六律十二管

還相為宮此之謂也鄭立曰宮數八十一黃鍾長九寸九九八十一也三分宮去一

商商數七十二太簇長八寸八九七十二也三分商去一生羽羽數四十八南呂長

五寸三分寸之一五九四十五又三分寸之一為四十八也三分羽益一生角角數

六十四姑洗長七寸九分寸之一七九六十三又九分寸之一為六十四也三分以

角去一生變宮三分變宮益一生變徵自此已後則隨月而變所謂還相為宮

六十律分朞之日黃鍾自冬至始及冬至而復陰陽寒燠風雨之占生焉於以檢攝

羣音考其高下苟非草木之聲則無不有所合虞書曰律和聲此之謂也房又曰竹

聲不可以度調故作準以定數準之狀如瑟長丈而十三弦隱間九尺以應黃鍾之

律九寸中央一弦下有畫分寸以為六十律清濁之節房言律詳於歆所奏其術施

行於史官候部用之文多不悉載故總其本要以續前志律術曰陽以圓爲形其性動陰以方爲節其性靜動者數三靜者數二以陽生陰倍之以陰生陽四之皆三一陽生陰曰下生陰生陽曰上生上生不得過黃鍾之清濁下生不得及黃鍾之數實皆參天兩地圓蓋方覆六耦承奇之道也黃鍾律呂之首而生十二律者也前書曰黃帝使伶倫自大夏之西崑崙之陰取竹之解谷生其竅厚均者斷兩節間而吹之以爲黃鍾之管制十二箛以聽鳳之鳴其雄鳴爲六雌鳴亦六比黃鍾之音而皆可以生之是爲律本至治之世天地之氣合以生風天地之風氣正十二律乃定其相生也皆三分而損益之是故十二律之

得十七萬七千一百四十七是爲黃鍾之實

前書曰太極元氣函三爲一極中也元始也行於十二辰始動於子參之於丑

得三又參之於寅得九又參之於卯得二十七又參之於辰得八十一又參之於巳得二百四十三又參之於午得七百二十九又參之於未得三千一百八十七又參之於申得六千五百六十一又參之於酉得萬九千六百八十三又參之於戌得五萬九千四十九又參之於亥得十七萬七千一百四十七此陰陽合德氣鍾於子化生萬物者也故滋萌於子紐牙於丑引達於寅冒芽於卯振美於辰已盛於巳罅布於午味蹶於未甲堅於申留孰於酉畢入於戌該闕於亥出甲於甲奮軋於乙明炳於丙大成於丁豐茂於戊理紀於巳斂更於庚悉新於辛懷在於壬陳揆於癸故陰陽之施化萬物之終始既類旅於律呂又經歷於日辰而變化之情則可見矣又

以二乘而三約之是爲下生林鍾之實又以四乘而三約之是爲上生太簇之實推此上下以定六十律之實以九三之數萬九千六百八十三爲法律爲寸於準爲尺不盈者十之所得爲分又不盈十之所得爲小分以其餘正其強弱

黃鍾十七萬七千一百四十七

乾隆四年校刊

後漢書卷十一

律曆志

二

下生林鍾黃鍾爲宮太簇商林鍾徵

一日律九寸

準九尺

色育十七萬六千七百七十六

下生謙待色育爲宮未知商謙待徵

六日律八寸九分小分八微強

準八尺九寸萬五千九百七十三

執始十七萬四千七百六十二

下生去滅執始爲宮時息商去滅徵

六日律八寸八分小分七大強

準八尺八寸萬五千五百一十六

丙盛十七萬二千四百一十

下生安度丙盛爲宮屈齊商安度徵

六日律八寸七分小分六微弱

準八尺七寸萬一千六百七十九

分動十七萬八十九

下生歸嘉分動爲宮隨期商歸嘉徵

六日律八寸六分小分四強

準八尺六寸八千一百五十二

質未十六萬七千八百

下生否與質未爲宮形晉商否與徵

六日律八寸五分小分二強

準八尺五寸四千九百四十五

大呂十六萬五千八百八十八

下生夷則大呂爲宮夾鍾商夷則徵

八日律八寸四分小分三弱

準八尺四寸五千五百八

分否十六萬三千六百五十四

下生解形分否爲宮開時商解形徵

八日律八寸三分小分一強

後漢書卷二十一  
律曆志  
三  
準八尺三寸二千八百五十一

凌陰十六萬一千四百五十二

下生去南凌陰爲宮族嘉商去南徵

八日律八寸二分小分一弱

準八尺二寸五百一十四

少出十五萬九千二百八十

下生分積少出爲宮爭南商分積徵

六日律八寸小分九強

準八尺萬八千一百六十

太簇十五萬七千四百六十四

下生南呂太簇爲宮姑洗商南呂徵

一日律八寸

準八尺

未知十五萬七千一百三十四

下生白呂未知爲宮南授商白呂徵

六日律七寸九分小分八強

準七尺九寸萬六千三百八十三

時息十五萬五千三百四十四

下生結躬時息爲宮變虞商結躬徵

六日律七寸八分小分九少強

準七尺八寸萬八千一百六十六

屈齊十五萬三千二百五十三

下生歸期屈齊爲宮路時商歸期徵

六日律七寸七分小分九弱

準七尺七寸萬六千九百三十九

隨期十五萬一千一百九十

下生未卯隨期爲宮形始商未卯徵

六日律七寸六分小分八強

準七尺六寸萬五千九百九十二

形晉十四萬九千一百五十五



下生夷汗形晉爲宮依行商夷汗徵

六日律七寸五分小分八弱

準七尺五寸萬五千三百二十五

夾鍾十四萬七千四百五十六

下生無射夾鍾爲宮中呂商無射徵

六日律七寸四分小分九強

準七尺四寸萬八千一十八

開時十四萬五千四百七十

下生閉掩開時爲宮南中商閉掩徵

八日律七寸三分小分九微弱

準七尺三寸萬七千八百四十一

族嘉十四萬三千五百一十三

下生鄰齊族嘉爲宮內負商鄰齊徵

八日律七寸二分小分九微強

準七尺二寸萬七千九百五十四

爭南十四萬一千五百八十二

下生期保爭南爲宮物應商期保徵

八日律七寸一分小分九強

準七尺一寸萬八千三百二十七

姑洗十三萬九千九百六十八

下生應鍾姑洗爲宮蕤賓商應鍾徵

一日律七寸一分小分一微強

準七尺一寸二千一百八十七

南授十三萬九千六百七十

下生分烏南授爲宮南事商分烏徵

六日律七寸小分九大強

準七尺萬八千九百三十

變虞十三萬八千八十四

下生遲內變虞爲宮盛變商遲內徵

六日律七寸小分一半強

乾隆四年校刊

後漢書卷十一

律曆志

五

準七尺三千三十

路時十三萬六千二百二十五

下生未育路時爲宮離宮商未育徵

六日律六寸九分小分二微強

準六尺九寸四千一百二十三

形始十三萬四千三百九十二

下生遲時形始爲宮制時商遲時徵

五日律六寸八分小分三弱

準六尺八寸五千四百七十六

依行十三萬二千五百八十二

上生色育依行爲宮謙待商色育徵

七日律六寸七分小分三大強

準六尺七寸七千五十九

中呂十三萬一千七十二

上生執始中呂爲宮去減商執始徵

八日律六寸六分小分六弱

準六尺六寸萬一千六百四十二

南中十二萬九千三百八

上生丙盛南中爲宮安度商丙盛徵

七日律六寸五分小分七微弱

準六尺五寸萬三千六百八十五

內負十二萬七千五百六十七

上生分動內負爲宮歸嘉商分動徵

八日律六寸四分小分八強

準六尺四寸萬五千九百五十八

物應十二萬五千八百五十

上生質未物應爲宮否與商質未徵

七日律六寸三分小分九強

準六尺三寸萬八千四百七十一

蕤賓十二萬四千四百一十六

上生大呂蕤賓爲宮夷則商大呂徵

一日律六寸三分小分二微強

準六尺三寸四千一百三十一

南事十二萬四千一百五十四

下生南事窮無商徵不爲宮

七日律六寸三分小分一弱

準六尺三寸一千五百三十一

盛變十二萬二千七百四十一

上生分否盛變爲宮解形商分否徵

七日律六寸二分小分三大強

準六尺二寸七千六十四

離宮十二萬一千八百一十九

上生凌陰離宮爲宮去南商凌陰徵

七日律六寸一分小分五微強

準六尺一寸萬二百二十七

制時十一萬九千四百六十

上生少出制時爲宮分積商少出徵

八日律六寸小分七弱

準六尺萬三千六百二十

林鍾十一萬八千九十八

上生太簇林鍾爲宮南呂商大簇徵

一日律六寸

準六尺

謙待十一萬七千八百五十一

上生未知謙待爲宮白呂商未知徵

五日律五寸九分小分九弱

準五尺九寸萬七千二百一十三

去滅十一萬六千五百八

上生時息去滅爲宮結躬商時息徵

七日律五寸九分小分二弱

準五尺九寸三千七百八十三

安度十一萬四千九百四十

上生屈齊安度爲宮歸期商屈齊徵

六日律五寸八分小分四弱

準五尺八寸七千七百八十六

歸嘉十一萬三千三百九十三

上生隨期歸嘉爲宮未卯商隨期徵

六日律五寸七分小分六微強

準五尺七寸萬一千九百九十九

否與十一萬一千八百六十七

上生形晉否與爲宮夷汗商形晉徵

五日律五寸六分小分八強

準五尺六寸萬六千四百二十二

夷則十一萬五百九十二

上生夾鍾夷則爲宮無射商夾鍾徵



八日律五寸六分小分二弱

準五尺六寸三千六百七十二

解形十一萬九千一百三

上生開時解形爲宮閉掩商開時徵

八日律五寸五分小分四強

準五尺五寸八千四百六十五

去南十萬七千六百三十五

上生族嘉去南爲宮鄰齊商族嘉徵

八日律五寸四分小分六大強

準五尺四寸萬三千四百六十八

分積十萬六千一百八十八

上生爭南分積爲宮期保商爭南徵

七日律五寸三分小分九半強

準五尺三寸萬八千六百八十一

南呂十萬四千九百七十六

上生姑洗南呂爲宮應鍾商姑洗徵

一日律五寸三分小分三強

準五尺三寸六千五百六十一

白呂十萬四千七百五十六

上生南授白呂爲宮分烏商南授徵

五日律五寸三分小分二強

準五尺三寸四千三百七十一

結躬十萬三千五百六十三

上生變虞結躬爲宮遲內商變虞徵

六日律五寸二分小分六少強

準五尺二寸萬二千一百一十四

歸期十萬二千一百六十九

上生路時歸期爲宮未育商路時徵

六日律五寸一分小分九微強

準五尺一寸萬七千八百五十七

未卯十萬七百九十四

上生形始未卯爲宮遲時商形始徵

六日律五寸一分小分二微強

準五尺一寸四千八十七

夷汗九萬九千四百三十七

上生依行夷汗爲宮色育商依行徵

七日律五寸小分五強

準五尺萬二百二十

無射九萬八千三百四

上生中呂無射爲宮執始商中呂徵

八日律四寸九分小分九強

準四尺九寸萬八千五百七十三

閉掩九萬六千九百八十

上生南中閉掩爲宮丙盛商南中徵

八日律四寸九分小分三弱

準四尺九寸五千三百三十三

鄰齊九萬五千六百七十五

上生內負鄰齊爲宮分動商內負徵

七日律四寸八分小分六微強

準四尺八寸萬一千九百六十六

期保九萬四千三百八十八

上生物應期保爲宮質未商物應徵

八日律四寸七分小分九微強

準四尺七寸萬八千七百七十九

應鍾九萬三千三百一十二

上生蕤賓應鍾爲宮大呂商蕤賓徵

一日律四寸七分小分四微強

準四尺七寸八千十九

分鳥九萬三千一百一十七

上生南事分鳥窮次無徵不爲宮

七日律四寸七分小分三微強

準四尺七寸六分五十九

遲丙九萬二千五十六

上生盛變遲丙為宮分否商盛變徵

八日律四寸六分小分八弱

準四尺六寸萬五千一百四十二

未育九萬八百一十七

上生離宮未育為宮凌陰商離宮徵

八日律四寸六分小分一少強

準四尺六寸二千七百五十二

遲時八萬九千五百九十五

上生制時遲時為宮少出商制時徵

六日律四寸五分小分五強

準四尺五寸萬二百一十五

截管為律吹以考聲列以物氣道之本也

前書注曰章帝時零陵文學奚景於冷術道縣舜祠下得白玉珩古以玉為珩

家以其聲微而體難知其分數不明故作準以代之準之聲明暢易達分寸又粗然  
 茲以緩急清濁非管無以正也均其中弦令與黃鍾相得案畫以求諸律無不如數  
 而應者矣音聲精微綜之者解元和元年待詔候鍾律殷彤上言官無曉六十律以  
 準調音者故待詔嚴崇具以準法教子男宣宣通習願召宣補學官主調樂器詔曰  
 崇子學審曉律別其族協其聲者審試不得依託父學以導為聰聲微妙獨非莫知  
 獨是莫曉以律錯吹能知命十二律不失一乃為能傳崇學耳太史丞弘試十二律  
 其二中其四不中其六不知何律宣遂罷自此律家莫能為準施弦候部莫知復見  
 薛瑩書曰上以太常樂丞鮑鄴等上樂事下車騎將軍馬防防奏言建初二年七月  
 鄴上言王者飲食必道須四時五味故有食舉之樂所以順天地養神明求福應也  
 移風易俗莫善於樂樂者天地之和不可久廢今官樂但有太簇皆不應月律可作  
 十二月均各應其月氣乃能感天地和氣宜應明帝始令靈臺六律候而未設其門  
 樂經曰十二月行之所以宣氣豐物也月閏斗建之門而奏歌其律誠宜施行願與  
 待詔嚴崇及能作樂器者共作治考工給所當詔下太常太常上言作樂器直錢百  
 四十六萬請太僕作成上奏寢今明詔下臣防臣輒問鄴及待詔知音律者皆言聖  
 人作樂所以宣氣致和順陰陽也臣愚以為可順上天之明待因歲首令正發太簇  
 之律奏雅頌之音以立太平以迎和熹平六年東觀召與律者太子舍人張光等問  
 氣其條貫甚備詔書以防言下三公  
 準意光等不知歸閱舊藏乃得其器形制如房書猶不能定其弦緩急音不可書以  
 時人知之者欲教而無從心達者體知而無師故史官能辨清濁者遂絕其可以相  
 傳者唯大推常數及候氣而已夫五音生於陰陽分為十二律轉生六十皆所以紀

斗氣效物類也天效以景地效以響卽律也陰陽和則景至律氣應則灰除是故天子常以日冬夏至御前殿合八能之士陳八音聽樂均度晷景候鍾律權土灰放陰陽冬至陽氣應則樂均清景長極黃鍾通土灰輕而衡仰夏至陰氣應則樂均濁景短極蕤賓通土灰重而衡低淮南子曰水勝故夏至濕火勝故冬至燥燥故灰輕濕故灰重進退於先後五日之中八能各以候狀聞太史封上效則和否則占易緯曰冬至人主不出宮寢兵從樂五日擊黃鍾之磬公卿大夫列士之意得則陰陽之晷如度數夏至之日如冬至之禮冬至之日樹八尺之表日中視其晷如度者其歲美人民和順晷不如度者則歲惡人民多譎言政令爲之不平晷進則水晷退則早進一尺則日食退一尺則月食月食則正臣下之行日食則正人主之道候氣之法爲室三重戶閉塗墾必周密布緹縵室中以木爲案每律各一內庫外高從其方位加律其上以葭莩灰抑其內端葭莩出河內案曆而候之氣至者灰動其爲氣所動者其灰散人及風所動者其灰聚殿中候用玉律十二惟二至乃候靈臺用竹律六十候日如其曆月令章句曰古之爲鍾律者以耳齊其聲後不能則假數以正其度度數正則音亦正矣鍾以斤兩尺寸中所容受升斗之數爲法律亦以寸分長短爲度故曰黃鍾之管長九寸徑三分圍九分其餘皆補短雖大小圍數無增減以度量者可以文載口傳與衆共知然不如耳決之明也



後漢書卷十一

後漢書卷十一考證

律歷志上律度量衡歷其別用也○監本作其同用也依宋本改。

上使太子太傅韋玄成字少翁○臣召南按文不當有字少翁三字

後漢書卷十一 考證

梁

剡

合

劉

昭補并注

律曆志第二

律曆中

賈逵論曆  
漢安論曆

永元論曆  
熹平論曆

延光論曆  
論月食



自太初元年始用三統曆施行百有餘年曆稱後天朔先曆朔或在晦月見考其行日有退無進月有進無退建武八年中太僕朱浮太中大夫許淑等數上書言曆不正宜當改更時分度覺差尚微上以天下初定未遑考正至永平五年官曆署七月十六日食待詔楊岑見時月食多先曆即縮用算上為日上言月當十五日食官曆不中詔書令岑普與官課起七月盡十一月弦望凡五官曆皆失岑皆中庚寅詔令岑署弦望月食官復令待詔張盛景防鮑鄴等以四分法與岑課歲餘盛等所中多岑六事十二年十一月丙子詔書令盛防代岑署弦望月食加時四分之術始頗施行是時盛防等未能分明曆元綜校分度故但用其弦望而已先是九年太史待詔董萌上言曆不正事下三公太常知曆者雜議訖十年四月無能分明據者至元和二年太初失天益遠日月宿度相覺浸多而候者皆知冬至之日日在斗二十一度未至牽牛五度而以為牽牛中星從天四分日之三晦朔弦望差天一日宿差五度

章帝知其謬錯以問史官雖知不合而不能易故召治曆編訢李梵等綜校其狀

蔡邕

議云梵清河人

二月甲寅遂下詔曰朕聞古先聖王先天而天不違後天而奉天時河圖曰

赤九會昌十世以光十一以興又曰九名之世帝行德封刻政朕以不德奉承大業

夙夜祇畏不敢荒寧子末小子託在於數終曷以續典崇弘祖宗拯濟元元尙書璇

璣鈴曰述堯世放唐文帝命驗曰堯考德顧期立象且三五步驟優劣殊軌況乎頑

陋無以克堪雖欲從之末由也已每見圖書中心慙焉問者以來政治不得陰陽不

和災異不息癘疫之氣流傷於牛農本不措夫庶徵休咎五事之應咸在朕躬信有

闕矣將何以補之書曰惟先假王正厥事又曰歲二月東巡狩至岱宗柴望秩于山

川遂覲東后叶時月正日祖堯岱宗同律度量考在璣衡以正曆象庶乎有益春秋

保乾圖曰三百年斗曆改憲史官用太初鄧平術有餘分一在三百年之域行度轉

差浸以謬錯璇璣不正文象不稽冬至之日日在斗二十二度而曆以爲牽牛中星

先立春一日則四分數之立春日也以折獄斷大刑於氣已迂用望平和曆時之義

蓋亦遠矣今改行四分以遵於堯以順孔聖奉天之文冀百君子越有民同心敬授

獲咸喜以明予祖之遺功於是四分施行而訢梵猶以爲元首十一月當先大欲以

合耦弦聖命有常日而十九歲不得七閏晦朔失實行之未期章帝復發聖思考之

經讖使左中郎將賈逵問治曆者衛承李崇太尉屬梁鮪司徒嚴勗太子舍人徐震  
鉅鹿公乘蘇統及訢梵等十人以為月當先小據春秋經書朔不書晦者朔必有明  
晦不朔必在其月也即先大則一月再朔後月無朔是明不可必梵等以為當先大  
無文正驗取欲諧耦十六日月朧昏晦當滅而已又晦與合同時不得異日又上知  
訢梵穴見勅毋拘曆已班天元始起之月當小定後年曆數遂正永元中復令史官  
以九道法候弦朧驗無有差跌逵論集狀後之議者用得折衷故詳錄焉

逵論曰太初曆冬至日在牽牛初者牽牛中星也古黃帝夏殷周魯冬至日在建星  
建星即今斗星也太初曆斗二十六度三百八十五分牽牛八度案行事史官注冬  
夏至日常不及太初曆五度冬至日在斗二十一度四分度之一石氏星經曰黃道  
規牽牛初直斗二十度去極二十五度於赤道斗二十一度也四分法與行事候注  
天度相應尙書考靈曜斗二十二度無餘分冬至在牽牛所起又編訢等據今日所  
在牽牛中星五度於斗二十一度四分一與考靈曜相近即以明事元和二年八月  
詔書曰石不可離令兩候上得算多者太史令玄等候元和二年至永元元年五歲  
中課日行及冬夏至斗一十一度四分一合古曆建星考靈曜日所起其星間距度  
皆如石氏故事他術以為冬至日在牽牛初者自此遂黜也逵論曰以太初曆考漢

元盡太初元年日朔二十三事其十七得朔四得晦二得二日新曆七得朔十四得  
晦二得三日以太初曆考太初元年盡更始二年二十四事十得晦以新曆十六得  
朔七得二日一得晦以太初曆考建武元年盡永元元年二十三事五得朔十八得  
晦以新曆十七得朔三日晦三得二日又以新曆上考春秋中有日朔者二十四事  
失不中者二十三事天道參差不齊必有餘餘又有長短不可以等齊治曆者方以  
七十六歲斷之則餘分稍長稍得一曰故易金火相革之卦象曰君子以治曆明時  
又曰湯武革命順乎天應乎人言聖人必曆象日月星辰明數不可貫數千萬歲其  
間必改更先距求度數取合日月星辰所在而已故求度數取合日月星辰有異世  
之術太初曆不能下通於今新曆不能上得漢元一家曆法必在三百年之間故識  
文曰三百年斗曆改憲漢興當用太初而不改下至太初元年百二歲乃改故其前  
有先晦一日合朔下至成哀以二日爲朔故合朔多在晦此其明效也達論曰臣前  
上傅安等用黃道度日月弦望多近史官一以赤道度之不與日月同於今曆弦望  
至差一日以上輒奏以爲變至以爲日却縮退行於黃道日得行度不爲變願請太  
史官日月宿簿及星度課與待詔星象考校奏可臣謹案前對言冬至日去極一百  
一十五度夏至日去極六十七度春秋分日去極九十一度洪範日月之行則有冬



夏五紀論日月循黃道南至牽牛北至東井率日行一度月行十三度十九分度七也今史官一以赤道爲度不與日月行同其斗牽牛輿鬼赤道得十五而黃道得十三度半行東壁奎婁軫角亢赤道十度黃道八度或月行多而日月相去反少謂之日却案黃道值牽牛出赤道南二十五度其直東井輿鬼出赤道北五度赤道者爲中天去極俱九十度非日月道而以遙準度日月失其實行故也以今太史官候注考元和二年九月已來月行牽牛東井四十九事無行十一度者行婁角三十七事無行十五六度者如安言問典星待詔姚崇并畢等十二人皆曰星圖有規法日月實從黃道官無其器不知施行案甘露二年大司農中丞耿壽昌奏以圖儀度日月行考驗天運狀日月行至牽牛東井日過度月行十五度至婁角日行一度月行十三度赤道使然此前世所共知也如言黃道有驗合天日無前却弦望不差一日比用赤道密近宜施用上中多臣校案達論永元四年也至十五年七月甲辰詔書造太史黃道銅儀以角爲十三度九十氏十六房五心五尾十八箕十斗二十四四分度之一牽牛七須女十一虛十危十六營室十八東壁十奎十七婁十二胃十五昂十二畢十六觜三參八東井三十輿鬼四柳十四星七張十七翼十九軫十八凡三百六十五度四分度之一冬至日在斗十九度四分度之一史官以郭日月行參

弦望雖密近而不為注日儀黃道與度轉運難以候是以少循其事達論曰又今史  
 官推合朔弦望月食加時率多不中在於不知月行遲疾意永平中詔書令故太史  
 待詔張隆以四分法署弦望月食加時隆言能用易九六七八支知月行多少今案  
 隆所署多失臣使隆逆推前手所署不應或異日不中天乃益遠至十餘度梵統以  
 史官候注考校月行當有遲疾不必在牽牛東井婁角之間又非所謂朏側匿乃由  
 月所在道有遠近出入所生率一月移故所疾處三度九歲九道一復凡九章百七  
 十一歲復十一月合朔旦冬至合春秋三統九道終數可以知合朔弦望月食加時  
 據官注天度為分率以其術法上考建武以來月食凡三十八事差密近有益宣課  
 試上案史官舊有九道術廢而不修熹平中故治曆郎梁國宗整上九道術詔書下  
 太史以參舊術相應部太子舍人馮恂課校恂亦復作九道術增損其分與整術並  
 校差為近太史令颺上以恂術參弦望然而加時猶復先後天遠則十餘度杜預長曆日書  
 稱莽三百六旬有六日以閏月定四時成歲允釐百工庶績咸熙是以天子必置日  
 官諸侯必置日御世修其業以考其術舉全數而言故曰六日其實五日四分之一  
 日日行一度而月日行十三度十九分度之有畸日官當會集此之遲疾以考成晦  
 朔錯綜以設閏月閏月無中氣而北斗邪指兩辰之間所以異於他月也積此以相  
 通四時入節無違乃得成歲其微密至矣得其精微以合天道事敘而不悖故傳曰  
 閏以正時時以作事以厚生生民之道於是乎在然陰陽之運隨動而差差而不  
 已遂與曆錯故仲尼丘明每於朔間發文蓋矯正得失因以宣明曆數也桓十七年  
 日食得朔而史闕其日單書朔僖十五年日食而史闕朔與日故傳因其得失並起

時史之謬兼以明其餘日食或曆失其正也莊二十五年經書六月辛未朔日有食之鼓用牲于社周之六月夏之四月所謂正陽之月也而時曆誤實是七月之朔非六月故傳云非常也唯正月之朔應未作日有食之於是乎有用幣于社伐鼓於朝此非用幣伐鼓常月因變而起曆誤也文十五年經文皆同而更復發傳曰非禮明前傳欲以審正陽之月後傳發例欲以明諸侯之禮也此乃聖賢之微旨先儒所未喻也昭十七年夏六月日有食之而平子言非正陽之月以誣一朝近於指鹿為馬故傳曰不君矣且因以明此月為得天正也劉子駿造三統曆以修春秋春秋曰食有甲乙者三十四而三統曆唯一食曆術比諸家既最疎又六千餘歲輒益一日凡歲當累日為次而無故益之此不可行之甚者班固前代名儒而謂之最密非徒班固也自古以來諸論春秋者多述謬誤或造家術或用黃帝以來諸曆以推經傳朔日皆不得諧合日食於朔此乃天驗經傳又書其朔食可謂得天而劉賈諸儒說皆以為月二日或三日公違聖人明文其蔽在於守一元不與天消息也余感春秋之事嘗著曆論極言曆之通理其大指曰天行不息日月星辰各運其舍皆動物也物動則不一雖行度大量可得而限累日為月以新故相序不得有毫毛之差此自然理也故春秋日有頻月而食者曠年不食者理不得一而算守恒數故曆無不有差失也始失於毫毛而向未可覺積而成多以失弦望朔晦則不得不改憲以從之書所謂欽若昊天曆象日月星辰易所謂治曆明時言當順天以求合非為合以驗天者也推此論之春秋二百餘年其治曆變通多矣雖數術絕滅還尋經傳微旨大量可知時之違謬則經傳有驗學者固當曲循經傳月日之食以考朔晦也以推時驗而皆不然各據其學以推春秋此無異度己之跡而欲削他人之足也余為曆論之後至咸寧中善算李修夏顯依論體為術名乾度曆表上朝廷其術合日行四分之數而微增月行用三百歲改憲之意二元相推七十餘歲承以強弱強弱之差蓋少而適足以遠通盈縮時尚書及史官以乾度與太史曆參校古今記注乾度曆殊勝今其術具存時又并考古今十曆以驗春秋知三統曆之最疎也今具列其時得失之數又據經傳微旨證據及失問旨考日辰朔晦以相發明為經傳長曆諸經傳證據及失問時文字謬誤皆甄發之雖未必其得天蓋春秋當時之曆也學者覽焉

永元十四年待詔太史霍融上言官漏刻率九日增減一刻不與天相應或時差至

乾隆四年校刊

後漢書卷十二

律曆志

四

二刻半不如夏曆密詔書下太常令史官與融以儀校天課度遠近太史令舒承梵等對案官所施漏法令甲第六常符漏品孝宣皇帝三年十二月乙酉下建武十年二月壬午詔書施行漏刻以日長短爲數率日南北二度四分而增減一刻一氣俱十五日日去極各有多少今官漏率九日移一刻不隨日進退夏曆漏隨日南北爲長短密近於官漏分明可施行其年十一月甲寅詔曰告司徒司空漏所以節時分定昏明昏明長短起於日去極遠近日道周不可以計率分當據儀度下參晷景今官漏以計率分昏明九日增減一刻違失其實至爲疏數以耦法太史待詔霍融上言不與天相應太常史官運儀下水官漏失天者至三刻以晷景爲刻少所違失密近有驗今下晷景漏刻四十八箭立成斧官府當用者計吏到班子四十八箭文多故魁取二十四氣目所在并黃道去極晷景漏刻昏明中星刻于下昔太初曆之興也發謀於元封啓定於天鳳積百三十年是非乃審及用四分亦於建武施於元和訖於永元七十餘年然後儀式備立司候有準天事幽微若此其難也中興以來圖讖漏泄而考靈曜命曆序皆有甲寅元其所起在四分庚申元後百一十四歲朔差却二日學士修之於草澤信向以爲得正及太初曆以後大爲疾而修之者云百四十四歲而太歲超一表百七十一歲當棄朔餘六十三中餘千一百九十七乃可常

行自太初元年至永平十一年百七十一當去分而不去故令益有疏闕此二家常挾其術庶幾施行每有訟者百寮會議羣儒騁思論之有方益於多闕識之故詳錄焉

安帝延光二年中謁者亶誦言當用甲寅元河南梁豐言當復用太初尙書郎張衡周典皆能曆數難誦豐或不對或言失誤衡與參案儀注者考往校今以爲九道法最密詔書下公卿詳議太尉愷等上侍中施延等議太初過天日一度弦朞失正月以晦見西方食不與天相應元和改從四分四分雖密於大初復不正皆不可用甲寅元與天相應合圖識可施行博士黃廣大行令任僉議如九道河南尹祉太子舍人李弘等四十人議卽用甲寅元當除元命苞天地開闢獲麟中百一十四歲推閏月六直其日或朔晦弦朞二十四氣宿度不相應者非一用九道爲朔月有比三大二小皆疏遠元和變曆以應保乾圖三百歲斗曆改憲之文四分曆本起圖識最得其正不宜易愷等八十四人議宜從太初尙書令忠上奏諸從太初者皆無他效驗徒以世宗攘夷廓境享國久長爲辭或云孝章改四分災異率甚未有善應臣伏惟聖王興起各異正朔以通三統漢祖受命因秦之紀十月爲年首閏常在歲後不稽先代違於帝典太宗遵修三階以平黃龍以至刑犴以錯五者以備

洪範庶徵日雨日暘日燠日寒

日風五者來哀平之際同承太初而妖孽累仍痾禍非一議者不以成數相參考真備各以其敎求實而汎采妄說歸福太初致咎四分太初曆衆賢所立是非已定永平不審復革其弦望四分有謬不可施行元和鳳鳥不當應曆而翔集遠嘉前造則喪其休近譏後改則隱其福漏見曲論未可爲是臣輒復重難衡輿以爲五紀論推步行度當時比諸術爲近然猶未稽於古及向子歆欲以合春秋橫斷年數損夏益周考之表紀差謬數百兩曆相課六千一百五十六歲而太初多一日冬至日直斗而云在牽牛迂闊不可復用昭然如此史官所共見非獨衡輿前以爲九道密近今議者以爲有關及甲寅元復多違失皆未可取正昔仲尼順假馬之名以崇君之義况天之曆數不可可疑從虛以非易是上納其言遂改曆事

順帝漢安二年尙書侍郎邊韶上言世微於數虧道盛於得常數虧則物衰得常則國昌孝武皇帝攄發聖思因元封七年十一月甲子朔旦冬至乃詔太史令司馬遷治曆鄧平等更建太初改元易朔行夏之正乾鑿度八十分之四十三爲日法設清臺之候驗六異課效脩密太初爲最其後劉歆研幾極深驗之春秋參以易道以河圖帝覽嬉雜書乾曜度推廣九道百七十一歲進退六十三分百四十四歲一超次與天相應少有闕謬從太初至永平十一年百七十歲進退餘分六十三治曆者不



知處之推得十二度弦壘不效挾廢術者得竄其說至永和二年小終之數寢過餘分稍增月不用晦朔而先見孝章皇帝以保乾圖三百年斗曆改憲就用四分以太白復樞甲子爲癸亥引天從算耦之目前更以庚申爲元旣無明文託之於獲麟之歲又不與感精符單闕之歲同史官相代因成習疑少能鉤深致遠案弦壘足以知之詔書下三公百官雜議太史令虞恭治曆宗訢等議建曆之本必先立元元正然後定日法法定然後度周天以定分至三者有程則曆可成也四分曆仲紀之元起於孝文皇帝後元三年歲在庚辰上四十五歲歲在乙未則漢興元年也又上二百七十五歲歲在庚申則孔子獲麟二百七十六萬歲尋之上行復得庚申歲歲相承從下尋上其執不誤此四分曆元明文圖讖所著也太初元年歲在丁丑上極其元當在庚戌而曰丙子言百四十四歲超一辰凡九百九十三超歲有空行八十二周有奇乃得丙子案歲所超於天元十一月甲子朔旦冬至日月俱超日行一度積三百六十五度四分度一而周天一匝名曰歲歲從一辰日不得空周天則歲無由超辰案百七十歲二部一章小餘六十三自然之數也夫數出於抄召以成毫釐毫釐積累以成分寸兩儀旣定日月始離初行生分積分成度日行一度一歲而周故爲術者各生度法或以九百四十或以八十一法有細猶以生兩科其歸一也日法者



日之所行分也日垂令明行有常節日法所該通遠無已損益毫釐差以千里自此言之數無緣得有虧棄之意也今欲飾平之失斷法垂分恐傷大道以步日月行度終數不同四章更不得朔餘一雖言九道去課進退恐不足以補其闕且課曆之法晦朔變茲以月食天驗昭著莫大焉今以去六十三分之法為曆驗章和元年以來日變二十事

案五行志章和元年訖漢安二年日變二十三事古今注又長

月食二十八事與四分曆更失定課相除四分尚得多而又便近孝章皇帝曆度審正圖儀晷漏與天相應不可復尚文曜鈞曰高辛受命重黎說文唐堯即位羲和立禪夏后制德昆吾列神成周改號長弘分官運斗樞曰常占有經世史所明洪範五紀論曰民間亦有黃帝諸曆不如史官記之明也自古及今聖帝明王莫不取言於羲和常占之官定精微於晷儀正衆疑祕藏中書改行四分之原及光武皇帝數下詔書草創其端孝明皇帝課校其實孝章皇帝宣行其法君更三聖年歷數十信而徵之舉而行之其元則上統開闢其數則復古四分宜如甲寅詔書故事奏可

靈帝熹平四年五官郎中馮光沛相上計掾陳晃言曆元不正故妖民叛寇益州盜賊相續為曆用甲寅為元而用庚申圖緯無以庚為元者近秦所用代周之元太史治曆郎中郭香劉固意造妄說乞與本庚申元經緯有明受虛欺重誅乙卯詔書下

三府與儒林明道者詳議務得道真以羣臣會司徒府議蔡邕集載三月九日百官會府公殿下東南校尉南

面侍中蔡邕將大夫千石六百石重行北面議郎博士西面戶曹令史當坐議郎蔡邕

中而讀詔書公議蔡邕前坐侍中西北近公卿與光晃相難問是非焉議郎蔡邕

命論曰顓頊曆術曰天元正月己巳朔旦立春俱以日百有二歲孝武皇帝始改正

朔曆用太初元用丁丑行之百八十九歲孝章皇帝改從四分元用庚申今光晃各

以庚申為非甲寅為是案曆法黃帝顓頊夏殷周魯凡六家各自有元光晃所據則

殷曆元也他元雖不明於圖讖各家術皆當有效於其當時黃帝始用太初丁丑之

元有六家紛錯爭訟是非太史令張壽王挾甲寅元以非漢曆雜候清臺課在下第

卒以疏闊連見劾奏太初效驗無所漏失是則雖非圖讖之元而有效於前者也及

用四分以來考之行度密於太初是又新元效於今者也延光元年中謁者竄誦亦

非四分庚申上言當用命曆序甲寅元公卿百寮參議正處竟不施行且三光之行

遲速進退不必若一術家以算追而求之取合於當時而已故有古今之術今之不

能上通於古亦猶古術之不能下通於今也元命苞乾鑿度皆以為開闢至獲麟二

百七十六萬歲及命曆序積獲麟至漢起庚子部之二十三歲竟已酉戊子及丁卯

部六十九歲合為二百七十五歲漢元年歲在乙未上至獲麟則歲在庚申推此以

乾隆四年校刊

上上極開闢則不在庚申讖雖無文其數見存而光晃以爲開闢至獲麟二百七十五萬九千八百八十六歲獲麟至漢百六十二歲轉差少一百一十四歲云當滿足則上違乾鑿度元命苞中使獲麟不得在哀公十四年下不及命曆序獲麟漢相去四部年數與奏記譜注不相應當今曆正月癸亥朔光晃以爲乙丑朔乙丑之與癸亥無題勒欸識可與衆共別者須以弦望晦朔光魄虧滿可得而見者考其符驗而光晃曆以考靈曜二十八宿度數及冬至日所在與今史官甘石舊文錯異不可考校以今渾天圖儀檢天文亦不合於考靈曜光晃誠能自依其術更造望儀以追天度遠有驗於圖書近有效於三光可以易奪甘石窮服諸術者實宜用之難問光晃但言圖讖所言不服元和二年二月甲寅制書曰朕聞占先聖王先天而天不違後天而奉天時史官用太初鄧平術冬至之日日在斗二十二度而曆以爲牽牛中星先立春一日則四分數之立春也而以折獄斷大刑於氣已迭用望平和蓋亦遠矣今改行四分以遵於堯以順孔聖奉天之文是始用四分曆庚申元之詔也深引河洛圖讖以爲符驗非史官私意獨所興構而光晃以爲固意造妄說違反經文謬之甚者昔堯命羲和曆象日月星辰舜叶時月正日湯武革命治曆明時可謂正矣且猶遇水遭旱戒以蠻夷猾夏寇賊姦宄而光晃以爲陰陽不和姦臣盜賊皆元之咎

誠非其理元和二年乃用庚申至今九十二歲而光晃言秦所用代周之元不知從秦來漢三易元不常庚申光晃區區信用所學亦妄虛無造欺語之愆至於改朔易元往者壽王之術已課不效直誦之議不用元和詔書文備義著非羣臣議者所能變易太尉耽司徒隗司空訓以邕議劾光晃不敬正鬼薪法詔書勿治罪

臣昭曰不有君子其

能國乎觀蔡邕之議可以言天機矣賢明在朝弘益遠哉公卿結正足懲淺妄之徒詔書勿治亦深盍各之致

太初曆推月食多失四分因太初法以河平癸巳爲元施行五年永元元年天以七月後閏食術以八月其十二年正月十二日蒙公乘宗紺上書言今月十六日月當食而曆以二月至期如紺言太史令巡上紺有益官用除待詔甲辰詔書以紺法署施行五十六歲至本初元年天以十二月食曆以後年正月於是始差到熹平三年二十九年之中先曆食者十六事常山長史劉洪上作七曜術甲辰詔屬太史部郎中劉固舍人馮恂等課效後作八元術固等作月食術並已相參固術與七曜術同月食所失皆以歲在己未當食四月恂術以三月官曆以五月太史上課到時施行中者丁巳詔書報可其四年紺孫誠上書言受紺法術當復改今年十二月當食而官曆以後年正月到期如言拜誠爲舍人丙申詔書聽行誠法光和二年歲在己未三月五月皆陰太史令修部舍人張恂等推計行度以爲三月近四月遠誠以四月

奏廢誠術施用恂術其三年誠兄整前後上書言去年三月不食當以四月史官廢誠正術用恂不正術整所上五屬太史太史主者終不自言三月近四月遠食當以見爲正無遠近詔書下太常其詳案注記平議術之要效驗虛實太常就軌上選侍中韓說博士蔡較穀城門候劉洪右郎中陳調於太常府覆校注記平議難問恂誠各對恂術以五千六百四十日有九百六十一食爲法而除成分空加縣法推建武以來俱得三百二十七食其十五食錯案其官素注天見食九十八與兩術相應其錯辟二千一百誠術以百三十五月二十三食爲法乘除成月從建康以上減四十一建康以來減三十五以其俱不食恂術改易舊法誠術中復減損論其長短無以相踰各引書緯自證文無義要取追天而已夫日月之術日循黃道月從九道以赤道儀曰冬至去極俱一百一十五度其入宿也赤道在斗二十一而黃道在斗十九兩儀相參日月之行曲直有差以生進退故月行井牛十四度以上其在角婁十二度以上皆不應率不行以是言之則術不差不改不驗不用天道精微度數難定術法多端曆紀非一未驗無以知其是未差無以知其失失然後改之是然後用之此謂允執其中今誠術未有差錯之謬恂術未有獨中之異以無驗改未失是以檢將來爲是者也誠術百二十五月有二十三食其文在書籍學者所修施行日久官守

其業經緯日月厚而未愆信於天文述而不作恂久在候部詳心善意能揆儀度定立術數推前校往亦與見食相應然協曆正紀欽若昊天宜率舊章如甲辰丙申詔書以見食爲比今宜施用誠術棄放恂術史官課之後有效驗乃行其法以審術數以順改易耽以說等議奏聞詔書可恂整誠各復上書恂言不當施誠術整言不當復棄恂術爲洪議所侵事下永安臺覆實皆不如恂誠等言劾奏謾欺詔書報恂誠各以二月奉贖罪整輸作左校二月遂用洪等施行誠術光和二萬年公乘王漢上月食注自章和元年到今年凡九十三歲合百九十六食與官曆河平元年月錯以己巳爲元事下太史令修上言漢所作注不與見食相應者二事以同爲異者二十九事尙書召穀城門候劉洪勅曰前郎中馮光司徒掾陳晁各訟曆故議郎蔡邕共補續其志今洪其詣修與漢相參推元謂分考校月食審己巳元密近有師法洪便從漢受不能對洪上言推元漢己巳元則考靈曜旃蒙之歲乙卯元也與光晁甲寅元相經緯於以追天作曆校三光之步今爲疏濶孔子緯一事見二端者明曆興廢隨天爲節甲寅曆於孔子時效己巳顓頊秦所施用漢興草創因而不易至元封中迂濶不審更用太初應期三百改憲之節甲寅己巳讖雖有文略其年數是以學人各傳所聞至於課校罔得厥正夫甲寅元天正正月甲子朔旦冬至七曜之起始

於牛初乙卯之元人正己巳朔旦立春三光聚天廟五度課兩元端閏餘差自五十分二之三朔三百四中節之餘二十九以效信難聚漢不解說但言先人有書而已以漢成注參官施行術不同二十九事不中見食二事案漢習書見己巳元謂朝不聞不知聖人獨有興廢之義史官有附天密術甲寅己巳前已施行效後格而已不用河平疏濶史官已廢之而漢以去事分爭殆非其意雖有師法與無同課又不近密其說蒞數術家所共知無所采取遣漢歸鄉里

袁山松書曰劉洪字元卓泰山蒙陰人魯王之宗室也延熹中以校

尉應太史徵拜郎中遷常山長史以父憂去官後爲上計掾拜郎中檢東觀著作律曆記遷謁者穀城門候會稽東部都尉徵還未至領山陽太守卒官洪善算當世無偶作七曜術及在東觀與蔡邕共述律曆記考驗天官及造乾象術十餘年考驗日月與象相應皆傳于世博物記曰洪篤信好學觀乎六藝羣書意以爲天文數術探曠索隱鉤深致遠遂專心銳思爲曲城侯相政教清均吏民畏而愛之爲州郡之所禮異



後漢書卷十二考證

律歷志中自太初元年始用三統歷施行百有餘年。

臣承祥

按太初元年用太初

歷史記歷書具存三統之法作於劉歆前書雖備載其說而當時未嘗用也此志內章帝詔蔡邕議具有明文無用三統歷之說

日過度月行十五度○推尋文義過字下疑脫一字

史官以郭日月行○臣召南按文當作史官以部日月行部郭字相近而訛耳



後漢書卷十三

梁

劉

令

劉

昭補并注

律曆志第三

律曆下

曆法

昔者聖人之作曆也觀璇璣之運三光之行道之發斂景之長短斗綱之建青龍所躔參伍以變錯綜其數而制術焉天之動也一晝一夜而運過周星從天而西日違天而東日之所行與運周在天成度在曆成日居以列宿終于四七受以甲乙終于六旬日月相推日舒月速當其同謂之合朔舒先速後近一遠三謂之弦相與爲衡分天之中謂之望以速及舒光盡體伏謂之晦晦朔合離斗建移辰謂之日月之行則有冬有夏冬夏之間則有春有秋是故日行北陸謂之冬西陸謂之春南陸謂之夏東陸謂之秋日道發南去極彌遠其景彌長遠長乃極冬乃至焉日道斂北去極彌近其景彌短近短乃極夏乃至焉二至之中道齊景正春秋分焉日周于天一寒一暑四時備成萬物畢改攝提遷次青龍移辰謂之歲歲首至也月首朔也至朔同日謂之章同在日首謂之部部終六旬謂之紀歲朔又復謂之元是故日以實之月以閏之時以分之歲以周之章以明之部以紀之元以原之然後雖有變

化萬殊羸膈無方莫不結系于此而稟正焉極建其中道營于外璇衡追日以察斂  
光道生焉孔壺爲漏浮箭爲刻下漏數刻以考中星昏明生焉日有光道月有九行  
九行出入而交生焉朔會望衡鄰於所交虧薄生焉月有晦朔星有合見月有弦望  
星有留逆其歸一也步術生焉金水承陽先後日下速則先日遲而後留留而後逆  
逆與日違違而後速與日競競又先日遲速順逆晨夕生焉日月五緯各有終原而  
七元生焉見伏有日留行有度而率數生焉參差齊之多少均之會終生焉引而伸  
之觸而長之探躡索隱鉤深致遠無幽辟潛伏而不以其精者然故陰陽有分寒暑  
有節天地貞觀日月貞明若夫祐術開業淳耀天光重黎其上也顓頊曰承聖帝之重黎

命若昊天典曆象三辰以授民事立閏定時以成歲功羲和其隆也

唐虞夏商曰羲和

取象

金火革命創制治曆明時應天順民湯武其盛也

月令章句曰帝舜叶時月正日湯武革命治曆明時言承平者叶之

承亂者革之

及至德之衰也無道之君亂之於上頑愚之史失之於下夏后之時羲和淫

湎廢時亂日脣乃征之紂作淫虐喪其甲子武王誅之夫能貞而明之者其興也勃焉回而敗之者其亡也忽焉巍巍乎若道天地之綱紀帝王之壯事是以聖人寶焉

君子勤之夫曆有聖人之德六焉以本氣者尚其體以綜數者尚其文以考類者尚

其象以作事者尚其時以占往者尚其源以知來者尚其流大業載之吉凶生焉是

以君子將有興焉咨焉而以從事受命而莫之違也若夫用天因地揆時施教頌諸明堂以爲民極者莫大乎月令帝王之大司備矣天下之能事畢矣過此而往羣忌苟禁君子未之或知也斗之二十一度去極至遠也日在焉而冬至羣物於是乎生故律首黃鍾曆始冬至月先建子時半夜半當漢高皇帝受命四十有五歲陽在上章陰在執除冬十有一月甲子夜半朔旦冬至日月閏積之數皆自此始立元正朔謂之漢曆又上兩元而月食五星之元並發端焉曆數之生也乃立儀表以校日景景長則日遠天度之端也日發其端周而爲歲然其景不復四周千四百六十一日而景復初是則日行之終以周除日得三百六十五四分度之一爲歲之日數日日行一度亦爲天度察日月俱發度端卽是起舍合朔日行十九周月行二百五十四周復會于端是則月行之終也以日周除月周得一歲周天之數以日一周減之餘十二十九分之七則月行過周及日行之數也爲一歲之月以除一歲日爲一月之數月之餘分積滿其法得一月月成則其歲月大四時推移故置十二中以定月位有朔而無中者爲閏月中之始日節與中爲二十四氣以除一歲日爲一氣之日數也其分積而成日爲沒并歲氣之分如法爲一歲沒沒分于終中中終于冬至冬至之分積如其法得一日四歲而終月分成閏閏七而盡其歲十九名之曰章章首分盡四之

俱終名之曰蒞以一歲日乘之為蒞之日數也以甲子命之二十而復其初是以二

十蒞為紀紀歲青龍未終三終歲後復青龍為元元法四千五百六十樂叶圖徵曰天元以甲子

朔旦冬至至日月起於牽牛之初右行二十八宿以考王者終始或盡一其曆數或不

能盡一以四千五百六十為紀甲寅窮宋均曰紀卽元也四千五百六十者五行相

代一終之大數也王者卽位或遇其統或不盡其數故一共以四千五百六十為甲

寅之終也王者起必易元故不復於前而終言之也韓子曰四千五百六十歲為一

元元中有厄故聖人有紀法千五百二十  
月今章句曰紀還復故曆 紀月萬八千八百 蒞法

九歲之畜以備之也 七十六月今章句曰七 蒞月九百四十 章法十九 章月二百三十五月今章

九歲七閏 月為一章 周天千四百六十一 日法四 蒞日二萬七千七百五十九 沒數二

十一為章閏 通法四百八十七 沒法七因為章閏 日餘百六十八 中法四

十二 大周三十四萬三千三百三十五 月周千一十六 月食數之生也乃記

月食之既者率二十三食而復既其月食百三十五率之相除得五百二十三之二

十而一食以除一歲之月得歲有再食五百一十三分之五十也分終其法因以與

蒞相約得四與二十七五之會二千五十二二十而與元會 元會四萬一千四十  
蒞會三千五十三 歲數五百一十三 食數千八十一 月數百二十五 食  
法二十二  
推入蒞術曰以元法除去上元其餘以紀法除之所得數從天紀算外則所入紀也

不滿紀法者入紀年數也以蔀法除之所得數從甲子蔀起算外所入紀歲名命之  
算上卽所求年太歲所在 推月食所入蔀會年以元會除去上元其餘以蔀會除  
之所得以七十二乘之滿六十除去之餘以二十除所得數從天紀算之起外所以  
入紀不滿二十者數從甲子蔀起算外所入蔀會也其初不滿蔀會者入蔀會年數  
也各以不入紀歲名命之算上卽所求年蔀

天紀歲名

地紀歲名

人紀歲名

蔀首

甲子

庚辰

庚子

庚申一

癸卯

丙申

丙辰

丙子二

壬午

壬子

壬申

壬辰三

辛酉

戊辰

戊子

戊申四

庚子

甲申

甲辰

甲子五

己卯

庚子

庚申

庚辰六

戊午

丙辰

丙子

丙申七

丁酉

壬申

壬辰

壬子八

丙子

戊子

戊申

戊辰九



乙卯

甲辰

甲子

甲申十

甲午

庚申

庚辰

庚子十一

癸酉

丙子

丙申

丙辰十二

壬子

壬辰

壬午

壬申十三

辛卯

戊申

戊辰

戊子十四

庚午

甲子

甲申

甲辰十五

乙酉

庚辰

庚子

庚申十六

戊子

丙申

丙辰

丙子十七

丁卯

壬子

壬申

壬辰十八

丙午

戊辰

戊子

戊申十九

乙酉

甲申

甲辰

甲子二十

推天正術置入蔀年減一以章月乘之滿章法得一名為積月不滿為閏餘十二以上其歲有閏

推天正朔日置入蔀積月以蔀日乘之滿蔀月得一名為積日不滿為小餘積日以六十除去之其餘為大餘以所入蔀名命之算盡之外則前年天正十一月朔日也

小餘四百四十一以上其月大求後月朔加大餘二十九小餘四百九十小餘滿蒨月得一上加大餘命之如前

一術以大周乘年周天乘減之餘滿蒨日則天正朔日也

推二十四氣術曰置入蒨年減一以月餘乘之滿中法得一名曰大餘不滿爲小餘大餘滿六十除去之其餘以蒨名命之算盡之外則前年冬至之日也

求次氣加大餘十五小餘七除命之如前小寒日也

推閏月所在以閏餘減章法餘以十二乘之滿章閏數得一滿四以上亦得一算之數從前年十一月起算盡之外閏月也或進退以中氣定之

推弦望日因其月朔大小餘之數皆加大餘七小餘三百五十九四分三小餘滿蒨月得一加大餘大餘命如法得上弦又加得望次下弦又後月朔其弦望小餘二百六十以下每以百刻乘之滿蒨月得一刻不滿其數近節氣夜漏之半者以算上爲日

推沒滅術置入蒨年減一以沒數乘之滿日法得一名爲積沒不盡爲沒餘以通法乘積沒滿沒法得一名爲大餘不盡爲小餘大餘滿六十除去之其餘以蒨名命之算盡之外前年冬至前沒日也求後沒加大餘六十九小餘四小餘滿沒法從大餘

命之如前無分爲減

一術以爲五乘冬至小餘以減通法餘滿沒法得一則天正後沒也

推合朔所在度置入部積月以日乘之滿大周除去之其餘滿部月得一名爲積度不盡爲餘分積度加斗二十一度加二百三十五分以宿次除之不滿宿則日月合朔所在星度也求後合朔加度二十九加分四百九十九分滿部月得一度經斗除二百三十五分

一術以閏餘乘周天以減大周餘滿部月得一合以斗二十一度四分一則天正合朔日月所在度推日所在度置入部積日之數以部法乘之滿部日除去之其餘滿部法得一爲積度不盡爲餘分積度加斗二十一度加十九分以宿次除去之則夜半日所在宿度也

求次日加一度求次月大加三十度小加二十九度經斗除十分

一術以朔小餘減合度分卽日夜半所在其分二百三十五約之十九乘之

推月所在度置入部積日之數以月周乘之滿部日除去之其餘滿部法得一爲積度不盡爲餘分積度加斗二十一十分除如上法則所求之日夜半月所在宿度也求次日加十三度二十八分求次月大加三十五度六十一分月小二十二度三十

三分分滿法得一度經斗除十九分其冬下旬月在張心署之謂盡漏分後盡漏盡也

一術以蔀法除朔小餘所得以減日半度也餘以減分卽月夜半所在度也

推日明所入度分術曰置其月節氣夜漏之數以蔀法乘之二百除之得一分卽夜半到明所行分也以增夜半日所在度分爲明所在度分也

求昏日所入度以夜半到明日所行分分減蔀法其餘卽夜半到昏所行分也以加夜半所在度分爲昏日所在度也

推月明所入度分術曰置其節氣夜半之數以月周乘之以二百除之爲積分積分滿蔀法得一以增夜半度卽明月所在度也

求昏月所入度以明積分減月周其餘滿蔀法得一度加夜半則昏月所在度也

推弦望日所入星度術曰置合朔度分之數加七度三百五十九分四分之三宿次除之卽得上弦日所入宿度分也

求望下弦加除如前法小分四從大分滿蔀月從度

推弦望月所入星度術曰置月合朔度分之數加度九十八加分六百五十三半以宿次除之卽上弦月所入宿度分也

求墜下弦加除如前分滿蔀月從度

推月食術曰置入蔀會年數減一以食數乘之滿歲數得一名曰積食不滿爲食餘以月數乘積滿食法得一名爲積月不滿爲月餘分積月以章月除去之其餘爲入章月數當先除入章閏乃以十二除去之不滿者命以十一月算盡之外則前年十一月前食月也

求入章閏者置入章月以章閏乘之滿章月得一則入章閏數也餘分滿二百二十四以上至二百三十一爲食在閏月閏或進退以朔日定之求後食加五百二十分滿法得一月數命之如法其分盡食算上

推月食朔日術曰置食積月之數以二十九乘之爲積日又以四百九十乘積月滿蔀月得一以并積日以六十除之其餘以所會蔀名命之算盡之外則前年天正前食月朔日也

求食日加大餘十四小餘七百一十九半小餘滿蔀月爲大餘大餘命如前則食日也

求後食朔及日皆加大餘二十七小餘六百一十五其月餘分不滿二十者又加大餘二十九小餘四百九十九其食小餘者當以漏刻課之夜漏未盡以算上爲日

一術以歲數去上元餘以爲積月以百一十二乘之滿月數去之餘滿食法得一則天正後食也

推諸加時以十二乘小餘先減如法之半得一時其餘乃以法除之所得算之數從夜半子起算盡之外則所加時也

推諸上水漏刻以百乘其小餘滿其法得一刻不滿法法什之滿法得一分積刻先減所入節氣夜漏之半其餘爲晝上水之數過晝漏去之餘爲夜上水數其刻不滿夜漏半者乃減之餘爲昨夜未晝其弦望其日五星數之生也各記於日與周天度相約而爲率以章法乘周率爲用法章月乘日率如月法爲積月月餘以月之月乘積爲朔大小餘乘爲入月日餘以日法乘周率爲日度法以率去日率餘以乘周天如日度法爲度之餘也日率相約取之得二千九百九十萬一千六百二十一億五十八萬二千三百而五星終如蔀之數與元通

本周率四千三百二十七 日率四千七百二十五 合積月十三 月餘四萬一千六百六 月法八萬二千二百一十三 大餘二十三 小餘八百四十七 虛分九十三 入月日十五 日餘萬四千六百四十七 日度法萬七千三百八

積度三十三 度餘萬三百一十四

火周率八百七十九 日率千八百七十六 合積月二十六 月餘六千六百三

十四 月法萬六千七百一 大餘四十七 小餘七百五十四 虛分一百八十

六 八月日十一 日餘千八百七十二 日度法三千五百一十六 積度四十

九 度餘一百一十四

土周率九千九十六 日率九千四百一十五 合積月十二 月餘十三萬八千

六百三十七 月法十七萬二千八百二十四 大餘五十四 小餘三百四十八

虛分五百九十二 八月日二十三 日餘二千一百六十三 日度法三萬六

千三百八十四 積度十二 度餘二萬九千四百五十一

金周率五千八百三十 日率四千六百六十一 合積月九 月餘九萬八千四

百五 月法十一萬七百七十 大餘二十五 小餘七百三十一 虛分二百九

八月日二十六 日餘二百八十一 日度法二萬三千三百二十 積度二百

九十二 度餘二百八十一

水周率萬一千九百八 日率千八百八十九 合積月一 月餘二十一萬七千

六百六十 月法二十二萬六千二百五十二 大餘二十九 小餘四百九十九

虛分四百四十九 八月日二十七 日餘四萬四千八百五 日度法四萬七



千六百三十一 積度五十七 度餘四萬四千八百五

推五星術置上元以來盡所求年以周率乘之滿日率得一名爲積合不盡名合餘  
餘以周率除之不得焉退歲無所得星合其年得一合前年二合前二年金水積合  
奇爲晨偶爲夕其不滿周率者反減之餘爲度分

推星合月以合積月乘積合爲小積又以月餘乘積合滿其月法得一從小積爲月  
餘積月滿紀月去之餘爲入紀月每以章閏乘之滿章月得一爲閏不盡爲閏餘以  
閏減入紀月其餘以十二去之餘爲入歲月數從天正十一月起算外星合所在之  
月也其閏滿二百二十四以上至二百三十一星合閏月閏或進退以朔制之推朔  
日以部日乘之入紀月滿部月得一爲積日不盡爲小餘積日滿六十去之餘爲大  
餘命以甲子算外星合月朔日

推入月日以部日乘月餘以其月法乘朔小餘從之以四千四百六十五約之所得  
得滿日度法得一爲入月日不盡爲日餘以朔命入月日算外星合日也

推合度以周天乘度分滿日度法得一爲積度不盡爲度餘以斗二十一四分一命  
度算外星合所在度也

一術加退歲一以減上元滿八十除去之餘以沒數乘之滿日法得一爲大餘不盡

爲小餘以甲子命大餘則星合歲天正冬至日也以周率小餘并度餘餘滿日度法從度卽正後星合日數也命以冬至求後合月加合積月於入歲月加月餘於月餘滿其月法得一從入歲月入歲月滿十二去之有閏計焉餘命如前算外後合月也餘一加晨得夕加夕得晨

求朔日以大小餘加今所得其月餘得一月者又餘二十九小餘滿部月得一如大餘大餘命如前

求入月日以入月日餘加今所得餘滿日度法得一從日其前合月朔小餘不滿其虛分者空加一日日滿月先去二十九其後合月朔小餘不滿四百九十九又減一日其餘命如前

求合度以積度度餘加今所得餘滿日度法得一從度命如前經斗除如周率矣

木晨伏十六日七千二百二十分半行二度萬三千八百一十一分在日後十三度有奇而見東方見順日行五十八分度之十一五十八日行十一度微遲日行九分五十八日行九度留不行二十五日旋逆日行七分度之一八十四日進十二度復留二十五日復順五十八日行九度又五十八日行十一度在日前十三度有奇而夕伏西方除伏逆一見三百六十六日行二十八度伏復十六日七千二百二十二

分半行二度萬三千八百一十一分而與日合凡一終三百九十八日有萬四千六百四十一分行星三十二度與萬三百一十四分通率日行四千七百二十五分之三百九十八

火晨伏七十一日二千六百九十四分行五十五度二千二百五十四分半在日後十六度有奇而見東方見順日行二十三度之十四八十四日行一十二度微遲日行十二分九十二日行四十八度留不行十一日旋逆日行六十二度之十七六十二日退十七度復留十一日復順九十二日行四十八度又百八十四日行百一十二度在日前十六度有奇而夕伏西方除伏逆一見六百三十六日行百三度伏復七十一日二千六百九十四分行五十五度二千二百五十四分半而與日合凡一終七百七十九日有千八百七十二分行星四百一十四度與九百九十三分通率日行千八百七十六分之九百九十七

土晨伏十九日千八十一分半行三度萬四千七百二十五分半在日後十五度有奇而見東方見順日行四十三度之三十八六日行六度留不行三十三日旋逆日行十七分度之一百二日退六度復留三十三日復順八十六日行六度在日前十五度有奇而夕伏西方除伏逆見三百四十日行六度伏復十九日千八十一分

半行三度萬四千七百二十五分半與日合凡一終三百七十八日有二千一百六十三分行星十二度與二萬九千四百五十一分通率日行九千四百一十五分之三百一十九

金晨伏五日退四度在日後九度而見東方見逆日行五分度之三十日退六度留不行八日順日行行四十六分度之三十三四十六日行三十三度而日行一度九十分度之十五九十一日行百六度益疾日行一度二十二分九十一日行百一十三度在日後九度而晨伏東方除伏逆一見二百四十六日行二百四十六度伏四十一日二百八十一分行五十九度二百八十一分而與日合一合二百九十二日百八十一分行星如之

金夕伏四十一日二百八十一分行五十九度二百八十一分在日前九度而見西方見順疾日行一度九十一分度之二十二九十一日行百一十三度微遲日行一度十五分九十一日行百六度而進日行四十六分度之三十三四十六日行三十三度留不行八日旋逆日行五分度之三十日退六度在日前九度而夕伏西方除伏逆一見二百四十六日行二百四十六度伏五日退四度而後合凡三合一終五百八十四日有五百六十二分行星如之通率日行一度

水晨伏九日退七度在日後十六度而見東方見逆一日退一度留不行二日旋順日行九分度之八九日行八度而疾日行一度四分度之一二十日行二十五度在日後十六度而晨伏東方除伏逆一見三十二日行三十二度伏十六日四萬四千八百五分行三十二度四萬四千八百五分而與日合一合五十七日有四萬四千八百五分行星如之

水夕伏十六日四萬四千八百五分行三十二度四萬四千八百五分在日前十六度而見西方見順疾日行一度四分度之一二十日行二十五度而遲日行九分度之八九日行八度留不行二日逆一日退一度在日前十六度而夕伏西方除伏逆一見三十二日行三十度伏九日退七度而復合凡再合一終百一十五日有四萬一千九百七十八分行星如之通率日行一度

步術以步法伏日度分如星合日度餘命之如前得星見日度也術分母乘之分日如度法而一分不盡如法半以上亦得一而日加所行分滿其母得一度逆順母不同以當行之母乘故分如故母如一也留者承前逆則減之伏不書度經斗除如行母四分具一其分有損益前後相放其以赤道命度進加退減之其步以黃道日名天正十一月十二月正月二月三月四月五月六月七月八月九月十月冬至大寒

雨水春分穀雨小滿夏至大暑處暑秋分霜降小雪  
月令章句孟春以立春為節驚蟄為中中必在其月節不必在

其月據孟春之驚蟄在十六日以後立春在正月驚蟄在十五日以前立春在往年十二月

斗二十六四分退二牛八 女十二二進 虛十三三進

危十六二進 室十六二進 壁十二進

北方九十八度四分一

奎十六 婁十二二進 胃十四二進 昂十一二進

畢十六二進 觜二二退 參九四退

西方八十度

井三十三三退 鬼四 柳十五 星七一進

張十八一進 翼十八一進 軫十七一進

南方百一十二度

角十二 亢九一退 氏十五二退 房五三退

心五三退 尾十八三進 箕十一三退

東方七十五度

右赤道度周天三百六十五度四分一

斗二十四進一 牛七 女十一 虛十

危十六 室十八 壁十

北方九十六度四分一

奎十七 婁十二 胃十五 昴十二

畢十六 觜三 參八

西方八十三度

井三十 鬼四 柳十四 星七

張十七 翼十九 軫十八

南方百九度

角十三 亢十 氏十六 房五

心五 尾十八 箕十

東方七十七度

右黃道度三百六十五四分一

黃道去極日景之生據儀表也漏刻之生以去極遠近差乘節氣之差如遠近而差一刻以相增損昏明之生以天度乘晝漏夜漏減三百而一為定度以減天度餘為



明加定度一為昏其餘四之如法為少不盡三之如法為強餘半法以上以成強強

三為少少四為度其強二為少弱也又以日度餘為少強而各加焉張衡渾儀曰赤道橫帶渾天之

腹去極九十一度十分之五黃道斜帶其腹出赤道表裏各二十四度故夏至去極六十七度而強冬至去極百一十五度亦強也然則黃道斜截赤道者則春秋分

之去極也今此春分去極九十九少秋分去極九十一少者就夏曆景去極之法以為率也上頭橫行第一行者黃道進退之數也本當以銅儀日月度之則可知也以儀

一歲乃竟而中間又有陰雨難卒成也是以作小渾蓋赤道黃道乃各調賦三百六十五度四分之一從冬至所在始起令之相當值也取北極及衡各誠揀之為軸取

簿竹篾穿其兩端令兩穿中間與渾半等以貫之令察之與渾相切摩也乃從減半起以為八十二度八分之五盡衡減之半焉又中分其篾拗去其半令其半之際正

直與兩端減半相直令篾半之際從冬至起一度一移之視篾之半際夕多黃赤道幾也其所多少則進退之數也從北極數之則元極之度也各分赤道黃道為二十

四氣一氣相去十五度十六分之七每一氣者黃道進退一度焉所以然者黃道直時去南北極近其處地小而橫行與赤道且等故以篾度之於赤道多也設一氣令

十六日皆常率四日差少半也令一氣十五日不能半耳故使中道三日之中若少半也三氣一節故四十六日而差今三度也至於差三之時而五日同率者一其實

節之間不能四十六日也今殘日居其策故五日同率也其率雖同先之皆強後之皆弱不可勝計取至於三而復有進退者黃道稍斜於橫行不得度故也春分秋分

所以退者黃道始起更斜矣於橫行不得度故也亦每一氣一度焉三氣一節亦差三度也至三氣之後稍遠而直故橫行得度而稍進也立春立秋橫行稍退矣而度猶

猶云進者以其所退減其所進猶有盈餘未盡故也立夏立冬橫行稍退矣而度猶退者以其所進增其所退猶有不足未畢故也以此論之日行非有進退而以赤道

重廣黃道使之然也本二十八宿相去度數以赤道為強耳故於黃道亦進退也冬至在斗二十一度少半最遠時也而此曆斗二十度俱百一十五強矣冬至宜與之

同率焉夏至在井二十一度半強最近時也而此曆井二十三度俱六十七度強矣夏至宜與之同率焉

二十四氣

冬至 月令章句曰冬至之為極有三意焉晝漏極短去極極遠晷景極長極者至而還之辭也

日所在 斗二十度百一分退二分 黃道去極百一十五度

晷景丈三尺 晝漏刻四十五 夜漏刻五十五

昏中星奎六 弱 旦中星亢二 少強退一月令章句曰中星當中而不中日行遲也未當中而中日行疾也

小寒

日所在 女二度七分進二分 黃道去極百一十三 強

晷景丈二尺三寸 三 晝漏刻四十五 八分 夜漏刻五十四 二分

昏中星婁六半 一強退 旦中星氏七 少弱退二分

大寒

日所在 虛五度十分四分進二分 黃道去極百一十一 大弱

晷景丈一尺 晝漏刻四十六 八分 夜漏刻五十三 二分

昏中星胃十一半 一強退 旦中星心半 三退

立春

日所在 危七度二十一分進二分 黃道去極百六 少弱

晷景九尺六寸 晝漏刻四十八 六分 夜漏刻五十一 四分

昏中星畢五少強退三

旦中星尾七半弱退三

雨水

日所在室八度二十分退三

黃道去極百一強

晷景七尺九寸五分晝漏刻五十八分夜漏刻四十九分二

昏中星參六半弱退四

旦中星箕六大弱退三

驚蟄

日所在壁八度三分進一

黃道去極九十五強

晷景六尺五寸 晝漏刻五十三分三夜漏刻四十六分七

昏中星井十七少弱退三

旦中星斗少退二

春分

日所在奎十四度十分

黃道去極八十九少強

晷景五尺二寸五分晝漏刻五十五分八夜漏刻四十四分二

昏中星鬼四

旦中星斗十一強退二

清明

日所在胃一度十七分退二

黃道去極八十三少弱

晷景四尺一寸五分晝漏刻五十八分三夜漏刻四十二分七

昏中星星四大進旦中星斗二十一半二退

穀雨

日所在昴二度二十四分退二黃道去極七十七大強

晷景三尺二寸晝漏刻六十五分五夜漏刻三十九分五

昏中星張十七二進旦中星斗六半

立夏

日所在畢八度三十分退三黃道去極七十三少弱

晷景二尺五寸二分晝漏刻六十二分四夜漏刻二十七分六

昏中星翼十七二大進旦中星女十一少弱

小滿

日所在參四度六分退四黃道去極六十九大弱

晷景尺九寸八分晝漏刻六十三分九夜漏刻二十六分一

昏中星角六弱旦中星危大弱二進

芒種

乾隆四年校刊

後漢書卷十三

律曆志

十三

日所在 井十度十三分退三

黃道去極六十七 少弱

晷景尺六寸 八分

晝漏刻六十四 九分 夜漏刻二十五 一分

昏中星亢五 一大退

旦中星危十四 二強進

夏至

月令章句曰夏至之為極有三意焉畫漏極長去極極近晷景極短

日所在 井二十五度二十分退三

黃道去極六十七 強

晷景尺五寸

晝漏刻六十五 夜漏刻三十五

昏中星氏十二 少弱退二

旦中星室十二 少弱退三

小暑

日所在 柳三度二十七分

黃道去極六十七 大強

晷景尺七寸

晝漏刻六十四 七分 夜漏刻二十五 三分

昏中星尾一 大強退三

旦中星奎二 大強

大暑

日所在 星四度三分進二

黃道去極七十

晷景二尺

晝漏刻六十三 八分 夜漏刻二十六 二分

昏中星尾十五半 弱退三

旦中星婁三 大退

立秋

日所在 張十二度  
九分進一

黃道去極七十三半强

晷景二尺五寸五分晝漏刻六十二三分夜漏刻二十七七分

昏中星箕九大强  
退三

旦中星胃九大强  
退二

處暑

日所在 翼九度十  
六分退二

黃道去極七十八半强

晷景三尺三寸三分晝漏刻六十二分夜漏刻二十九分八

昏中星斗十少  
退

旦中星畢三大退  
三

白露

日所在 軫六度二十  
三分退一

黃道去極八十四少强

晷景四尺三寸五分晝漏刻五十七分八夜漏刻四十二分二

昏中星斗二十一强退  
一

旦中星參五半弱退  
四

秋分

日所在 角四度  
三十分

黃道去極九十半 强

晷景五尺五寸 晝漏刻五十五分二夜漏刻四十四分八

昏中星牛五少

旦中星井十六少强退二

寒露

日所在亢八度五分退三

黄道去極九十六少强

晷景六尺八寸五分晝漏刻五十二六分夜漏刻四十七四分

昏中星女七一大進旦中星鬼三少强

霜降

日所在氐十四度十分退二黄道去極百二少强

晷景八尺四寸晝漏刻五十三三分夜漏刻四十九十分

昏中星虛六一大進旦中星星三大强進一

立冬

日所在房四度十分退三黄道去極百七少强

晷景丈四寸二分晝漏刻四十八二分夜漏刻五十一八分

昏中星危八二强進旦中星張十五大强進一

小雪

日所在箕一度二十七分退三黄道去極百一十一弱



晷景丈一尺四寸晝漏刻四十六七分夜漏刻五十三三分

昏中星室二半強進旦中星翼十五大強進二

大雪

日所在斗六度一分退三黃道去極百一十三大強

晷景丈二尺五分六分晝漏刻四十五五分夜漏刻五十四五分

昏中星壁半強進旦中星軫十五少強進一

易緯所稱晷景長短不與相應今列之于後并至與不至各有所候以參廣異同  
冬至晷長一丈三尺當至不至則早多溫病未當至而至則多病暴逆心痛應在夏  
至小寒晷長一丈一尺四分當至不至先小暑後小水丈夫多病喉痺未當至而  
至多病身熱來年麻不熟耳大寒晷長一丈一尺八分當至不至先大暑後大水  
麥不成病厥逆未當至而至多病上氣噎腫立春晷長一丈一寸六分當至不至  
兵起麥不成民瘦瘵未當至而至多病燥疾疫雨水晷長九尺一寸六分當至不至  
至早麥不成多病心痛未當至而至多病藪驚蟄晷長八尺二寸當至不至則霧  
稚禾不成老人多病噎未當至而至多病癰疽脛腫春分晷長七尺二寸四分當  
至不至先旱後水歲惡米不成多病耳痒清明晷長六尺二寸八分當至不至菽  
豆不熟多病噎振寒洞泄未當至而至多溫病暴死穀雨晷長五尺三寸六分當  
至不至水物雜稻等不熟多病疾瘡振寒霍亂未當至而至老人多病氣腫立夏  
晷長四尺三寸六分當至不至早五穀傷牛畜疾未當至而至多病頭痛腫噎喉痺  
小滿晷長三尺四寸當至不至凶言國有大喪先水後旱多病筋急痺痛未當至  
而至多燥噎腫芒種晷長二尺四寸四分當至不至凶言國有狂令未當至而至  
多病厥眩頭痛夏至晷長一尺四寸八分當至不至國有大殃旱陰陽並傷草木  
夏落有大寒未當至而至病眉腫小暑晷長二尺四寸四分當至不至前小水後  
小早有兵多病泄注腹痛未當至而至病臃腫大暑晷長三尺四寸當至不至外  
兵作來年飢多病筋痺胃痛未當至而至多病脛痛惡氣立秋晷長四尺三寸六

乾隆四年校刊

後漢書卷十三

律曆志

十四

分當至不至暴風爲災來年黍不熟未當至而至多病咳上氣咽腫處暑暑長五尺三寸二分當至不至國多浮令兵起來年麥不熟未當至而至病脹耳熱不出行白露暑長六尺二寸八分當至不至多病瘧疽泄未當至而至多病水腹閉疝瘕秋分暑長七尺二寸四分當至不至草本復榮多病溫悲心痛未當至而至多病胃鬲痛寒露暑長八尺二寸當至不至來年穀不成六畜鳥獸被殃多病疝瘕膏痛未當至而至多病疾熱中霜降暑長九尺一寸六分當至不至萬物大耗年多氣不藏來年立夏反寒早旱晚水萬物不成未當至而至多病臂掌痛小雪暑長一丈一尺八分當至不至來年蠶麥不成多病脚脫痛未當至而至亦爲多肘腋痛大雪暑長一丈二尺四分當至不至溫氣泄夏蝗蠱生大水多病少氣五疸水腫未當至而至多病癰疽痛應在芒種月令章句曰周天三百六十五度四分之一分爲十二次日月之所躔也地有十二分王侯之所國也每次三十二度三十三分之十四日至其初爲節至其中爲中氣自危十度至壁八度謂之豕掌之次立春雨水居之衛之分野自壁八度至胃一度謂之降婁之次驚蟄春分居之魯之分野自胃一度至畢六度謂之大梁之次清明穀雨居之趙之分野自畢六度至井十度謂之實沈之次立夏小滿居之晉之分野自井十度至柳三度謂之鶉首之次芒種夏至居之秦之分野自柳三度至張十二度謂之鶉火之次小暑大暑居之周之分野自張十二度至軫六度謂之鶉尾之次立秋處暑居之楚之分野自軫六度至亢八度謂之大火之次寒露霜降居之宋之分野自尾四度至斗六度謂之析木之次立冬小雪居之燕之分野自斗六度至須女二度謂之星紀之次大雪冬至居之越之分野自須女二度至危十度謂之立枵之次小寒大寒居之齊之分野

蔡邕分星次度數與皇甫謐不同兼明氣節所在故載焉謐所列在郡國志

中星以日所在爲正日行四歲乃終置所求年二十四氣小餘四之如法爲少大餘不盡三之如法爲強弱以減節氣昏明中星而各定矣強正弱直也其強弱相減同名相去異名從之從強進少爲弱從弱退少而強從上元太歲在庚辰以來盡熹平

三年歲在甲寅積九千四百五十五歲也

宋世治歷何承天曰曆數之術若心所不達雖復通人前識無救其弊是以多歷年

歲猶未能有定四分於天出三百年而盈一日積世不悟徒云建曆之本必先立元假託讖緯遂開治亂此之為弊亦以甚矣劉歆三統法尤復疏闊方於四分六千餘年又益一日楊雄心惑其說採為太玄班固謂之最密著于漢志司馬彪曰自太初元年始用三統曆施行百有餘年曾不憶劉歆之生不逮太初二三君子為曆幾乎不知而妄言者歟元和中穀城門侯劉洪始悟四分於天疏闊更以五百八十九為紀法百四十五為斗分而造乾象法又制遲疾曆以步月行方於太初四分轉精密矣

論曰易有太極是生兩儀兩儀之分尚矣乃有皇犧皇犧之有天下也未有書計曆載彌久暨於黃帝班示文章重黎記註象應著名始終相驗準度追元乃立曆數天難謀斯是以五三迄于來今各有改作不通用故黃帝造曆元起辛卯而顓頊用乙卯虞用戊午夏用丙寅殷用甲寅周用丁巳魯用庚子漢興承秦初用乙卯至武帝元封不與天合乃會術士作太初曆元以丁丑王莽之際劉歆作三統追太初前世一元得五星會庚戌之歲以為上元太初曆到章帝元和旋復疏闊徵能術者課校諸曆定朔稽元追漢三十五年庚辰之歲追朔一日乃與天合以為四分曆元加六百五元一紀上得庚申有近於緯而歲不攝提以辨曆者得開其說而其元渺與緯同同則或不得於天然曆之興廢以疏密課固不主於元光和元年中議郎蔡邕郎中劉洪補續律曆志邕能著文清濁鍾律洪能為算近敘三光今考論其業義指博

通術數略舉是以集錄爲上下篇放續前志以備一家

蔡邕戍邊上章曰朔方髡鉗徒臣邕稽首再拜上書皇帝

陛下臣邕被受陛下尤異大恩初由宰府備數典城以叔父故衛尉質時爲尚書召

拜郎中受詔詣東觀著作遂與羣儒並拜議郎沐浴恩澤承答聖問前後六年質奉

機密趨走目下遂竟端右出相好藩還尹輦轂旬日之中登躡上列父子一門兼受

恩寵不能輪寫心力以效絲髮之功一旦被章陷沒辜戮陛下天地之德不忍刀鋸

截臣首領得就平罪父子家屬徒充邊方完全軀命喘息相隨非臣無狀所敢復望

非臣罪惡所當復蒙非臣辭筆所能復陳臣初決罪維陽詔獄生出牢戶顧念元初

中故尚書郎張俊坐漏泄事當伏重刑已出穀門復聽讀鞠詔書馳救一等輸作左

校俊上書謝恩遂以轉徙郡縣促遣徧於吏手不得頃息舍辭抱悲無由上達既到

徙所乘塞守烽職在候望憂怖焦灼無心復能操筆成草致章闕庭誠知聖朝不責

臣謝但愚心有所不竟臣自在布衣常以爲漢書十志下盡王莽而世祖以來唯有

紀傳無續志者臣所師事故太傅胡廣知臣頗識其門戶略以所有舊事雖未備悉

粗見首尾積累思惟二十餘年不在其位非外吏庶人所得擅述天誘其衷得備著

作郎建言十志皆當撰錄遂與議郎張華等分受之所使元順難者皆以付臣先治

律曆以籌算爲本天文爲驗請太師舊注考校連年往往頗有差舛富有增損乃可

施行爲無窮法道至深微不敢獨議郎中劉洪密於用算故臣表上洪與共參思圖


牒尋釋適有頭角會臣被罪遂放邊野臣竊自痛一爲不善使史籍所關胡廣所校  
二十年之思中道廢絕不得究竟樓樓之情猶以結心不能違望臣初欲須刑竟乃  
因縣道具以狀問今年七月九日旬奴始攻郡鹽池縣其時鮮卑連犯雲中五原一  
月之中烽火不絕不言四夷相與合謀所圖廣遠恐遂爲變不知所濟郡縣咸懼不  
守朝旦臣所在孤危懸命鋒鏑湮滅土灰呼吸無期誠恐所懷隨軀腐朽抱恨黃泉  
遂不設施謹先顛踣科條諸志臣欲制制定者一所當接續者四前志所無臣欲著  
者三及經典羣書所宜摭本奏詔書所當依據分別首目并書章左臣初被考妻  
子逆竄亡失文書無所案請加以惶怖愁恐思念荒散十分不得識一所識者又恐  
謬誤觸冒死罪披散愚情願下東觀推求諸奏參以璽書以補綴遺闕昭明國體章  
聞之後雖肝腦流離白骨剖破無所復恨惟陛下省察謹因臨戎長霍圍封上臣頓  
首死罪稽首再拜以聞其所論志志家未以成書如有異同今隨事注之于本志也

贊曰象因物生數本杪名律均前起準調後發該覈衡琿檢會日月 卷十三終

後漢書卷十三考證

律歷志下日有光道○光監本作九依宋本改臣召南按黃道居中曰光道前書天文志云日有中道月有九行中道者黃道一曰光道光道北至東井去北極近南至牽牛去北極遠東至角西至婁去極中此光道之明文也

後漢書卷十三考證



梁

刻

令

劉昭補并注

禮儀志第四

禮儀上

合朔

立春

五供

上陵

冠

夕牲

祓禊

夫威儀所以與君臣序六親也若君亡君之威臣亡臣之儀上替下陵此謂大亂大

亂作則羣生受其殃可不慎哉故記施行威儀以為禮儀志謝沈書曰太傅胡廣博綜舊儀立漢制度蔡邕

因以為志譙周後改定以為禮儀志

禮威儀每月朔旦太史上其月曆有司徒尚書見讀其令奉行其政朔前後各二

日皆牽羊酒至社下以祭日日有變割羊以祠社用救日日變執事者冠長冠衣皂

單衣絳領袖緣中衣絳袴練以行禮如故事公羊傳曰日有食之鼓用牲于社求乎陰之道也以朱絲縈社或曰脅之或曰

為聞恐人犯之故縈之也何休曰脅之與責求同義社者土地之主也月者土地之精也上繫於天而犯日故鳴鼓而攻之脅其本也朱絲縈之助陽抑陰也或曰為闡

者社者土地之主尊也為日光盡天闇冥恐人犯歷之故縈之然此說非也先言鼓後言用牲者明先以尊者命責之後以臣子禮接之所以為順也白虎通曰日食必

救之陰侵陽也鼓攻之以陽責陰也故春秋日食鼓用牲于社所以必用牲者土地別神也尊之不敢虛責也日食大水則鼓用牲大旱則雩祭求雨非虛言也助陽責

下求陰之道也決疑要注曰凡救日食皆著赤幘以助陽也日將食天子素服避正殿內外嚴日有變伐鼓聞音侍臣著赤幘帶劔入侍三臺令史已下皆持劔立其戶

前衛尉卿驅馳繞宮察巡守備周而復始日復常乃皆罷之



立春之日夜漏未盡五刻京師百官皆衣青衣郡國縣道官下至斗食令史皆服青  
幘立青幡施土牛耕人于門外以示兆民至立夏唯武官不立春之日下寬大書曰

制詔三公方春東作敬始慎微動作從之罪非殊死且勿案驗皆須麥秋退食殘進

柔良下當用者如故事月令曰命相布德和令蔡邕曰即此詔之謂也獻帝起居注  
曰建安二十二年二月壬申詔書絕立春寬緩詔書不復行

正月上丁祠南郊白虎通曰春秋傳曰以正月上辛尚書曰丁巳用牲于郊  
牛二先甲三日辛也後甲三日丁也皆可接事昊天之日禮畢次

北郊明堂高廟世祖廟謂之五供五供畢以次上陵西都舊有上陵東都之儀百官

四姓親家婦女公主諸王大夫蔡邕獨斷曰凡與  
先后有瓜葛者外國朝者侍子郡國計吏會陵畫

漏上水大鴻臚設九賓隨立寢殿前薛綜曰九賓謂王侯公卿二千石六  
百石下及郎吏匈奴侍子凡九等鍾鳴謁者

治禮引客羣臣就位如儀乘輿自東廂下太常導出西向拜止旋升阼階拜神坐退

坐東廂西向侍中尚書陞者皆神坐後公卿羣臣謁神坐太官上食太常樂奏食舉

文始五行之舞前書志曰文始舞者本韶舞也高祖六年更名文始以示不相  
襲也五行舞者本周舞也秦始皇二十六年更名五行之舞也禮樂

闕君臣受賜食畢郡國上計吏以次前當神軒占其郡穀價民所疾苦欲神知其動

靜孝子事親盡禮敬愛之心也周徧如禮謝承書曰建寧五年正月車駕上原陵蔡  
邕為司徒掾從公行到陵見其儀愾然謂

同坐者曰聞古不墓祭朝廷有上陵之禮始為可損今見威儀察其本意乃知孝明  
皇帝至孝惻隱不可易舊或曰本意云何昔京師在長安時其禮不可盡得聞也光

武即世始葬于此明帝嗣位踰年羣臣朝正感先帝不復聞見此禮乃帥公卿百寮  
就園陵而劾焉尚書陞西陞為神坐天子事亡如事存之意苟先帝有瓜葛之屬男



女畢會王侯大夫郡國計吏各向神坐而言庶幾先帝神魂聞之今者日月久遠後生非時人但見其禮不知其哀以明帝聖孝之心親服三年久在園陵初興此儀仰察几筵下顧羣臣悲切之心必不可堪邕見太傅胡廣曰國家禮有煩而不可省者不知先帝用心周密之至於此也廣曰然子宜載之以示學者邕退而記焉魚豢曰孝明以正月旦百官及四方來朝者上原陵朝禮

是謂甚違古不墓祭之義臣昭以為邕之言然 最後親陵遣計吏賜之帶佩八月

飲耐上陵禮亦如之 丁字漢儀曰耐金律文帝所加以正月旦作酒八月成名耐酒因合諸侯助祭貢金漢律金布令曰皇帝齋宿親帥羣臣承祠

宗廟羣臣宜分奉請諸侯列侯各以民口數率千口奉金四兩奇不滿千口至五百口亦四兩皆會耐少府受又大鴻臚食邑九真交阯日南者用犀角長九寸以上若

璆瑁甲一鬱林用象牙長三尺以上若翡翠各二十準以當金漢舊儀曰皇帝惟八月耐車駕夕牲牛以絳衣之皇帝暮視牲以鑑燧取水於月以火燧取火於日為明

水火左袒以水沃牛右肩手執鷺刀以切 凡齋天地七日宗廟山川五日小祠三日

齋日內有汙染解齋副倅行禮先齋一日有汙穢災變齋祀如儀大喪唯天郊越縛

而齋地以下皆百日後乃齋如故事 魏文帝詔曰漢氏不拜日於東郊而旦夕常於殿下東面拜日煩褻似家人之事非事天交神

之道也於是朝日東門之外 將祭必先夕牲其儀如郊

正月甲子若丙子為吉日可加元服儀從冠禮乘輿初緇布進賢次爵弁次武弁次

通天以據皆於高祖廟如禮謁 冠禮曰成王冠周公使祝雍曰辭達而勿多也祝雍曰近於民遠於年遠於佞近於義奮於財任賢使能

博物記曰孝昭帝冠辭曰陛下摘頸先帝之光耀以承皇天之嘉祿欽奉仲春之吉辰普尊大道之郊域秉率百福之休靈始加昭明之元服推遠冲躳之幼志蘊積文

武之就德肅勤高祖之清廟六合之內靡不蒙德永承與天無極獻帝傳曰興平元年正月甲子帝加元服司徒淳于嘉為賓加賜立繻駟馬貴人公主卿司隸城門五

校及侍中尚書給事黃門侍郎各一人為太子舍人也 王公以下初加進賢而已 獻帝起居注曰建安十八年正月壬子濟北王加冠戶外

乾隆四年校刊 後漢書卷之四 禮儀志

以見父母給事黃門侍郎劉瞻兼侍中假貂蟬加濟北王給之

正月天郊夕牲

周禮展牲于寶曰若今夕牲又郊儀先郊日未哺五刻夕牲公卿京尹衆官悉至壇東就位大視吏牽牲入到榜廩犧令跪曰請省牲舉

手曰賾太祝令繞牲舉手曰充太祖坐前今之郊祀然也

血其一奠天神坐前其一奠太祖坐前今之郊祀然也 晝漏未盡十八刻初納夜

漏未盡八刻初納

將告殺謂向祭之辰也

進熟獻太祝送旋皆就燎位宰祝舉火

燔柴火然天子再拜興有司告事畢也明堂五郊宗廟太社稷六宗夕牲皆以晝漏

十四刻初納夜漏未盡七刻初納進熟獻送神還有司告事畢六宗燔燎火大然有

司告事畢

正月始耕

月令曰天子親載耒耜措之參保介之御間帥三公九卿躬耕帝藉盧植注曰帝天也藉耕也

晝漏上水初納執事告祠

先農已享

賀循藉田儀曰漢耕日以太牢祭先農於田所春秋傳曰耕藉之禮唯齋三日左傳曰鄙人藉稻杜預注曰藉稻履行之薛綜注二京賦曰為天神

借民力於此田故名曰帝藉田在國之辰地于寶周禮注曰古之王者貴為天子富有四海而必私置藉田蓋其義有三焉一曰以奉宗廟親致其孝也二曰以訓于百姓在勤勤則不置也三曰聞之耕時有司請行事就耕位天子三公九卿諸侯百官

以次耕

鄭立注周禮曰天子三推公五推卿諸侯九推庶人終於千畝庶人謂徒三百人也月令章句曰早者殊勞故三公五推禮自上以下降殺以兩勞事反

之諸侯上當有孤卿七推大夫十二士終畝可知也盧植注禮記曰天子耕藉一發九推耒周禮二耜為耦一耜之伐廣尺深尺伐發也天子及三公坐而論道參五職

職事故三公以五為數卿諸侯當完成天子之職事故以九為數伐皆三者禮以三為文

力田種各稷訖有司告事畢

史記曰漢文帝詔云

農天下之本其開藉田朕躬耕以給宗廟案盛應劭曰古者天子耕藉田千畝為天下先藉者帝王典籍之常也而應劭風俗通又曰古者使民如借故曰藉田鄭立曰

藉之言借也王一耕之使庶人耘芋終之盧植曰藉耕也春秋傳曰鄙人藉稻故知藉爲耕也韋昭曰借民力以治之以奉宗廟且以勸率天下使務農也杜預注曰鄙人藉稻其君自出藉稻蓋履行之贊曰藉稻藉也本以躬親爲義不得以假借爲稱也漢舊儀曰春始東耕於藉田官祠先農先農卽神農炎帝也祠以一太牢百官皆從大賜三輔二百里孝悌力田三老帛種百穀萬斛爲立藉田倉置令丞穀皆以給祭天地宗廟羣神之祀以爲衆盛皇帝躬秉耒耜而耕古爲甸師官賀循曰所種之穀黍稷種種早也種晚也千寶周禮注曰種晚秔稻之屬種麥穀黍稷之屬是月令曰郡國守相皆勸民始耕如儀諸行

出入皆鳴鍾皆作樂其有災眚有他故若請雨止雨皆不鳴鍾不作樂春秋釋病曰漢家郡守行

大夫禮鼎俎籩豆工歌縣何休曰漢家法陳師置守相故行其樂也

仲春之月立高禘祠于城南祀以特牲月令玄鳥至之日以太牢祠詩曰克禴克祀以弗無子毛萇傳曰弗去無子求有子古者

必立郊禘焉玄鳥至之日以太牢祀于郊禘天子親往后妃帥九嬪御乃禮天子所御帶以弓鞬投以弓矢于郊禘之前鄭玄注云弗之言祓也禴祀上帝于郊禘以祓無子之疾而得福也月令章句曰高尊也禴祀也吉事先見之象也蓋爲人所以祈子孫之祀玄鳥感陽而至其來主爲孚乳蕃滋故重其至日因以用事契母簡狄蓋以玄鳥至日有事高禘而生契焉故詩曰天命玄鳥降而生商鞬弓衣也祀以高禘之命飲之以醴帶以弓衣尚使得男也離騷曰簡狄在臺營何宜玄鳥致胎女何嘉王逸曰言簡狄侍帝譽於臺上有飛燕墮其卵嘉而吞之因生契鄭玄注禮記曰後王以爲禘官嘉祥而立其祠盧植注云玄鳥至時陰陽中萬物生故於是三牲請子於高禘之神居明顯之處故謂之高因其求子故謂之禴以爲古者有媒氏之官因以爲神晉元康中高禘壇上石破詔問出何經典朝士莫知博士束皙答曰漢武帝晚得太子始爲立高禘之祠高禘者人之先也故立石爲主祀以太牢

明帝永平二年三月上始帥羣臣躬養三老五更于辟雍孝經援神契曰尊三老者父象也講者奉几安車輶

輪供綏執事五更寵以度接禮交容謙恭順貌宋均曰三老老人知天地人事者奉几授三老也安車坐乘之車輶輪滿裏輪供綏三老就車天子親執綏授之五更老

乾隆四年校刊

後漢書卷十四

禮義志

三

人知五行更代之事者度法也度以寵異之也鄭玄注禮記曰皆年老更事致仕者也名三五者取象三辰五星天所以照明天下者玄又一注皆老人更知三德五事者也應劭漢官儀曰三老五更三代所尊也安車輶輪送迎至家天子獨拜于屏三者道成於天地人老者久也舊也五者訓於五品更者五世長子更更相代言其能以善道改更已也三老五更皆取有首妻男女完具臣昭按桓榮五更後除兄子二人補四百石則榮非長子矣蔡邕曰五更長老之稱也行大射之禮

袁山松書曰天子皮郡縣道行鄉飲酒于學校皆祀聖師周公孔子牲以犬鄭玄注儀禮曰

狗取擇人孟冬亦如之石渠論曰鄉射合樂而大射不何也韋玄成曰鄉人本無樂故於歲時合樂以同其意諸侯故自有樂故不復合樂鄭玄注鄉飲酒禮曰今郡國

十月行鄉飲酒禮黨正每歲邦索鬼神而祭祀則以禮屬民而飲酒于序以正齒位之禮凡鄉黨飲酒必於民聚之時欲其見化知尚賢尊長也玄冠衣皮弁服與禮異

服虔應劭曰漢家郡縣饗射祭祀皆假於是七郊禮樂三雍之義備矣養三老五更士禮而行之樂縣笙磬篪俎皆如士制

之儀先吉日司徒上太傅若講師故三公人名用其德行年者高者一人為老次一

人為更也盧植禮記注曰選三公老者為三老卿大夫中之老者為五更亦參五之也皆服都紵大袍單衣阜緣領袖中

衣冠進賢扶玉杖五更亦如之不杖皆齋于太學講堂月令章句曰三老國老也五更庶老也其日乘

輿先到辟雍禮殿御坐東廂遣使者安車迎三老五更天子迎于門屏交禮道自阼

階三老升自賓階至階天子揖如禮三老升東面三公設几九卿正履天子親袒割

牲執醬而饋執爵而酌祝鯁在前祝體在後禮記曰天子適饌省體養老之珍具遂發詠焉退修之以孝養反升歌清廟孝

養也五更南面公進供禮亦如之譙周五經然否曰漢初或云三老答天子拜遭王莽之亂法度殘缺漢中興定禮儀羣臣欲令三老

答拜城門校尉董鈞駿曰養三老所以敬事父之道也若答拜是使天下答子拜也

詔從鈞議譙周論之曰禮尸服上服猶以非親之故答子拜士見異國君亦答拜是

皆不得視猶子也虞喜曰且據漢儀於門屏交禮明日皆詣闕謝恩以見禮遇大尊

顯故也前書禮樂志曰顯宗因祀光武皇帝於明堂養三老五更於辟雍威儀既盛矣德化未流洽者以其禮樂未具羣下無所誦說而庠序尙未設之故也孔子曰譬如爲山未成一簣止吾止也

是月皇后帥公卿諸侯夫人蠶丁字漢儀曰皇后出乘鸞輦青羽蓋駕駟馬龍旂九旒大將軍妻參乘太僕妻御前鸞旂車皮軒闕戟雜

陽令奉引亦千乘萬騎車府令設鹵簿駕公卿五營校尉司隸校尉河南尹妻皆乘其官車帶夫本官綬從其官屬導從皇后置虎賁羽林騎戎頭黃門鼓吹五帝車女

騎夾轂執法御史在前後亦有金鉞黃鉞五將導桑于蠶宮手三盆于薊館畢還宮月令曰禁婦人無觀拔谷永對稱四月壬子皇后蠶桑之日也則漢桑亦用四月

祠先蠶禮以少牢漢舊儀曰春桑生而皇后視桑於苑中蠶室養蠶于薄以上祠以中牢羊豕今蠶神曰菀窳婦人寓氏公主凡二神羣臣妾從桑還

獻於薊觀皆賜從桑者樂皇后自行凡蠶絲絮織室以作祭服祭服者冕服也天地宗廟羣臣五時之服其皇帝得以作縷縫衣得以作中絮而已置蠶官令丞諸天下

官皆詣蠶室亦婦人從事故舊有東西織室作法晉后祠先蠶先蠶壇高一丈方二丈爲四出陛陛廣五尺在采桑壇之東南

是月上巳官民皆絜於東流水上曰洗濯祓除去宿垢疢爲大絜絜者言陽氣布暢

萬物訖出始絜之矣謂之禊也風俗通曰周禮女巫掌歲時以祓除疾病禊者絜也春者蠶也蠶搖動也尚書以殷仲春厥民析言人解析也蔡邕

曰論語暮春者春服既成冠者五六人童子六七人浴乎沂風乎舞雩詠而歸自上及下古有此禮今三月上巳祓禊於水濱蓋出於此杜篤祓禊賦曰巫咸之徒乘火

祈福則巫祝也一說云後漢有郭虞者三月上巳產二女二日中並不生育俗以爲大忌至此月日諱止家皆於東流水上爲祈禳自潔濯謂之禊祠引流行觴遂成曲水

韓詩曰鄭國之俗三月上巳之禳洧兩水之上招魂續魄秉蘭草祓除不祥漢書八

月祓禊水亦斯義也後之良史亦據爲正臣昭曰郭虞之說良爲虛誕假有庶民旬

內天其二女何足驚彼風俗稱爲世忌乎杜篤乃稱王侯公主暨于富商用事伊

維帷幔玄黃本傳大將軍梁商亦歌泣於雒禊也自魏不復用三日水宴者焉

後漢書卷十四

梁

刻

合

劉

昭補并注

禮儀志第五

禮儀中

立夏

請雨

拜皇太子

拜王公

桃印

黃郊

立秋

驅劉

立夏之日夜漏未盡五刻京都百官皆衣赤至季夏衣黃郊其禮祠特祭竈

自立春至立夏盡立秋郡國上下雨澤若少府郡縣各掃除社稷其旱也公卿官長以

次行雩禮求雨

公羊傳曰大雩旱祭也何休注曰君親之南郊以六事謝過自責曰政不善與民失職與宮室崇與婦謁盛與苞苴直行與讒夫倡與使童

男女各入人舞而呼雩故謂之雩春秋繁露曰大旱雩祭而請雨大水鳴鼓而攻社

天地之所為陰陽之所起也或請焉或怒焉何如也曰大旱陽滅陰也陽滅陰者尊

厭卑也固其義也雖大甚拜請之而已敢有加也大水者陰滅陽也陰滅陽者卑勝

尊也以賤陵貴者逆節故鳴鼓而攻之朱絲而脅之為其不義此亦春秋之不畏強

禦也變天地之位正陰陽之序貞行其道而不忘其難義之至也又仲舒奏江都王

云求雨之方損陽益陰願大王無收廣陵女子為人祝者一月租賜諸巫者諸巫母

大小皆相聚於郭門為小壇以脯酒祭女獨擇寬大便處移市市使無內丈夫丈夫

無得相從飲食令吏妻各往視其夫皆到即起雨注而已服虔注左傳曰大雩夏祭

天名雩遠也遠為百穀求膏雨也龍見而雩龍角亢也謂四月昏龍星體見萬物始

盛待雨而大故雩祭以求雨也一說大雩者祭於帝而祈雨也一說郊祀天祈農事

雩祭山川而祈雨也

漢舊儀求雨太常禱天地宗廟社稷山川以賽各如其常牢禮也四月立夏旱乃求雨禱雨而已後旱復重禱而已訖立秋雖旱不得禱求雨也

閉諸陽衣皂輿土龍

山海經曰大荒東北隅有山名曰凶犁土丘應龍處南極殺蚩尤與夸父不得復上故下數旱早而為應龍之狀乃得大雨郭

璞日今之士龍本此氣應自然冥感非人所能為也董仲舒云春早求雨令縣邑以水日令民禱社稷家人祠戶母伐名木毋斬山林暴巫聚蛇八日於邑東門之外為



四通之壇方八尺植蒼繪入其神共工祭之以生魚八立酒具清酒搏脯擇巫之潔  
清辯口利辭者以爲祝祝齋三日服蒼衣先再拜乃跪陳陳已復再拜乃起祝曰昊  
天生五穀以養人今五穀病早恐不成敬進清酒搏脯再拜請雨雨幸大澍奉特禱  
以甲乙日爲大青龍一長八丈居中央爲小龍七各長四丈於東方皆東鄉其間相  
去八尺小僮八人皆齋三日服青衣而舞之田高夫亦齋三日服青衣而立之諸里  
社通之於閭外之溝取五蝦蟇錯置社之中池方八尺深一尺置水蝦蟇焉具清酒  
搏脯祝齋三日服蒼衣拜跪陳視如初取三歲雄雞與三歲豕皆燔之於四通神  
宇令民鬪邑里南門置水其外開里北門具老豕猪一置之里北門之外市中亦置  
一豕猪聞彼鼓聲皆燒猪尾取死人骨埋之開山濶積薪而焚之決通道橋之壅塞  
不行者決瀆之幸而得雨報以豚一酒鹽黍財足以茅爲席毋斷夏求雨令縣邑以  
水日家人祀竈毋舉土功更大浚井暴釜於壇杵曰于衛七日爲四通之壇於邑南  
門之外方七尺植赤繪七其神蚩尤祭之以赤雄雞七立酒具清酒搏脯祝齋三日  
服赤衣拜跪陳視如春以丙丁日爲赤大龍一長七丈居中又爲小龍六長三丈五  
尺於南方皆南鄉其間相去七尺壯者七人皆齋三日服赤衣而舞之司空嗇夫亦  
齋三日服赤衣而立之鑿社而通之閭外之溝取五蝦蟇錯置社之中池方七尺深  
一尺酒脯祭齋衣赤拜跪陳視如初取三歲雄雞豕猪燔之四通神宇開陰閉陽如  
春也季夏禱山陵以助之令縣邑一徙市於邑南門之外五日禁男子無得行入市  
家人祠中霤毋舉土功聚巫市旁爲之結蓋爲四通之壇於中央植黃繪五其神后  
稷祭之以母餽五立酒具清酒搏脯令各爲祝齋三日衣黃衣皆如春祠以戊己日  
爲大黃龍一長五丈居中央又爲小龍四各長二丈五尺於中央皆南鄉其間相去  
五尺丈夫五人皆齋三日服黃衣而舞之老者亦齋三日衣黃衣而立之亦通社中  
於閭外溝蝦蟇池方五尺深一尺他皆如前秋暴巫庭至九日毋舉火事煎金器家  
人祠門爲四通之壇於邑西門之外方九尺植白繪九其神大昊祭之桐木魚九立  
酒具清酒搏脯衣白衣他如春以庚辛日爲大白龍一長九丈居中央爲小龍八各  
長四丈五尺於西方皆西鄉其間相去九尺鰥者九人皆齋三日服白衣而舞之司  
馬亦齋三日衣白衣而立之蝦蟇池方九尺深一尺他如前冬舞龍六日禱於名山  
以助之家人祠井毋壅水爲四通之壇於邑北門之外方六尺植黑繪六其神玄冥  
祭之以黑狗子六立酒具清酒搏脯祝齋三日衣立衣祀禮如春以壬癸日爲大黑  
龍一長六丈居中央又爲小龍五各長三丈於北方皆北鄉其間相去六尺老者六  
人皆齋三日衣黑衣而舞之尉亦齋三日服黑衣而立之蝦蟇池皆如春四時皆庚



子曰令吏民夫婦皆偶處凡求雨大體丈夫欲藏而居女子欲和而樂應龍有翼法言曰象龍之致雨艱矣哉龍乎龍乎新論曰劉歆致雨具作土龍吹律及諸方術無不備設譚問求雨所以爲土龍何也曰龍見者輒有風雨興起以迎送之故緣其象類而爲之立土人舞僮二佾七日一變如故事

周禮曰聖舞帥而舞早暎之事鄭玄曰聖赤皂染羽爲之也早暎注陽也用假色者欲其有時而去之反拘朱索社伐朱鼓漢舊儀曰成帝二年

六月始命諸官止雨朱繩反繫社擊鼓攻之是後水旱常不和干寶曰朱絲繫社社太陰也朱火色也絲維屬天子伐鼓於社責羣陰也諸侯用幣於社請上公也伐鼓

於朝退自攻也此禱賽以少牢如禮漢舊儀曰武帝元封日到七月畢賽之秋冬春聖人厭勝之法也不求雨古今注曰武帝元封六年五月旱女及

巫丈夫不入市也

拜皇太子之儀百官會位定謁者引皇太子當御坐殿下北面司空當太子西北東

面立讀策書畢中常侍持皇太子璽綬東向授太子太子再拜三稽首謁者贊皇太

子臣某甲謁者稱制曰可三公升階上殿賀壽萬歲因大赦天下供賜禮畢罷

拜諸侯王公之儀百官會位定謁者引光祿勳前丁字漢儀曰太常住蓋下東向讀文與此異也謁者引當

拜前當坐伏殿下光祿勳前一拜舉手曰制詔其以某爲某丁字漢儀有夏勤策文曰維元初六年三月甲

子制詔以大鴻臚勤爲司徒曰朕承天序惟稽古建爾于位爲漢輔往率舊職敬敷五教五教在寬左右朕躬宣力四表保乂皇家於戲實惟秉國之均旁祗厥緒時亮

天工可不慎與勤而戒之讀策書畢謁者稱臣某再拜尚書郎以璽印綬付侍御史侍御史前東

面立授璽印綬王公再拜頓首三下贊謁者曰某王臣某新封某公某初謝中謁者

報謹謝贊者立曰謝皇帝爲公興皆冠謝起就位供賜禮畢罷臣昭曰漢立皇后國禮之大而志無其儀

良未可了案蔡質所記立宋皇后儀今取以備闕云尚書令臣囂僕射臣鼎尚書臣  
旭臣乘臣滂臣謨臣詣稽首言伏惟陛下履乾則坤動合陰陽羣臣大小咸以長秋  
宮未定遵舊依典章表仍聞歷時乃聽令月吉日以宋貴人爲皇后應期正位羣生  
兆庶莫不式舞易稱受茲介祉詩云千祿百福子孫千億萬方幸甚今日以定臣  
請太傅太尉司徒司空太常條列禮儀正處上羣臣妾無得上壽如故事臣囂臣鼎  
臣旭臣乘臣滂臣謨臣詣恩聞不達大義誠惶誠恐頓首死罪稽首再拜以聞制曰  
可維建寧四年七月乙未制詔皇后之尊與帝齊體供奉天地祗承宗廟母臨天下  
故有莘與殷姜任母周二代之隆蓋有內德長秋宮闕中宮曠位宋貴人乘淑媛之  
懿體山河之儀威容昭耀德冠後庭羣寮所咨人曰宜哉卜之著龜卦得承乾有司  
奏議宜稱緘組以臨兆民今使太尉襲使持節奉璽綬宗正祖爲副立貴人爲皇后  
其往踐爾位敬宗禮典肅慎中饋無替朕命永終天祿皇后初卽位章德殿太尉使  
持節奉璽綬天子臨軒百官陪位皇后北面太尉住蓋下東向宗正大長秋西向宗  
正讀策文畢皇后拜稱臣妾畢住位太尉襲授璽綬中常侍長樂太僕高鄉侯覽長  
跪受璽綬奏於殿前女史授婕妤婕妤好長跪受以授昭儀昭儀受長跪以帶皇后皇  
后伏起拜稱臣妾訖黃門鼓吹三通鳴鼓畢羣臣以次出  
后卽位大赦天下皇后秩比國王卽位威儀赤紱玉璽

仲夏之月萬物方盛日夏至陰氣萌作恐物不林其禮以朱索連葦葉彌牟朴蠱鍾

以桃印長六寸方三寸五色書文如法以施門戶代以所尙爲飾夏后氏金行作葦

菱言氣交也風俗通曰傳曰萑葦有叢呂氏春秋湯始得伊尹蔽之於廟薰以萑葦

子孫蕃殖不失其類有如萑葦周禮卿大夫之子各曰門子論語曰誰能出不由戶故用葦者欲人之

爲更言氣相更也漢兼用之故以五月五日朱索五色印爲門戶飾以難止惡氣桃印

本漢制所以輔日夏至禁舉大火止炭鼓鑄消石冶皆絕止至立秋如故事是日浚

井改水日冬至鑽燧改火云

先立秋十八日郊黃帝是日夜漏未盡五刻京都百官皆衣黃至立秋迎氣於黃郊樂奏黃鍾之宮歌帝臨冕而執干戚舞雲翹育命所以養時訓也

立秋之日夜漏未盡五刻京都百官皆衣白施皂領緣中衣迎氣於白郊禮畢皆衣絳至立冬

立秋之日自郊禮畢始揚威武斬牲於郊東門以薦陵廟其儀乘輿御戎路白馬朱

鬣躬執弩射牲牲以鹿麋月令曰天子乃厲勃執弓挾矢以獵月令章句曰親執弓以射禽所以教兆民載戰事也四時閑習以救無辜以伐

有罪所以強兵保民安不忘危也太宰令謁者各一人載獲車馳騶送陵廟還宮遣使者齋束帛以

賜武官漢官各秩曰賜太尉將軍各六十四匹執金吾諸校尉各三十匹武官倍於文官武官肄兵習戰陣之儀斬牲之禮各

曰貍劉兵官皆肄孫吳兵法六十四陣名曰乘之月令孟冬天子講武習射御角力盧植注曰角力如漢家乘之引闕

蹋鞠之屬也今月令季秋天子乃教田獵以習五戎月令章句曰寄戎事之教於田獵武事不可空設必有以誠故寄教於田獵閑肄五兵天子諸侯無事而不田為不

敬田不以禮為暴天物周禮司馬以旗致民平列陣如戰之陣王執路鼓諸侯執賁鼓軍將執晉鼓師帥執提旅師執鞞卒長執鏡兩司馬執鐸公司馬執獨以教坐作

進退疾徐疏數之節士卒聽聲視旗隨而前却故曰師之耳目在吾旗鼓春教振旅以蒐田夏教芟舍以苗田秋教治兵以獮田冬教大閱以狩田春夏示行禮取禽供

事而已秋者殺時田獵之正其禮盛獨斷曰巡狩校獵還公卿以下陳雒陽都亭前街上乘輿到公卿下拜天子下車公卿親識顏色然後還宮古語曰在車為下唯此

時施行魏書曰建安二十一年三月曹公親耕藉田有司奏四時講武於農隙漢承秦制三時不講唯十月車駕幸長安水南門會五營士為八陣進退名曰乘之今金

革未偃士民素習可無四時講武但以立秋擇吉立春遣使者齋束帛以賜文官

日大朝車騎號曰治兵上合禮名下承漢制也

名秩曰賜司徒司空帛四十四匹九卿十五匹  
今注曰建武八年立春賜公十五匹卿十匹  
古  
劉之禮祠先虞執事告先虞已烹

鮮時有司乃逡巡射牲獲車畢有司告事畢  
古今注曰永平元年六月乙卯初令百官  
官  
獬廌白幕皆霜風俗通稱韓子書山

居谷汲者賸臘而寘水楚俗常以十二月祭飲食也又曰當新始殺食曰獬廌

仲秋之月縣道皆案戶比民年始七十者授之以玉杖舖之糜粥八九十禮有加

賜玉杖長尺端以鳩鳥為飾鳩者不噎之鳥也欲老人不噎是月也祀老人星于國

都南郊老人廟

季秋之月祠星于城南壇心星廟

立冬之日夜漏未盡五刻京都百官皆衣皂迎氣於黑郊禮畢皆衣絳至冬至絕事

冬至前後君子安身靜體百官絕事不聽政擇吉辰而後省事絕事之日夜漏未盡

五刻京都百官皆衣絳至立春諸王時變服執事者先後其時皆一日日冬至夏至

陰陽晷景長短之極微氣之所生也  
白虎通曰至日所以休兵不與事閉關商旅不行何此日陰陽氣微王者承天理物故率天下

靜不復行役以扶助微氣成萬物也夏至陰氣始動冬至陽氣始萌易曰先王以至日閉關商旅不行夏至陰始起反大熱何陰氣始起陽氣推而上故大熱也冬至陽

始起陰氣推而上故大寒也  
故使八能之士八人或吹黃鍾之律間竽或撞黃鍾之鍾或度晷景

權水輕重水一升冬重十三兩或擊黃鍾之磬或鼓黃鍾之瑟軫間九尺二十五弦

宮處于中左右為商徵角羽或擊黃鍾之鼓先之三日太史謁之至日夏時四孟冬

則四仲其氣至焉先氣至五刻太史令與八能之士郎坐于端門左塾太子具樂器  
夏赤冬黑列前殿之前西上鍾爲端守宮設席于器南北面東上正德席鼓南西面  
令晷儀東北三刻中黃門持兵引太史令八能之士入自端門就位二刻侍中尙書  
御史謁者皆陛一刻乘輿親御臨軒安體靜居以聽之太史令前當軒溜北面跪舉  
手曰八能之士以備請行事制曰可太史令稽首曰諾起立少退顧令正德曰可行  
事正德曰諾皆旋復位正德立命八能士曰以次行事間音以竽八能曰諾五音各  
三十爲闕正德曰合五音律先唱五音並作二十五闕皆音以竽樂叶圖徵曰夫聖人之作樂不可以  
自娛也所以觀得失之效者也故聖人不取備於一人必從八能之士故撞鍾者當  
知鍾擊鼓者當知鼓吹管者當知管吹竽者當知竽擊磬者當知磬鼓琴者當知琴  
故八士曰或調陰陽或調律曆或調五音故撞鍾者以知法度鼓琴者以知四海擊  
磬者以知民事鍾音調則君道得君道得則黃鍾蕤賓之律應君道不得則鍾音不  
調鍾音不調則黃鍾蕤賓之律不應鼓音調則臣道得臣道得則太簇之律應管音  
調則律曆正律曆正則夷則之律應磬音調則民道得民道得則林鍾之律應竽音  
調則法度得法度得則無射之律應琴音調則四海合歲氣百川一合德鬼神之道  
行祭祀之道得如此則姑洗之律應五樂皆得則應鍾之律應天地以和氣至則和  
氣應和氣不至則天地和氣不應鍾音調下臣以法賀主鼓音調主以法賀臣磬音  
調主以德施於百姓琴音調主以德及四海八能之士常以日冬至成天文日夏至  
成地理作陰樂以成天文作陽樂以成地理

訖正德曰八能士各言事八能士各書板言事文曰臣某言

今月若干日甲乙日冬至黃鍾之音調君道得孝道褒商臣角民徵事羽物各一板  
否則召太史令各板書封以皂囊送西陛跪授尙書施當軒北面稽首拜上封事尙

書授侍中常侍迎受報聞以小黃門幡麾節度太史令前曰禮畢制曰可太史令前

稽首曰諾太史令八能士詣太官受賜陛者以次罷日夏至禮亦如之蔡邕獨斷曰冬至至陽氣始

動夏至陰氣始起麋鹿角解故寢兵鼓身欲寧志欲靜故不聽事迎送五日臘者歲終大祭縱吏民宴飲非迎氣故但送不迎正月歲首亦如臘儀冬至至陽氣起君道長

故賀夏至至陰氣起君道衰故不賀鼓以動衆鍾以止衆故夜漏盡鼓鳴則起晝漏盡鍾鳴則息

季冬之月星迴歲終陰陽以交勞農大享臘高堂隆曰帝王各以其行之盛而祖以

火家以午祖以戌臘秦靜曰古禮出行有祖祭歲終有蜡臘無正月必祖之祀漢氏以午祖以戌臘午南方故以祖冬者歲之終物畢成故以戌臘而小數之學者因為

之說非典文也

先臘一日大儺譙周論語注曰儺却之也謂之逐疫漢舊儀曰顓頊氏有三子生而亡去為疫鬼一居人宮室區隅滛庾善驚人小兒月令章句曰日行北方之宿北方大陰恐

為所抑故命有司大儺所以扶陽抑陰也盧植禮記注曰所以逐衰而迎新其儀

選中黃門子弟年十歲以上十二以下百二十人為儺子皆赤幘皂製執大鼗漢舊儀曰

方相帥百隸及童女以桃弧棘矢土鼓鼓且射之以赤丸五穀播灑之譙周論語注曰以葦矢射之薛綜曰儺之言善善童幼子也方相氏黃金四目

蒙熊皮玄衣朱裳執戈揚盾十二獸有衣毛角中黃門行之冗從僕射將之以逐惡

鬼于禁中夜漏上水朝臣會侍中尚書御史謁者虎賁羽林郎將執事皆赤幘陛衛

乘輿御前殿黃門令奏曰儺子備請逐疫於是中黃門倡儺子和曰甲作食殂腓胃

食虎雄伯食魅騰簡食不祥攬諸食咎伯奇食夢强梁祖明共食磔死寄生委隨食



觀錯斷食巨窮奇騰根共食盡凡使十二神追惡凶赫女驅拉女斡節解女肉抽女

肺腸女不急去後者為糧東京賦曰捐魑魅斲獠狂斬委蛇臍方良因耕父於清冷溺女魑於神潢殘夔夔與罔象殪壅仲而獵游光注曰魑

魅山澤之神獨狂惡鬼委蛇大如車轂方良草澤神耕父女魑皆旱鬼惡水故四溺於水中使不能為害夔魑罔象木石之怪壅仲游光兄弟八人恒在人間作怪害也

孔子曰木石之怪夔罔兩水之怪龍罔象臣昭曰木石山怪也夔一足越人謂之山獾罔兩山精好學人聲而迷惑人龍神物也非所常見故曰怪罔象食人一名沐塵

埤蒼曰獠因作方相與十二獸儼嚙呼周徧前後省三過持炬火送疫出端門東京賦曰

狂無頭鬼因作方相與十二獸儼嚙呼周徧前後省三過持炬火送疫出端門東京賦曰

煌火馳而星流逐赤疫於四裔注曰煌火光逐驚走煌然火門外騶騎傳炬出官司

馬闕門門外五營騎士傳火棄雒水中東京賦注曰衛士千人在端門外五營千騎在衛士外為三部更送至雒水凡三輩逐鬼

投雒水中仍上天池絕其橋梁使不得度還百官官府各以木面獸能為儺人師訖設桃梗鬱儡葦菱畢

執事陞者罷山海經曰東海中有度朔山上有大桃樹蟠屈三千里其卑枝門曰東北鬼門萬鬼出入也上有二神一人曰神荼一曰鬱儡主閱領眾鬼之

惡害人者執以葦索而用食虎於是黃帝法而象之毆除畢因立桃梗於門戶上畫鬱儡持葦索以御凶鬼畫虎於門當食鬼也史記曰東至於蟠木風俗通曰黃帝上

古之時有神荼與鬱儡兄弟二人性能執鬼桃梗梗者更也歲終更始受介社也蘇秦說孟嘗君曰土偶人語桃梗今子東國之桃木削子為人虎者陽物百獸之長能

擊鷲性食鬼魅者也葦戟桃杖以賜公卿將軍特侯諸侯云漢官名秩曰大將軍三公臘賜錢各三十萬牛肉二百斤粳米二百

斛特侯十五萬卿十萬校尉五萬尚書丞郎各萬五千石六百石各七千侍御史謁者議郎尚書令各五千郎官蘭臺令史三千中黃門羽林虎賁士二人共三千以為

當祠門戶直各隨多少受也

是月也立土牛六頭於國都郡縣城外丑地以送大寒月令章句曰是月之會建丑丑為牛寒將極是故出其物

乾隆四年校刊 後漢書卷十五 禮義志 五



類形象以示送達之且以升陽也

饗遣故衛士儀百官會位定謁者持節引故衛士入自端門衛司馬執幡鉦護行行

定侍御史持節慰勞以詔恩問所疾苦受其章奏所欲言畢饗賜作樂觀以角抵樂

闕罷遣勸以農桑

周禮曰府史以下則有胥有徒鄭玄注曰此謂民給徭役若今衛士矣蔡邕曰見客平樂饗衛士瑰偉壯觀也

每月朔歲首為大朝受賀其儀夜漏未盡七刻鍾鳴受賀及贄公侯璧中二千石二

千石羔千石六百石鴈四百石以下雉

獻帝起居注曰舊典市長執鴈建安八年始令執雉

百官賀正月

伏疑要注

曰古者朝會皆執贄侯伯執圭子男執璧孤執皮帛卿執羔大夫執鴈士執雉漢魏粗依其制正旦大會諸侯執玉璧薦以鹿皮公卿以下所執如古禮古者衣皮故用

皮帛為幣玉以象德璧以稱事不以貨沒禮庶羞不踰牲宴衣不踰祭服輕重之宜也

二千石以上上殿稱萬歲

蔡邕獨斷曰三公奉璧上

殿向御座北面太常贊曰皇帝為君與三公伏皇帝坐乃進璧古語曰御坐則起此之謂也

舉觴御坐前司空奉羹大司農奉飯

奏食舉之樂百官受賜宴饗大作樂

蔡質漢儀曰正月旦天子幸德陽殿臨軒公卿將大夫百官各陪朝賀璧貂胡羌朝貢畢見屬

郡計吏皆陛觀庭燎宗室諸劉雜會萬人以上立西面位定公納薦太官賜食酒西入東出既定上壽計吏中庭北面立太官上食賜羣臣酒食貢事御史四人執法殿

下虎賁羽林弧弓撮矢陛戟左右戎頭偏肚陪前向後左右中郎將住東西羽林虎賁將住東北五官將住中央悉坐就賜作九賓徹樂舍利從西方來戲於庭極乃畢

入殿前激水化為比目魚跳躍嗽水作霧鄴日畢化成黃龍長八丈出水遊戲於庭炫耀日光以兩大絲繩繫兩柱中頭間相去數丈兩倡女對舞行於繩上對面道逢

切肩不傾又賜局出身藏形於斗中鍾磬並作樂畢作魚龍曼延小黃門吹三通謁者引公卿羣臣以次拜微行出罷卑官在前尊官在後德陽殿周旋容萬人陛高二

丈皆文石作壘激沿水於殿下畫屋朱梁玉階金柱刻鏤作宮掖之好則以青翡翠一柱三帶韜以赤緹天子正旦節會朝百官於此自到假師去宮四十三里望朱雀

五闕德陽其上鬱嶺與天連雒陽宮閣傳云德陽宮殿南北行七丈東西行三十七丈四尺其每朔唯十月旦從故事者高祖定

秦之月元年歲首也蔡邕曰羣臣朝見之儀視不晚朝十月朔之故以問胡廣廣曰善儀公卿以下每月常朝先帝以其頻故省唯六月十月朔朝

後復以六月朔盛暑省之蔡邕禮樂志曰漢樂四品一曰大予樂典郊廟上陵殿諸

食舉之樂郊樂易所謂先王以作樂崇德殷薦上帝周官若樂六變則天神皆降可

得而禮也宗廟樂虞書所謂琴瑟以詠祖考來假詩云肅雍和鳴先祖是聽食舉樂

王制謂天子食舉以樂周官王大食則命奏鍾鼓二曰周頌雅樂典辟雍饗射六宗

社稷之樂辟雍饗射孝經所謂移風易俗莫善於樂禮記曰揖讓而治天下者禮樂

之謂也社稷詩所謂琴瑟擊鼓以御田祖者也禮記曰夫樂施於金石越於聲音用

乎宗廟社稷事乎山川鬼神此之謂也三曰黃門鼓吹天子所以宴樂羣臣詩所謂

坎坎鼓我蹲蹲舞我者也其短簫鏡歌軍樂也其傳曰黃帝岐伯所作以建威揚德


風勸士也蓋周官所謂王大捷則令凱樂軍大獻則令凱歌也孝章皇帝親著歌詩

四章列在食舉又制雲臺十二門詩各以其月祀而奏之嘉平四年正月申出雲臺

十二門新詩下太子樂官習誦被聲

與舊詩並行者皆當撰錄以成樂志

乾隆四年校刊



後漢書卷十五

梁

剡

令

劉

昭補并注

禮儀志第六

禮儀下

大喪 諸侯王列侯始封貴人公主薨

不豫太醫令丞將醫入就進所宜藥嘗藥監近臣中常侍小黃門皆先嘗藥過量十  
二公卿朝臣問起居無間太尉告請南郊司徒司空告請宗廟告五嶽四瀆羣祀並  
禱求福疾病公卿復如禮登遐皇后詔三公典喪事百官皆衣白單衣白幘不冠閉  
城門宮門近臣中黃門持兵虎賁羽林郎中署皆嚴宿衛宮府各警北軍五校繞宮  
屯兵黃門令尚書御史謁者晝夜行陳三公啓手足色膚如禮皇后皇太子皇子哭

踊如禮沐浴如禮守宮令兼東園匠將女執事黃緜緹繪金縷玉柙如故事

漢舊儀 日帝崩

哈以珠纏以緹繪十二重以玉為襦如鎧狀連縫之以黃金為縷腰以下以玉為札  
長一尺二寸半為柙下至足亦縫以黃金縷請諸衣衿斂之凡乘輿衣服已御輒藏  
之崩皆 飯哈珠玉如禮 禮稽命徵曰天子飯以珠哈以玉諸侯飯 槩冰如禮 周禮凌

喪供夷槩冰鄭玄曰夷之言尸也實冰于槩中置之尸牀之下所 百官哭臨殿下是

以寒尸也漢禮器制度大槩廣八尺長一丈二尺深三尺漆赤中

日夜下竹使符告郡國二千石諸侯王 應劭曰凡與郡國守相竹使符皆以竹箭五

以代古之珪璋從簡易也 此下大喪符亦猶斯比 竹使符到皆伏哭盡哀 漢舊制發兵皆以銅虎符其餘徵

杜詩傳

小斂如禮東園匠考工令奏東園祕器表裏洞赤虞文畫日月烏龜龍虎連壁

偃月牙檜梓宮如故事大斂于兩楹之間五官左右虎賁羽林五將各將所部執虎

賁戟屯殿端門陞左右廂中黃門持兵陞殿上夜漏羣臣入晝漏上水大鴻臚設九

賓隨立殿下謁者引諸侯王立殿下西面北上宗室諸侯四姓小侯在後西面北上

治禮引三公就位殿下北面特進次中二千石列侯次二千石六百石博士在後羣

臣陪位者皆重行西上位定大鴻臚言具謁者以聞皇后東向貴人公主宗室婦女

以次立後皇太子皇子在東西向皇子少退在南北面皆伏哭大鴻臚傳哭羣臣皆

哭三公升自阼階安梓宮內珪璋諸物近臣佐如故事嗣子哭踊如禮

周禮駟珪璋壁琮琬璜皆為開渠為眉瑒沙除以斂尸令汁得流去也鄭玄曰以斂尸者於大斂焉加之也渠眉玉飾之溝瑒

也以組穿聯六玉溝瑒之中以斂尸珪在左瑒在首琬在右璜在足壁在背琮在腹蓋取象方明神之也疏壁琮者通於天地東園匠武士下釘衽

截去牙

喪大記曰君蓋用漆三衽三束鄭玄注曰衽小腰太常上太牢奠太官食監中黃門尚食次奠執事

者如禮太常大鴻臚傳哭如儀三公奏尚書顧命太子即日即天子位于樞前請太

子即皇帝位皇后為皇太后奏可羣臣皆出吉服入會如儀太尉升自阼階當樞御

座北面稽首讀策畢以傳國玉璽綬東面跪授皇太子即皇帝位中黃門掌兵以玉

具隨侯珠斬蛇寶劔授太尉告令羣臣羣臣皆伏稱萬歲或大赦天下遣使者詔開

城門宮門罷屯衛兵羣臣百官罷入成喪服如禮兵官戎文帝遺詔無布車及兵器應劭曰不施輕車介士

三公太常如禮故事百官五日一會臨故吏二千石刺史在京都郡國上計掾史皆

五日一會天下吏民發喪臨三日文帝遺詔其令天下吏民令到出臨三日釋服先葬二日皆旦晡臨既葬

釋服無禁嫁娶祠祀文帝遺詔文有飲酒食肉自當給喪事服臨者皆無踐踐徒跣也佐吏以下布衣冠幘經帶無

過三寸臨庭中文帝遺詔殿中當臨者以旦夕各十五舉音禮畢能非旦夕臨時禁無得擅哭臨武吏布幘大冠大司農出

見錢穀給六丈布直以葬大紅十五日小紅十四日織七日釋服應劭曰紅者中祥大祥以紅為領緣

織禫也凡三十六日而釋部刺史二千石列侯在國者及關內侯宗室長吏及因郵奉奏諸侯王

遣大夫一人奉奏弔臣請驛馬露布奏可以木為重高九尺廣容八歷裹以葦席巾

門喪帳皆以輦車皆去輔輻疏布惡輪走卒皆布禭幘太僕四輪輈為賓車大練為

屋幘中黃門虎賁各二十人執紼司空擇土造穿太史卜日謁者二人中謁者僕射

中謁者副將作油緹帳以覆坑方石治黃腸題湊便房如禮漢舊儀略載前漢諸帝壽陵曰天子即位明年

將作大匠營陵地用地七頃方中用地一項深十三丈堂壇高三丈墳高十二丈武

帝墳高二丈明中高一丈七尺四周二丈內梓棺栢黃腸題湊以次百官藏畢其

設四通羨門容大車六馬皆藏之內方外陟車石外方立先開劔戶戶設夜龍莫邪

劔伏弩設伏火已營陵餘地為西園后陵餘地為婕妤以下次賜親屬功臣漢書音

義曰題頭也湊以頭向內所以為固也便房藏中便坐也皇覽曰漢家之葬方中百

步已穿築為方城其中開四門四通足放六馬然後錯渾雜物并漆繪綺金寶米穀

及埋車馬虎豹禽獸發近郡卒徒置將軍尉侯以後

宮貴幸者皆守園陵元帝葬乃不用車馬禽獸等物

大駕太僕御方相氏黃金四目

乾隆四年校刊

後漢書卷十六 豐義志

蒙熊皮玄衣朱裳執戈揚楯立乘四馬先驅

周禮曰方相氏大喪先柩及墓入壙以戈擊四隅方良鄭玄曰方相放想也

可畏怖之貌壙穿地中也方良周兩也天子之椁柏黃腸爲裏表以石焉國語曰木石之怪夔罔兩

旂之制長三仞十有二旂曳地畫

日月升龍書旒曰天子之柩謁者二人立乘六馬爲次大駕甘泉鹵簿金根容車蘭

臺法駕喪服大行載飾如金根車皇帝從送如禮太常上啓奠夜漏二十刻太尉冠

長冠衣齋衣乘高車詣殿止車門外使者到南向立太尉進伏拜受詔太尉詣南郊

未盡九刻大鴻臚設九賓隨立羣臣入位太尉行禮執事皆冠長冠衣齋衣太祝令

跪讀諡策太尉再拜稽首治禮告事畢太尉奉諡策還詣殿端門太常上祖奠中黃

門尚衣奉衣登容根車東園武士載大行司徒却行道立車前治禮引太尉入就位

大行車西少南東面奉策太史令奉哀策立後太常跪曰進皇帝進太尉讀諡策藏

金匱皇帝次科藏於廟太史奉哀策葦篋詣陵太尉旋復公位再拜立哭太常跪曰

哭大鴻臚傳哭十五舉音止哭太常行遣奠皆如禮請哭止哭如儀晝漏上水請發

司徒河南尹先引車轉太常跪曰請拜送載車著白系參繆紉長三十丈大七寸爲

輓六行行五十人公卿以下子弟凡三百人皆素幘委貌冠衣素裳校尉三人皆赤

幘不冠絳科單衣持幢幡候司馬丞爲行首皆銜枚羽林孤兒巴俞擻歌者六十人

爲六列鐸司馬八人執鐸先大鴻臚設九賓隨立陵南羨門道東北面諸侯王公特



進道西北面東上中二千石二千石列侯宜九賓東北面西上皇帝白布幕素裏夾

羨道東西向如禮容車幄坐羨道西南向車當坐南向中黃門尚衣奉衣就幄坐車

少前太祝進醴獻如禮司徒跪曰大駕請舍太史令自車南北面讀哀策掌故在後

已哀哭太常跪曰哭大鴻臚傳哭如儀司徒跪曰請就下位東園武士奉下車司徒

跪曰請就下房都導東園武士奉車入房司徒太史令奉諡哀策晉時有人嵩高山

有兩行科斗書之臺中外傳以相示莫有知者司空張華以問博東園武士執事下

明器禮記曰明器神明之也孔子謂為明器知喪道矣備物笱八盛容三升鄭玄注

笱畚種類也其黍一稷一麥一梁一稻一麻一菽一小豆一甕三容三升醢一醢一

屑鄭玄注既夕曰黍飴載以木桁覆以疏布甗二容三升醴一酒一載以木桁覆

以功布瓦鍙一彤矢四軒輶中亦短衛彤矢四骨短衛既夕曰獮矢一乘骨鍙短衛

之矢也四矢曰乘骨鍙短衛亦示不用也生時獮矢金彤弓一卮八牟八鄭玄注既

漿豆八籩八形方酒壺八槃匱一具鄭玄注既夕曰杖几各一蓋一鍾十六無虞罇

四無虞爾雅曰大鍾謂之罇郭璞注磬十六無虞禮記曰有鍾磬而無篳壘一簫四

笙一箎一祝一敔一瑟六琴一竽一筑一坎侯一禮記曰琴瑟張而不干戈各一竿

一甲一冑既夕謂之役器輓車九乘芻靈三十六匹鄭玄注禮記曰芻靈束茅瓦

乾隆四年校刊 後漢書卷十六 豐義志 三

竈二瓦釜二瓦甑一瓦鼎十二容五升匏勺一容一升瓦案九瓦大杯十六容三升瓦小杯二十容二升瓦飯槃十瓦酒樽二容五斗匏勺二容一升祭服衣送皆畢東園匠曰可哭在房中者皆哭太常大鴻臚請哭止如儀司徒曰百官事畢臣請罷從入房者皆再拜出就位太常導皇帝就贈位司徒跪曰請進贈侍中奉持鴻洞贈玉珪長尺四寸薦以紫巾廣袤各三寸緹裏赤纁周緣贈幣玄三纁二各長尺二寸廣充幅皇帝進跪臨羨道房戶西向手下贈投鴻洞中三東園匠奉封入藏房中太常

跪曰皇帝敬再拜請哭大鴻臚傳哭如儀太常跪曰贈事畢皇帝促就位續漢書曰明帝崩司徒鮑昱典喪事葬日三公入安梓宮還至羨道半逢上欲下昱前叩頭言禮天子鴻洞以贈所以重郊廟也陛下柩何冒危險不以義割哀上卽還容根車游

載容衣司徒至便殿並輦騎皆從容車玉帳下司徒跪曰請就幄導登尚衣奉衣以次奉器衣物藏於便殿太祝進醴獻几下用漏十刻禮畢司空將校復土皇帝皇后

以下皆去麤服服大紅還宮反廬立主如禮桑木主尺二寸不書諡虞禮畢祔於廟

如禮漢舊儀曰高帝崩三日小斂室中牖下作栗木主長八寸前方後圓圍一尺置牖中望外內張絲絮以韜外以皓木大如指長三尺四枚纏以皓皮四方置牖

中主居其中中央七日大斂棺以黍飯羊舌祭之牖中已葬收主爲木函藏廟太室中西牆壁垆中望內外不出室堂之上坐爲五時衣冠履几杖竹籠爲傭人無頭坐起如生時皇后主長七寸圍九寸在皇帝主右旁高皇帝主長九寸上林給栗木長安祠廟作神主東園祕器作梓棺素木長丈三尺崇廣四尺先大駕日游

冠衣于諸宮諸殿羣臣皆吉服從會如儀皇帝近臣喪服如禮醴大紅服小紅十一

升都布練冠醜小紅服織醜織服留黃冠常冠近臣及二千石以下皆服留黃冠百  
官衣阜每變服從哭詣陵會如儀祭以特牲不進毛血首司徒光祿勳備三爵如禮

古今注具載帝陵丈尺頃畝今附之後焉 光武原陵山方三百二十三步高六丈

六尺垣四出司馬門寢殿鍾虞皆在周垣內隄封田十二頃五十七畝八十五步帝

王世紀曰在臨平亭之南西望平陰東南去雒陽十五里 明帝顯節陵山方三百

步高八丈無周垣為行馬四出司馬門石殿鍾虞在行馬內寢殿園省在東園寺吏

舍在殿北隄封田七十四頃五畝帝王世紀曰故富壽亭也西北去雒陽三十七里

章帝敬陵山方三百步高六丈二尺無周垣為行馬四出司馬門石殿鍾虞在行

馬內寢殿園省在東園寺吏舍在殿北隄封田二十五頃五十五畝帝王世紀曰在

雒陽東南去雒陽三十九里 和帝慎陵山方三百八十步高十丈無周垣為行馬

四出司馬門石殿鍾虞在行馬內寢殿園省在東園寺吏舍在殿北隄封田三十一

頃二十畝二百步帝王世紀曰在雒陽東南去雒陽四十一里 殤帝康陵山周二

百八步高五丈五尺行馬四出司馬門寢殿鍾虞在行馬中因寢殿為廟園吏寺舍

在殿北隄封田十三頃十九畝二百五十步帝王世紀曰高五丈四尺去雒陽四十

八里 安帝恭陵山周二百六十步高十五丈無周垣為行馬四出司馬門石殿鍾

虞在行馬內寢殿園吏舍在殿北隄封田一十四頃五十六畝帝王世紀曰高十一

丈在雒陽西北去雒陽十五里 順帝憲陵山方三百步高八丈四尺無周垣為行

馬四出司馬門石殿鍾虞在行馬內寢殿園省寺吏舍在殿東隄封田十八頃十九

畝三十步帝王世紀曰在雒陽西北去雒陽十五里 冲帝懷陵山方百八十三步

高四丈六尺為寢殿行馬四出門園寺吏舍在殿東隄封田五頃八十畝帝王世紀

曰西北去雒陽十五里 質帝靜陵山方百三十六步高五丈五尺為行馬四出門

寢殿鍾虞在行馬中園寺吏舍在殿北隄封田十二頃五十四畝因寢為廟帝王世  
紀曰在雒陽東去雒陽三十二里 桓帝宣陵帝王世紀曰山方三百步高十二丈  
在雒陽東南去雒陽三十里 靈帝文陵帝王世紀曰山方三百步高十二丈在雒  
陽西北去雒陽二十里 獻帝禪陵帝王世紀曰不起墳深五丈前堂方一丈八尺  
後堂方一丈五尺角廣六尺在河內山陽之濁城西北去濁城直行十一里斜行七  
里去懷陵百一十里 去山陽五十里南去雒陽三百一十里蔡質漢儀曰十二陵今  
見在河南尹無敬也 魏文帝終制略曰漢文帝之不發霸陵無求也光武之掘原

陵封樹也霸陵之完功在釋之原陵之掘罪在明帝是釋之忠以利君明帝愛以害親也忠臣孝子宜思釋之之言察明帝之戒存於所以安君定親使魂靈萬載無危斯則聖賢之忠孝矣自古及今未有不亡之國亦無不掘之墓也喪亂以來漢氏諸陵無不發掘至乃燒取玉押金鏤骸骨并盡是焚如之刑也豈不重痛哉禍由乎厚葬封樹桑菴爲我戒不亦明乎臣昭按董卓傳卓使呂布發諸帝陵及公卿以下冢墓收其珍寶卓別傳曰發成帝陵解金縷探含璣焉呂氏春秋略曰審知生聖人之要也審知死聖人之極也知生者不以物害生知死者不以物害死凡生於天地之間其必有死孝子之重其親者若親之愛其子不棄於溝壑故有葬送之義葬者藏也以生人心爲之慮則莫如無動無動莫如無利葬淺則狐狸掘之深則及水泉故必高陵之上以避二害然而忘姦寇之變豈不惑哉民之于利也犯白刃涉危難以求之忍親戚欺知交以求之今無此危無此醜而爲利甚厚固難禁也國彌大家彌富其葬彌厚珠玉金銅不可勝計姦人聞之轉以相告雖有嚴刑重罪不能止也且死者彌久生者彌疏彌疏則守之彌怠藏器如故而守之有怠其勢固必掘矣世至爲丘隴其高若山陵樹之若林藪或設闕庭都邑以此示富則可矣以此爲死者則惑矣大凡死者其視萬世猶一瞑也人之壽久者不過百中者六十以百與六十爲無窮者慮其情固不相當矣必以無窮爲慮然後爲可今有銘其墓曰此中有金寶甚厚不可掘也必爲世笑矣而爲之闕庭以自表此何異彼哉自古及今未有不亡之國也無不亡之國是無不掘之墓以耳目之所聞見則齊荆燕嘗亡矣宋中山已亡矣趙韓魏皆失其故國矣自此以上亡國不可勝數故其大墓無不掘也而猶皆爭爲之豈不悲哉今夫君之不令民父之不教子兄之不悌弟皆鄉邑之所遺而憚耕耒之勞者也仍不事耕農而好鮮衣侈食智巧窮匱則合黨連眾而謀名丘大墓上曾不能禁也此有葬自表之禍也昔堯葬穀林通樹之舜葬紀市不變肆禹葬會稽不變人徒非愛其費以爲死者也先王之所惡惡死者之辱以爲儉則不發不辱故必以儉而合乎山原也宋未亡而東冢掘齊未亡而莊公掘國存而乃若此又况滅名之後乎此愛而厚葬之故也欲愛而反害之欲安而反危之忠臣孝子亦不可以厚葬矣昔季孫以與璠斂孔子歷級而止之爲無窮慮也

太皇太后皇太后崩司空以特牲告諡于祖廟如儀長樂太僕少府太長秋典喪事

三公奉制度他皆如禮儀

丁孚漢儀曰永平七年陰太后崩晏駕詔曰柩將發於殿羣臣百官陪位黃門鼓吹三通鳴鐘鼓天子舉哀女侍史

官三百人皆著素參以白素引棺挽歌下殿就車黃門宦者引以出宮省太后魂車  
鸞路青羽蓋馴馬龍吟龍吟方相皇車大將軍妻參乘太僕妻御悉道公卿  
百官如天子郊鹵簿儀後和嘉節后嘉節后合葬羨道開通皇帝謁便房太常導至羨道去  
葬案以爲儀自此皆降損於前事也

杖中常侍受至柩前謁伏哭止如儀辭太常導出中常侍授杖升車歸宮已下反虞

立主如禮諸郊廟祭服皆下便房五時朝服各一襲在陵寢其餘及宴服皆封以篋

### 筭藏宮殿後閣室

諸侯王列侯始封貴人公主薨皆令贈印璽玉柙銀縷大貴人長公主銅縷諸侯王

貴人公主公將軍特進皆賜器宮中二十四物使者治喪穿作柩椁百官會送如故

事諸侯王公主貴人皆樟棺洞朱雲氣畫公特進樟棺黑漆中二千石以下坎侯漆

丁字漢儀曰孝靈帝葬馬貴人贈步搖赤紱葬青羽蓋駟馬柩下朝臣中二千石將

軍使者弔祭郡國二千石六百石以至黃綬皆賜常車驛牛贈祭宜自佐史以上達

大斂皆以朝服君臨弔若遣使者主人免經去杖望馬首如禮免經去杖不敢以威

凶服當尊者前書賈山上書曰古之賢君子臣也尊其爵祿而親之疾則臨視之無

數死則往弔哭之臨其小斂大斂已棺塗而後爲之服錫衰經而三臨

其喪未斂而不飲酒食肉未葬不舉樂可謂盡禮矣服法服端容貌正顏色然後見

之故臣下莫敢不竭力盡死以報其上功德立於世而令問不忘也晉起居注曰太  
尉賈充薨皇太子妃之父又太保也有司奏依漢元明 自王主貴人以下至佐史送  
二帝親臨師保故事皇太子素服爲發哀又臨其喪  
車騎導從吏卒各如其官府載飾以蓋龍首魚尾華布牆纁上周交絡前後雲氣畫

帷裳中二千石以上有輜左龍右虎朱鳥玄武公侯以上加倚鹿伏熊千石以下繡布蓋牆魚龍首尾而已二百石黃綬以下至于處士皆以簾席爲牆蓋其正妃夫人妻皆如之諸侯王傳相中尉內史典喪事大鴻臚奏諡天子使者贈璧帛載日命諡如禮下陵羣臣醴麤服如儀主人如禮

贊曰大禮雖簡鴻儀則容天尊地卑君莊臣恭質文通變哀敬交從元序斯立家邦  
廼隆

後漢書卷十六考證

禮儀志下備三爵如禮注蔡質漢儀曰十二陵今見在河南尹無敬也○按何焯校本今改令削在字又世至爲丘隴何焯校本曰至疑之



後漢書卷十六考證

祭祀志第七

祭祀上

光武卽位告天

郊

封禪

祭祀之道自生民以來則有之矣豺獮知祭祀而況人乎故人知之至於念想猶豺

獮之自然也顧古質畧而後文飾耳自古以來王公所爲羣祀至於王莽漢書郊祀

志旣著矣故今但列自中興以來所修用者以爲祭祀志

謝沈書曰蔡邕引中興以來所脩者爲祭祀志卽邕

之意也

建武元年光武卽位于鄗爲壇營於鄗之陽

春秋保乾圖曰建天子於鄗之陽名曰行皇

祭告天地采用

元始中郊祭故事六宗羣神皆從未以祖配天地共犢餘牲尚約

黃圖載元始儀最悉曰元始四年宰

衡莽奏曰帝王之義莫大承天承天之序莫重於郊祀祭天於南就陽位祀地於北

尚清玄器成匏勺貴誠因質天地神所統故類乎上帝禋于六宗望秩山川班於羣

神皇天后土隨王所在而事祐焉甘泉太陰河東少陽咸失厥位不合禮制聖王之

制必上當天心下合地意中考人事故曰愷悌君子求福不回四而求福厥路不通

在易泰卦乾坤合體天地交通萬物聚出其律太簇天子親郊天地先祖配天先妣

配地陰陽之別以日冬至祀天夏至祀后土君不省方而使有司六宗日月星山川  
海星則北辰川卽河山岱宗三光衆明山阜百川衆流滄汗臯澤以類相屬各數秩  
望相序於是定郊祀祀長安南北郊罷甘泉河東祀上帝壇園八觚徑五丈高九  
尺茅營去壇十步竹宮徑三百步土營徑五百步神靈壇各於其方面三丈去茅營

二十步廣三十五步合祀神靈以璧琮用辟神道以通廣各三十步竹宮內道廣三

丈有闕各九十一步壇方三丈拜位壇亦如之為周道郊營之外廣九步營六廿

泉北辰于南門之外日月海東門之外河北門之外岱宗西門之外為周道前望

之外廣九步列望遂乃近前望道外徑六十二步壇方二丈五尺高三尺五寸為

周道列望之外徑九步卿望亞列望外徑四十五步壇廣三丈高二尺為周道卿望

之外徑九步大夫望亞卿望道外徑二十步壇廣一丈五尺高一尺五寸為周道

大夫望之外徑九步士望亞大夫望道外徑十五步壇廣一丈高一尺為周道士

望之外徑九步庶望亞士望道外徑九步壇廣五尺高五寸為周道庶望之外徑

九步凡天宗上帝宮壇營徑三里周九里營三重通八方后土壇方五丈六尺茅

營去壇十步外土營方二百步限之其五零壇土茅營如上帝五神去營步數神道

四通廣各十步宮內道廣各二丈有闕為周道后土宮外徑九步營岱宗西門之

外河北門之外海東門之外徑各六十步壇方二丈高二尺為周道前望之外徑

六步列望亞前望道外三十六步壇廣一丈五尺高一尺五寸為周道列望之外

徑六步卿望亞列望道外徑二十五步壇廣一丈高一尺為周道卿望之外徑六

步大夫望亞卿望道之外徑十九步壇廣八尺高八寸為周道大夫望之外徑六

步士望亞大夫望道外徑十二步壇廣六尺高六寸為周道士望之外徑六步凡

地宗后土宮壇營方二里周八里營再重道四通常以歲之孟春正月上辛若丁親

郊祭天南郊以地配望秩山川徧于羣神天地位皆南鄉同席地差在東共牢而食

太宗高皇帝高后配于壇上西鄉后在北亦同席共牢而食日冬至使有司奉祭天

神于南郊高皇帝配而望羣陽至使有司奉祭地祇于北郊高皇后配而望羣陰

天用牲二燔燎瘞埋用牲一先祖先妣用

牲一天以牲左地以牲右皆用黍稷及樂其文曰皇天上帝后土神祇瞻顧降命

屬秀黎元為民父母秀不敢當羣下百僚不謀同辭咸曰王莽篡弑竊位秀發憤興

義兵破王邑百萬眾於昆陽誅王郎銅馬赤眉青犢賊平定天下海內蒙恩上當天

心下為元元所歸識記曰劉秀發兵捕不道卯金修德為天子秀猶固辭至于再至

于三羣下曰皇天大命不可稽留敢不敬承

二年正月初制郊兆於雒陽城南七里依鄗采元始中故事爲圓壇八陛中又爲重壇天地位其上皆南鄉西上其外壇上爲五帝位青帝位在甲寅之地赤帝位在丙巳之地黃帝位在丁未之地白帝位在庚申之地黑帝位在壬亥之地其外爲壇重營皆紫以像紫宮有四通道以爲門日月在中營內南道日在東月在西北斗在北道之西皆別位不在羣神列中八陛陛五十八醜合四百六十四醜五帝陛郭帝七十二醜合三百六十醜中營四門門五十四神合二百一十六神外營四門門百八神合四百三十二神皆背營內鄉中營四門門封神四外營四門門封神四合三十二神凡千五百一十四神營卽壇也封封土築也背中營神五星也及中宮宿五官神及五嶽之屬也背外營神二十八宿外宮星雷公先農風伯雨師四海四瀆名山大川之屬也至七年五月詔三公曰漢當郊堯其與卿大夫博士議時侍御史杜林上疏以爲漢起不因緣堯與殷周異宜而舊制以高帝配方軍師在外且可如元年

郊祀故事上從之語在林傳東觀書載杜林上疏悉於本傳曰臣聞營河雒以爲民刻肌膚以爲刑封疆畫界以建諸侯井田什一以供國

用三代之所同及至漢興因時宜趨世務省煩苛取實事不苟貪高亢之論是以去土中之京師就關內之遠都除肉刑之重律用髡鉗之輕法郡縣不置世祿之家農人三十而取一政甲易行禮簡易從民無愚智思仰漢德樂承漢祀基業特起不因緣堯堯遠於漢民不曉信言提其耳終不悅論后稷近於周民戶知之世據以興基由其祚本與漢異郊祀高帝誠從民望得萬國之歡心天下福應莫大於此民奉種祀且猶世主不失先俗羣臣僉薦鯨考績不成九載乃極宗廟至重衆心難違不可

卒改詩云不愆不忘率由舊章明當尊用祖宗之故文章也宜如舊制以解天下之惑合於易之所謂先天而天弗違後天而奉天時義方軍師在外祭可且如元年郊祭故隴蜀平後乃增廣郊祀高帝配食位在中壇上西面北上漢舊儀曰祭天祭紫壇幄帷高皇帝祭天

居堂下西向紺帷帳紺席鉤命決曰自天地高帝黃帝各用犢一頭青帝赤帝共用外至者無主不止自內出者無匹不行

犢一頭白帝黑帝共用犢一頭凡用犢六頭漢舊儀曰祭天養牛五歲至三千斤按禮記曰天地之牛角繭栗而此云五歲

本志用犢是也日月北斗共用牛一頭四營羣神共用牛四頭凡用牛五頭凡樂奏青陽朱

明西皓玄冥及雲翹育命舞中營四門門用席十八枚外營四門門用席三十六枚

凡用席二百一十六枚皆莞簞率一席三神日月北斗無陛郭醅既送神燔俎實於

壇南已地周禮凡以神位者掌三辰之法以猶鬼神祇之居辨其名物鄭玄曰猶圖也居謂坐也天者羣神之精日月星辰其著位也以此圖天神人鬼地祇

之坐者謂布祭衆寡與其居向孝經說郊祀之禮曰燔燎掃地祭牲繭栗或象天酒旗坐星厨倉具黍稷布席極敬心也言郊之布席象五帝坐禮祭宗廟序昭穆亦有以虛危則祭天圜丘象北極祭地方

澤象后妃及社稷之席皆有明法焉

建武三十年二月羣臣上言卽位三十年宜封禪泰山服虔注漢書曰封者增天之高歸功於天張晏云天高不

可及於泰山上立封禪而祭之冀近神靈也項威注曰封泰山告太平升中和之氣於天祭土爲封謂負土於泰山爲壇而祭也禮記曰因名山升中于天盧植注曰封

泰山告太平升中和之氣於天也東觀書載太尉趙熹上言曰自古帝王每世之隆未嘗不封禪陛下聖德洋溢順天行誅撥亂中興作民父母修復宗廟救萬姓命黎

庶賴福海內清平功成治定羣司禮官咸以爲宜登封告成爲民報德百王所同當仁不讓宜登封岱宗正三雍之禮以明靈契望秩羣神以承天心也詔書曰

卽位三十年百姓怨氣滿腹吾誰欺欺天乎曾謂泰山不如林放何事汗七十二代

之編錄莊子曰易姓而王封於泰山禪於梁父者七十有二代其有形兆垠堦勒石凡千八百餘處許慎說文序曰蒼頡之初作書蓋依類象形故謂之文其有形聲相溢卽謂之字字者言孳乳而滋多也著於竹帛謂之書書者如桓公欲封管也以迄五帝三王之世改易殊體封於泰山者七十有二代靡有同焉

仲非之若郡縣遠遣吏上壽盛稱虛美必髡兼令屯田從此羣臣不敢復言三月上

幸魯漢祀令曰天子行有所之出河沈用白馬珪璧各一衣以繪緹五尺祠用脯二束酒六升鹽一升涉渭灑淫雜侏侏各水如此者沈珪璧各一律在所給祠具及

行沈祠沈川水先驅投石少過泰山告太守以上過故承詔祭山及梁父時虎賁中

郎將梁松等議記曰齊將有事泰山先有事配林蓋諸侯之禮也河嶽視公侯王者

祭焉宜無卽事之漸不祭配林盧植注曰配林小山林麓配泰山者也謂諸侯不郊天泰山巡省所考五嶽之宗故有事將祀之先卽其

漸天子則否矣泰山廟在博縣風俗通曰博縣十月祀岱宗名曰合凍十二月涸凍

正月解凍太守潔齋親自執事作脯廣一尺長五寸既祀訖取泰山君夫人坐前脯

三十胸太守拜章縣次驛馬傳送雒陽三十二年正月上齋夜讀河圖會昌符曰赤劉之九會命岱宗

不慎克用何益於承誠善用之姦僞不萌感此文乃詔松等復案索河雒讖文言九

世封禪事者松等列奏乃許焉東觀書曰羣臣奏言登封告成爲民報德百王所同陛下輒拒絕不許臣下不敢頌功述德業河雒讖書

赤漢九世當巡封泰山凡三十六事傳奏左帷陛下遂以仲月令辰遵岱嶽之正禮

奉圖雒之明文以和靈瑞以爲兆民上日至泰山乃復議國家德薄災異仍至圖讖

蓋如初孝武帝欲求神仙以扶方者言黃帝由封禪而後僊於是欲封禪封禪不常  
時人莫知元封元年以上以方士言作封禪器以示羣儒多言不合於古於是罷諸儒  
不用三月上東上泰山郭璞注山海經曰泰山從山下至頭四十八里二百步乃上石立之泰山顛風俗通曰石高二丈

一尺刻之日事天以禮立身以義事父以孝成民以仁四海之內莫不爲郡縣四夷八蠻咸來貢獻與天無極人民蕃息天祚永得遂東巡海上求僊

人無所見而還四月封泰山

風俗通曰封廣丈二尺高九尺下有玉牒書也

恐所施用非是乃祕其事語在

漢書郊祀志

東觀書曰上至泰山有司復奏河雒圖記表章赤漢九世尤著明者前後凡三十六事與博士充等議以爲殷統未絕黎庶繼命高宗久勞猶

爲中興武王因父受命之列據三代郊天因孔子甚美其功後世謂之聖王漢統中絕王莽盜位一民莫非其臣尺土靡不其有宗廟不祀十有八年陛下無十室之資

奮振於匹夫除殘去賊興復祖宗集就天下海內治平夷狄慕義功德盛於高宗武

王宜封禪爲百姓祈福請親定刻石紀號文太常奏儀制詔曰許昔小白欲封夷吾

難之季氏欲旅仲尼非焉蓋齊諸侯季氏大夫皆無事於泰山今予末小子巡祭封

禪德薄而任重一則以喜一則以懼喜於得承鴻業帝堯善及子孫之餘賞蓋應圖

錄當得是當懼於過差執德不引信道不篤爲議者所誘進後世知吾罪深矣上許梁松等奏乃求元封時封禪故事議封

禪所施用有司奏當用方石再累置壇中皆方五尺厚一尺用玉牒書藏方石牒厚

五寸長尺三寸廣五寸有玉檢又用石檢十枚列於石傍東西各三南北各二皆長

三尺廣一尺厚七寸檢中刻三處深四寸方五寸有蓋檢用金縷五周以水銀和金

以爲泥玉璽一方寸二分一枚方五寸方石四角又有距石皆再累枚長一丈厚一

尺廣二尺皆在圓壇上其下用距石十八枚皆高三尺厚一尺廣二尺如小碑環壇

立之去壇三步距石下皆有石跗入地四尺又用石碑高九尺廣三尺五寸厚尺二

寸立壇丙地去壇三丈以上以刻書上用石功難又欲及二月封故詔松欲因故

封石空檢更加封而已

欲及二月者虞書歲二月東巡狩至于岱宗柴范甯曰巡狩者巡行諸侯所守二月直卯故以東巡狩也祭山曰燔柴積



柴加性於其上而燔之也松上疏爭之以爲登封之禮告功皇天垂後無窮以爲萬民也承天之

敬尤宜章明奉圖書之瑞尤宜顯著今因舊封竄寄玉牒故石下恐非重命之義受

命中興宜當特異以明天意遂使泰山郡及魯趣石工宜取完青石無必五色時以

印工不能刻玉牒欲用丹漆書之會求得能刻玉者遂書書祕刻方石中命容玉牒

二月上至奉高應劭漢官馬第伯封禪儀記曰車駕正月二十八日發雒陽宮二月九日到魯遣守謁者郭堅伯將徒五百人治泰山道十日魯遣宗室

諸劉及孔氏瑕邱丁氏上壽受賜皆詣孔氏宅賜酒肉十一日發十二日宿奉高是

日遣虎賁郎將先上山三案行還益治道徒千人十五日始齋國家居太守府舍諸

王居府中諸侯在縣庭中齋諸卿校尉將軍大夫黃門郎百官及宋公衛公褒成侯

東方諸侯雜中小侯齋城外汶水上太尉太常齋山虞馬第伯自云某等七十人先

之山虞觀祭山壇及故明堂宮郎官等郊肆處入其幕府觀治石石二枚狀博平圓

尤尺此壇上石也其一石武帝時石也時用五車不能上也因置山下爲屋號五車

石四維距石長丈二廣二尺厚尺半所四枚檢石長五尺廣六寸狀如封篋長檢十

枚一紀號石高丈二尺廣三尺厚尺二寸名曰立石一枚刻文字紀功德是朝上山

騎行往往道峻峭不騎步牽馬乍步乍騎且相半至中觀留馬去平地二十里南向

極望無不觀仰望天關如從谷底仰觀抗峰其爲高也如視浮雲其峻也石壁宵窳

如無道徑遙望其人端如行朽兀或爲白石或雪久之白者移過樹乃知是人也殊  
不可上四布僵臥石上有頃復蘇亦賴齋酒脯處處有泉水目輒爲之明復勉強相  
將行到天關自以已至也問道中人言尚十餘里其道旁山脅大者廣八九尺狹者  
五六尺仰視巖石松樹鬱鬱蒼蒼若在雲中俛視谿谷碌碌不可見丈尺遂至天門  
之下仰視天門窅遠如從穴中視天直上七里賴其羊腸逶迤名曰環道往往有繩  
索可得而登也兩從者扶挾前人相牽後人見前人履底前人見後人頂如畫重累  
人矣所謂磨胸捏石捫天之難也初上此道行十餘步一休稍疲咽唇焦五六步一  
休牒牒據頓地不避濕暗前有燥地目視而兩脚不隨早食上晡後到天門郭使者  
得銅物銅物形狀如鍾又方柄有孔莫能識也疑封禪具也得之者汝南召陵人姓  
楊名通東上一里餘得木甲木甲者武帝時神也東北百餘步得封所始皇立石及

闕在南方漢武在其北二十餘步得北垂圓臺高九尺方圓三丈所有兩陛人不得從上從東陞上臺上有壇方一丈二尺所上有方石四維有距石四面有闕鄉壇再拜謁人多置錢物壇上亦不掃除國家上見之則詔書所謂酢梨酸棗狼籍散錢處數百幣帛具道是武帝封禪至泰山下未及上百官為先上跪拜置梨棗錢于道以求福卽此也東山名曰日觀日觀者鷄一鳴時見日始欲出長三丈所秦觀者望見長安吳觀者望見會稽周觀者望見齊西北有石室壇以南有玉盤中有玉龜山南脅神泉飲之極清美利人日入下去行數環日暮時頗雨不見其道一人居其前先知蹈有人乃舉足隨之比至天門下夜人定矣遣侍御史與蘭臺

令史將工先上山刻石文曰維建武三十有二年二月皇帝東巡狩至于岱宗柴風俗

通曰岱者胎也宗者長也萬物之始陰陽之交觸石膚寸而合不崇朝而徧雨天下惟泰山乎故為五岳之長耳望秩於山川孔安國書注曰九州各山

大川五岳四瀆之屬皆一時望祭之安國又曰喻以尊卑祭之也五嶽視三公四瀆視諸侯其餘小者或卿大夫伯子男班于羣神孔安國曰羣神謂丘陵墳

衍古之聖賢皆祭之矣遂覲東后從臣太尉憲行司徒事特進高密侯禹等漢賓三王之後在

位孔子之後褒成侯序在東后蕃王十二咸來助祭河圖赤伏符曰劉秀發兵捕不

道四夷雲集龍鬪野四七之際火為主河圖會昌符曰赤帝九世巡省得中治平則

封誠合帝道孔矩則天文靈出地祇瑞興帝劉之九會命岱宗誠善用之姦偽不萌

赤漢德興九世會昌巡岱皆當天地扶九崇經之常漢大典之道在九世之王封于

泰山刻石著紀禪于梁父退省考五河圖合古篇曰帝劉之秀九名之世帝行德封

刻政河圖提劉子曰九世之帝方明聖持衡拒九州平天下予雒書甄曜度曰赤三

德昌九世會修符合帝際勉刻封孝經鉤命決曰予誰行赤劉用帝三建孝九會修

後改禪曰禪神之矣封禪儀曰功効如彼天應如此羣臣上壽國家不聽四月己卯大赦天下以建武三十二年為建武

中元元年復博奉高贏勿出元年租芻橐以吉日刻玉牒書函藏金匱璽印封之乙

酉使太尉行事以特告至高廟虞典曰歸格于藝祖用特太尉奉匱以告高廟藏于廟室西壁石

室高主室之下袁宏曰夫天地者萬物之官山川者雲雨之丘墟萬物生遂則官

流一國則德合於山川是以王者經略必以天地為本諸侯述職必以山川為王體

而象之取其陶育禮而告之歸其宗本書曰東巡狩至於岱宗柴傳曰郊祀后稷以

祈農事夫巡狩觀化之常事祈農撫民之定業猶潔誠殷薦以告昊天況創制改物

人神易聽者乎夫揖讓受終必有至德於天下征伐革命則有大功於萬物是故王

者初基則有封禪之事蓋以其成功告於神明者也夫東方者萬物之所始山嶽者

靈氣之所宅故求之物本必於其始取其所通必於所宅崇其壇場則謂之封明其

代典則謂之禪然則封禪者王者開務之大禮也德不周洽不得輒議斯事功不弘

濟不得髣髴斯禮曠代一有其道至高故自黃帝堯舜至三代各一得封禪未有中

修其禮者也雖繼職之君時有功德此蓋率復舊業增修其前政不得仰齊造國同

符改物者也夫神道貞一其用不煩天地易簡其禮尚質故藉用白茅貴其誠素器

用陶匏取其易從然封禪之禮簡易可也若夫金函玉牒非天地之性也



後漢書卷十七考證

祭祀志上九州平天下子○子本或作子

後漢書卷十七考證